


SSH
Current
Shelves
DU
740
A2
W3
v. 1514

Wantok
SSH Current Shelves
UC San Diego
Received on: 08-12-03



WANTOK

Namba 1514 - Fonde Julai 17, 2003

NIUSPEPA BILONG YUMI OL PNG

Peim K1 tasol

**WINIM
K250
PAINIM BAL
RESISI!**

INSAIT:
Ol ripot bilong
Palamen - pes 2 na 3
Wol Nius
- pes 13



MAROONS na BLUES stori long beksait

Somare laik surukim vot i nogat bilip ... 18 mun i go long 36 mun

**Neville Choi na Yakam
Kelo i raitim**

PRAIM Minista Sir Michael Somare i mekim namba wan rit bilong wanpela lo we bai i strongim ol politikel pati na givim moa taim bilong gavman long luksave long ol promis ol i mekim long taim bilong ileksen.

Dispela lo bai surukim taim bilong gavman long sindaun long opis long 18 mun ago long 36 mun olgeta. Dispela i olsem tripela kris-mas. Bihain long 36 mun, oposisen o husat lain long Palamen i ting olsem gavman i no mekim gut-pela wok, bai inap long rausim ol long wanpela vot i nogat bilip.

Narapela senis long dispela lo em long apim namba bilong ol memba husat i laik mekim vot i nogat bilip long 37 i go antap long 55 vot.

Nau yet, gavman inap long lusim opis bihain long 18 mun na oposisen inap long gat 37 vot tasol long mekim wanpela vot i nogat bilip i kamap.

Sir Michael i tokim ol memba olsem em i sindaun long sia bilong Praim Minista planu taim pinis na em i save gut long olgeta hevi Praim Minista i save pilim.

Em i tok olsem em i nogat wan-pela paul tingting long mekim ol dispela senis long lo. Em i tok olsem taim em i lusim politiks, em i laikim bai politiks insait long kantri i sanap strong. Olsem na ol dispela senis bai i lukim ol politikel pati i strongim wok bilong gavman.

Long las wik gavman i bin laik kamapim Lo bilong pinisim palamen sapos wanpela vot i nogat bilip i kamap long palamen. Tasol dispela i kamapim planti paol tingting na ol toktok hat i kamap long sait bilong Oposisen olsem gav-

man bilong Somare i hangre long holim pawa. Tasol Somare i tok dispela senis i bilong mekim gavman i sanap strong long mekim gut ol wok ol i kamapim.

Dispela pasin bilong traim surukim taim bilong vot i nogat bilip long kamap i bin kamap pinis bipo long taim bilong Sir Rabbie Namaliu taim em i bin Praim Minista. Nau Somare i laik kamapim dispela senis gen long surukim taim bilong vot i nogat bilip long gavman i go long 36 mun o tripela krismas bihain.

Tasol taim Sir Michael i givim lik-lik toktok long dispela lo, planti memba i sapatim em.


Olpele Praim Minista na memba bilong Kokopo, Sir Rabbie Namaliu i tokim Palamen olsem em bin Praim Minista long 4-pela krismas olgeta. Em i wanpela Praim Minista bilong PNG we i bin stap 4-pela yia.

Olgeta narapela Praim Minista na gavman i stat long Independens na kam i save pundaun long vot i nogat bilip i kam long ol memba husat i hangere long pawa.

"28 yia i go pinis na yumi i bagarap yet. Dispela lo bai givim sans bilong gavman na ol memba long lukim ol promis bilong ileksen taim i karim kaikai. Namba tu samting em bai givim strong long politiks insait long kantri. Yumi no inap long mekim wankain asua mipela i mekim long Independens i kam inap nau," Sir Rabbie i tok.

Em i tokim ol nupela memba bilong Palamen olsem bipo, ol gavman na Praim Minista i save stap wantaim hevi bikos ol i no save sapos ol bai i stap long sia bilong ol o nogat.

Em i singaut long olgeta politikel pati long palamen long bung wantaim na vot long dispela lo.



• Sempion weit lifta bilong yumi Dika Toua karim fleg bilong yumi na werim tripela gol medol em i winim long Saut Pasifik Gems. Insait em apim ain na winim gol medol. **Medol rekot bilong PNG: 33 Gol, 28 Silva na 20 Brons.**

Brian Bell
Shovel with a friend

SHOVELS, CUTTING TOOLS, CHISELS, POLES, OIL STRONGS, CHISELS, CUTTING TOOLS, SHOVELS, SPADERS, PICKS, HOOKS, AND MORE.

Prices listed: 18.75, 22.00, 18.75, 18.75, 18.75, 18.75, 9.75, 22.00, 7.95.

ISTAP LONG OLGETA HEVIAN BELL DIDIWAN ISTGA KLOSTU LONG YU.

PLIS RIPO!

Kantri:

PLIS Minista Yawa Silupa tok ol i mas rausim ol hos res mesin bikos ol i wok long bagarapim ol yangpela skul pikinini na tu, kantri i wok lusim planti mani long wanem ol lain i operetim ol mesin ya i no peim takis long ol. Dispela em bikos ol mesin ya i kisim ol i kam olsem long "amusement machine" o mesin bilong pilai nating tasol na i no bilong wokim mani long ol.

Nesenel Kapitel Distrik:

Klostu 100 pipel husat i stap long Tete Setelmen birua we 10-pela pipel i bin dai long em las wik i bin kamap long kot long dispela wik.

Mak long ol pipel we plis i bin holim pasim na sasim long kilim dai narapela man em 94.

Ol bin kamap long ai bilong kot long Boroko Kothaus long dispela wik na ol i surukim kot bilong ol igo long Julai 28.

Olgeta ol saspek ya em ol i stap long han bilong plis na ol bai i no inap long larim ol i kisim beil long lusim haus kalabus o plis sel inap long kot i lukluk long keis na sas bilong ol.

Hevi na pait i bin kamap namel long ol Goilala pipel bilong Sentrel provins na ol Tari pipel bilong Sauten Hailans. Long dispela hevi na birua, ol Tari pipel i bin kilim dai 10-pela Goilala, na wanpela bilong ol em liklik bebi.

Kundiawa, Simbu:

Wok painimaut bai kamap we klostu sampela raskol i bin klostu kukim Kundiawa plis stesen long las Sande nait.

Ol bai lukluk tu long ol plisman husat i bin stap long wok long dispela nait tasol ol raskol i bin go insait na klostu kukim plis stesen na opis na tu, stilim ol sampela arapela samting.

Somare tok klia long praiwetaisesen

Neville Choi i raitim

GAVMAN bai kisim K200 milien sapos ol i salim Telikom PNG na Moto Vikel Insuren Limited (MVL) long dispela yia yet.

Ol bai no inap long salim olgeta samting bilong ol bisnis insait long praiwetaisesen program.

Sapos ol i salim Telikom na MVL, ol bai salim ol wan hap tasol insait long bisnis bai gavman na pipel bilong kantri bai i gat sea yet long ol dispela bisnis.

Praim Minista Sir Michael Somare i tokaut long Palamen long Tunde olsem gavman na Independen Pablik Bisnis Koporesen (IPBC) i stretim pinis olgeta wok bilong ol bisnis bilong ol na ol i redi long salim hap hap bilong ol dispela bisnis.

Em i tokim Palamen olsem ol i salim olgeta sea bilong ol insait long Hargy Oil Palm na ol bai kisim K19 milien. Dispela em i

winim prais bilong olpela gavman we i sanap long K16 milien.

Narapela bilding bilong gavman, Pacific Place, nau i stap aninit long kontrak bilong ol PNG bisnis husat i bung wantaim long baim dispela bilding.

Gavman i kisim pinis K40 milien we i winim prais olpela gavman i bin givim we i sanap long K32 milien.

Narapela bildim Revenu Haus i stap yet na ol bai opim long pablik long husat man o bisnis i laik baim long tupela mun i kam. Siaman bilong IPBC Masket langalio i tokaut olsem gavman i kisim pinis winmoni i kam long Oil Search na Ramu Sugar. Dispela inapim K8 milien.

Long sait bilong Telikom na MVL, Mista langalio i tok olsem gavman i bin wok hat long stretim olgeta samting long dispela tupela bisnis na ol i ron stret nau.

Em i tok olsem sapos gavman i salim ol hap hap long dispela bisnis, ol bai inap long mekim

K200 milien long putim insait long 2003 nesene baset.

Tasol Sir Michael i tok olsem sapos ol i no inap long salim dispela tupela bisnis long dispela yia, ol i redi long kisim sampela dinau mani i kam long ovasis.

Mista langalio i tok olsem gavman i wok long stretim olgeta arapela bisnis bilong gavman we ol inap long salim ol.

Sir Michael i tok olsem gavman bilong em bai i no inap long salim olgeta samting bilong ol bisnis bilong ol bikos.

Em tok dispela em bikos sampela bisnis olsem Telikom na Post PNG na Harbous Bod em ol bisnis we kantri i mas holim pas bilong ol pipel.

"Mi laik tokim ol memba na pipel bilong Papua Niugini olsem mi sanap olsem Praim Minista, na mi bai i no inap long larim ol liklik grup nabaut i baim ol bikpela bisnis bilong ol pipel bilong PNG," Sir Michael i tok.

Rausim poka mesin Kuman i tok

MEMBA bilong Gumine, Nick Kuman i salensim gavman long rausim poka mesin long Papua Niugini.

Em i tokim Palamen long Mande olsem em bai i kisim wanpela praiwet membas bilong go long Palamen bai i memba inap long vot na rausim Nesenel Geming Ekt we i lukautim poka mesin insait long kantri.

Mista Kuman i tok olsem poka mesin i wok long bagarapim laip bilong ol pipel na ol famili i wok long bagarap long dispela samting tasol.

"4-pela yia i go pinis, yumi i bin larim wanpela monsta (tewel) i kam insait long Papua Niugini na nau dispela samting i wok long bagarapim laip bilong ol famili bilong yumi.

"Poka mesin i stap, potnait i kam, tasol poket i bruk. Ol pablik sevens bilong mipela em ol lain husat i no save wok na husat i save go pilai poka mesin.

"Ol meri, ol pikinini meri bilong mipela i wok long salim skin bilong ol long kisim mani bilong go pilai poka mesin," Mista Kuman i tok.

Em i tok olsem sapos gavman i tingting long gutpela sindaun bilong ol pipel, ol i mas yusim ol namba bilong ol long sapotim dispela bil em bai muvim long Palamen bai ol inap long rausim poka mesin.

Poka mesin, aninit long Nesenel Geming Ekt i save givim sampela mani i go long gavman long baset bilong ol wanwan provins we ol i tok orait long em i stap.

Sapos Mista Kuman i tingting long putim wanpela bil long rausim ol poka mesin, em i mas kisim sapot bilong wan memba bilong Palamen long mekim dispela.

Pomio nogat benk sevis Tiensten i tok

MEMBA bilong Pomio, Paul Tiensten i rausim belhat em long Palamen long Mande na tok olsem ol pipel bilong em long Pomio i nogat wanpela gutpela sevis bilong benk o telepon.

Em i tok olsem Benk Saut Pasifik (BSP) husat i bin baim Papua Niugini Benking Koporesen (PNGBC) i bin toktok long strongim wok bilong ol i go long ol ruel erias.

Tasol BSP i wok long painim hat long kisim wanpela laisens long Telikom bai ol inap long kisim setelait bilong ol yet long stretim gut ol benk sevis bilong ol.

Mista Tiensten i askim Praim Minista Sir Michael Somare long tokaut sapos em i kisim pinis wanpela askim i kam long BSP long laisens bilong setelait.

Em i tok olsem sapos BSP i kisim dispela laisens, ol bai inap long givim gutpela sevis i go long ol pipel i stap long ol ruel eria.


"Nau mipela i stap olsem.

"Ol pipel i no kisim sevis, BSP i askim pinis Telikom long laisens bilong setelait, tasol Telikom i no givim laisens yet," Mista Tiensten i tok.

Sir Michael i bekim olsem em i no save long askim o aplikesen bilong BSP long wanpela laisens, tasol em bai painimaut husat tru bai inap long givim laisens long ol.

Memba bilong Talasea, John Vulupindi, i sanap long palamen na tok klia olsem ol lain husat bai inap long givim laisens bilong setelait em Independen Konsuma na Kompetisen Komisn (ICCC).

TRAIN FOR SUCCESS!
Gain professional, accredited qualifications with expert British Training. Rapidly gain top jobs and high pay!
Accredited Diplomas (£130 or US\$210):
* English, Management, Personnel, Sales, Stores
* Accounts, Purchasing, Marketing, Advertising, PR
* Business, Hotels, Tourism, Computers, Secretarial
Advanced, Honours & Post Graduate Diplomas:
* Business, Accounts, Hospitality, Marketing, H.R.
International Degree Programmes:
* BBA and MBA in Business Administration
CIC is fully accredited in Britain and internationally by ODLQC, ICDE, BAOL, ASET and is Approved by the Papua New Guinea Ministry of Labour & Employment
For a FREE Prospectus write, fax or email to:
CAMBRIDGE INTERNATIONAL COLLEGE
PO Box 53, Southampton, SO14 0JY, Britain
Email: info@cambridgetraining.com
www.cambridgecollege.co.uk
Fax: +44 2380 337200
Name: _____
Address: _____
Age: _____
Fees include everything you need for success: Manuals, Exams, Guide, Tests, Assessment, Awards.



Stail bilong ol Japan. Ol Japanese Navy i amamas long kisim poto taim ol i raun kam long Mosbi las wik. Foto: JOE IVAHARIA

OROTO


BIKPELA REN I RINDAUN LONG RENBOW VILES NA PLES I BAGARAP OLGETA... ROT TU I GAT PLANTI BIKPELA HUL OLSEM BOM I PAIRAP LONG EN...

TORO INO SAVE, EM RON LONG WAIGANI IGO LONG RENBOW... PUFF! MI GO WAN RAUN LONG RENBOW! PUFF!

BAGA LUKIM SAMPELA OL YANGPELA MERI I KASKAS LONG REN NA EM SO-OFF STRET NA MEKIM WANPELA KAIN RON STRET... MAORO!

EM INO SAVE OLSEM I GAT TRAPELA MAMA BILONG BARET NA WARA I KARAMAPIM I STAP LONG FRAN... SPLASH! GUG! GUG! SOON!!! HAI HAI HAI HAI HO! HO HO!

TORO KISIM TAIM NA KLOSTUEM DROUN...



Lida bilong Oposisen, Sir Mekere Morauta i tokim Palamen olsem em i sapotim dispela ol senis, tasol em i askim Sir Michael na gavman long givim dispela ol senis i go bek gen long Konstityusenel Development Komisin (CDC) bai ol i lukluk long em na bai i givim sans long olgeta memba toktok gut long en long taim Palamen i bung gen long Novemba.

Em i tok olsem i tru Palamen i save senisim ol gavman klostu klostu bipo, tasol ol i bin mekim aninit long mama lo bilong kantri.

Sir Mekere i askim Sir Michael long lukluk long mekim senis bai gavman i stap long opis inap long tripela yia tasol na bai nogat vot i nogat bilip.

Em i tok tu olsem gavman inap long mekim senis bai praim minista i mas senis bihain long 13 mun.

Palamen paitim toktok long lo bilong strongim politiks

Neville Choi i raitim

OL MEMBA long Palamen i bin paitim toktok long nupela lo we gavman i kamapim long surukim vot i nogat bilip na planti i wok long toktok long stabiliti bilong politiks o strongim wok politiks.

Minista bilong Foren Afes Sir Rabbie Namaliu i bin opim dispela toktok na em i tokim palamen olsem dispela lo bai stapim

ol memba husat i save hangere long pawa long rausim gavman olgeta taim.

Em i tok olsem i gat planti nupela memba husat i kam insait long Palamen bikos ol pipel yet i gat bikpela laik long senis i mas kamap long kantri.

Mipela sampela i stap long taim pinis long dispela haus, na nau em i taim bilong yupela ol yangpela long lukaut long bihain taim bilong kantri bilong

yumi.

28 yia i kam na go pinis, na yumi no lukim wanpela gutpela developmen bai yumi i ken amamas long em na ol narapela kantri bai i lukim mipela na tok olsem mipela wanpela kantri we i gat gutpela sindaun.

Em i tokim ol memba olsem: "Yupela i mas sapotim dispela lo.

"Kantri i mas gat dispela lo bai politiks bai sindaun gut.

Nali tokaut long ol pekato bilong em

Memba bilong Mendi i tokaut long Palamen olsem em i wanpela memba we i bin mekim wanpela vot i nogat bilip long olpela gavman.

Em i tok olsem planti taim tumas ol gavman i save pundaun bihain long 18 mun.

Mista Nali i tok olsem olgeta memba bilong Palamen i save olsem sapos ol i stap long gavman na gavman i no luksave long ol na ol askim bilong ol, ol i save go na sanap wantaim oposisen na kamapim vot i nogat bilip.


Em i tokim ol nupela memba tu olsem taim ol

memba i stap insait long gavman long namba wan krismas bilong ol, ol bai pilim olsem gutpela taim.

Tasol taim i laik go klostu long taim vot i nogat bilip inap long kamap, ol pablik servis lain ino save wok gut bilong wanem ol i save olsem bai i gat vot i nogat bilip.

Em i tokim ol olsem ol lida yet i save asua na tingting tumas long sindaun bilong ol yet na ol i no save lukluk long sindaun bilong ol pipel.

Em i givim sapot bilong em na pati bilong em long dispela lo.



• LONG ol ples olsem Mosbi na Lae, bai yu lukim olsem i gat planti kar we ol windua bilong ol i bilak. Bilong wanem na ol man i laikim glas bilong kar bai i mas bilak. Long las wiken mipela i kirap nogut long lukim wanpela kar we olgeta glas bilong em i bilak i draiv raun long Mosbi wantaim ol hedlait bilong em i on tu. I luk olsem ai bilong sampela man i save bilak tu sapos glas bilong kar bilong ol i bilak.

• Wanpela bikman husat i raun long Mosbi long las wiken i lukim olsem i mas wanpela nogut wiken stret bilong ol lain long siti. Em i tok olsem planti kar i bam, na planti dok i dai na planti kar i kapsait. Ating planti man tu i bin dai wantaim. Plis draiv gut na lukluk gut taim yumi ron long rot.

• Bilong wanem na yumi save sapotim ragbi lig long Australia na State Of Origin olsem graun bai pinis long tumora yet? Ating mipela ol Papua Niugini yet i mas painim wanpela kain samting mipela inap long sapotim na pait wantaim. Ol lain spotsman na meri husat i go raun long Saut Pasifik Gems i kam bek pinis na mipela i no mekim wanpela bikpela samting, EMTV tu i no soim gut long TV bai mipela i lukim na sapot longlong. Em i orait. State of Origin i stap.

• Praim Minista Sir Michael Somare i tokaut pinis long Palamen olsem mipela ol Papua Niugini i save sapotim spot bilong narapela kantri na yumi yet nogat. Sapos em i ting olsem, orait ol wanlain bilong em insait long palamen i mas lukluk long wanpela spot we ol wanwan rijen o komyuniti inap long sapotim.

• Wiken i kam gen, na planti long ol man na meri wantaim bai i go daunim bia na ekeseisim ol pinga bilong ol long paitin dispela ol stil man ol i kolim poka masin. Sapos yu wanpela man o meri husat i save go pilai poka masin, tingting pastaim. Haus bilong yu i gat kaikai inap long neks potnait o nogat? Ol pikinini bilong yu bai pulap long tupela wik i kam o nogat? Yu pinisim skul fi bilong ol pikinini pinis o nogat?

• Poka masin em i wankain olsem binggo, hos resis, hos masin, haia na ol arapela pilai bilong winim mani. Sapos yu pilai na yu no tingting long ol famili o ol samting we i bikpela long laip bilong yu, bai yu nogat mani stret. Sapos yu win, em laki bilong yu. Tasol noken ting olsem bai yu win olgeta taim.

• Mipela i save raun long ol bikpela stua na lukim planti samting we i luk olsem ol bai i bruk klostu klostu. Sampela samting ol prais bilong ol i antap tru. Sapos yu wanpela man o meri husat i save lukim ol wankain samting olsem, raitim wanpela pas i kam long Wantok Niuspepa na tokaut long hevi bilong yu long ol kain samting olsem. Wan wan man na meri i gat rait long toktok long gutpela sindaun bilong em yet. Noken lusim ol man bilong narapela kantri i kam na salim ol rabis samting long mipela.

Drum Drum!!

• Airileke Ingram bilong PNG tredisenol kontemporeri ben o ben we i save yusim ol kundu o garamut wantaim ol samting bilong mekim musik bilong ol wait man olsem gita o piano, long mekim musik. Dispela ben Drum Drum i save bes long Darwin, Australia na raun long wol long pilai i stap long Pot Mosbi nau long holim wanpela woksop. Foto: WILLIAM NATERA



Wenge laikim presidensel sistem

Gavana bilong Morobe, Luther Wenge i givim sapot bilong long ol dispela senis, tasol em i tok olsem ating bai i gutpela sapos PNG i kisim wankain sistem olsem Amerika we kantri bai i votim presiden.

Em i tok amamas olsem Sir Michael i kisim gutpela tingting na rausim wanpela senis em i bin tokaut long em long las wik we ol i laik rausim palamen sapos i gat vot i nogat bilip.

Em i tok olsem ol papa bilong mama lo bilong PNG i bin putim dispela vot i nogat bilip bikos ol i save long wanem kain hevi bai kisim PNG, olsem na vot i nogat bilip i mas i stap.

Lady Kidu tok amamas long gutpela senis bilong kantri

Memba bilong Mosbi Saut, Lady Carol Kidu i givim sapot bilong ol dispela senis gavman i karim i kam na em i tok tenkyu long Sir Mekere Morauta na gavman bilong em husat i bin kamapim dispela lo long ol politikel pati na kendidet.

Em i tok olsem wankain olsem ol senis olpela gavman i bin mekim, ol dispela senis tu bai i helpim PNG.

Lady Kidu i tok olsem nau em i taim bilong ol memba bilong Palamen long yusim politiks long developmen na pinis long yusim politiks long kisim pawa tasol.

"Yumi noken giaman. Mi save long sampela

bek bensa husat i wok long kisim telepon kol long traipela nait long ol narapela man husat i laik save sapos ol bai sapotim vot i nogat bilip.

"Mipela olgeta save long ol man husat i save karim bek mani raun long baim ol memba. Yumi noken giaman na hait," em i tok.

Lady Kidu i tok olsem asua em i stap wantaim ol lida husat i save laikim tumas pawa.

Em i tok ol dispela lida i save lus tingting long sindaun bilong ol pipel i givim vot long ol long makim maus bilong ol long Palamen na tingim ol yet.

Kuman i tok katim namba bilong ol politikel pati

Memba bilong Gumine Nick Kuman i laikim bai Palamen i mas katim namba bilong ol politikel pati na daunim i kam daun long 5 o i go daun yet.

Em i tok olsem politiks insait long PNG i wok long painim bikpela hevi bikos i gat planti politikel pati tumas na planti man tumas i laikim samting bilong amamasim ol pati memba bilong ol.

"Mipela laikim stabiliti o gutpela sindaun? Orait mipela ol lida mas lukluk long mipela yet na senisim pasin bilong mipela bikos mipela kam long hia long vot bilong ol pipel bilong mipela," Mista Kuman i tok.

Em i givim sapot bilong em i go long gavman long ol dispela senis long lo, tasol em i tok olsem ating bai i gutpela sapos ol

i katim namba bilong ol politikel pati insait long kantri.

"Sapos yupela i laikim stabiliti, katim ol politikel pati," em i tok.

"Yumi gat planti tumas na gavman i save painim hat tru long givim samting long olgeta," Mista Kuman i tok.

Lida bilong Gavman Bisnis, Peter O'Neill i askim Deputi Spika, Jeffrey Nape, sapos ol inap long skruim toktok long ol dispela senis long lo i go long tude.

Plantil ol gavman minista i givim sapot long dispela senis i kamap, olsem Sir Moi Avel husat i tokim Palamen olsem ol memba yet i save long kain pasin politiks i save kamap long Palamen na ol i mas luksave olsem ol dispela senis i gutpela.

Ol Hap Hap Nius Maladina i kam pinis

Man olgeta pipel bilong Papua Niugini i wok long wetim long i mas kam bek long PNG long tokaut long kot long ol hevi we i kamap long mani bilong NPF i kam bek pinis long PNG.

Jimmy Maladina i kam pinis na bai sanap long kot long tokaut long klinim nem bilong em long olgeta tokot nabaut we i bin sut long em olsem em i as bilong bikipela mani bilong ol pipel i paul long NPF.

Distrik Kot bai tokaut long wanem taim bai kot bilong em i kamap.

Klostu Kundiawa i paia

Klostu plis stesin na ol haus long Kundiawa i paia long las wik taim samela man nogut i bin pasim 6-pela danamait (bom) wantaim na i laik bomim plis stesin. Dispela em pasin bilong ol ami stret long kilim ol birua long taim bilong woa. Laki tru ol dispela bom i no bruk olsem na ol haus, stua, opis na plis stesin long Kundiawa i stap gut. Bos bilong Kundiawa plis i no amamas tu long dispela olsem na em i tokot yet wantaim ol diuti plisman bilong em long dispela taim.

Skate sutim tok long Philemon

Spika bilong Nesenel Palamen Bill Skate i askim Praim Minista Sir Michael Somare long rausim Fainens Minista Bart Philemon long wok bilong em. Tasol Bart Philemon em wanpela sinia memba bilong Nesenel Alaiens (NA) pati we Somare i lida long en na ol i go pas long gavman. Bill Skate i tok Bart Philemon i no ronim gut kantri long sait bilong mani olsem na mani i sot na hevi bilong mani i wok long kamap bikipela nau. Na tu Mista Philemon i no givim gutpela tingting long Praim Minista long wanem kain hevi tru em kantri i bungim nau na strong bilong kantri i sanap olsem wanem nau.

Philemon tok hat long NCDC sevis

Fainens Minista Bart Philemon i askim Gavman long tokaut stret long mani bilong Nesenel Kapitol Distrik Komisn (NCDC) i stap we nau taim planti bikipela sevis olsem rot, ol lait long rot na arapela sevis bilong siti i bagarap.

Mista Philemon i tok NCDC i save kisim bikipela mani tu long baset mak long K130 milien olgeta yia winim ol arapela provins. Tasol dispela mani i stap we tru na ol sevis i wok long bruk daun na bagara. Dispela tokot ino go gut long bel na tingting bilong Spika Bill Skate husat tu em rijinol memba bilong NCD. Olsem na em i tok Mista Philemon i noken mekim ol politiks tokot long daunim em.

Danaya i no wanbel long PNG salim ami na plis long Solomon

Veronica Hatutasi i raitim

GAVANA bilong Westen provins na Palamenteri Lida bilong PNG Leba Pati Bob Danaya i no wanbel long PNG i salim ol soldia na plis i go long Solomon Ailans na helpim long stretim hevi long hap. Na em i askim praime minista long lukluk gen long dispela samting.

PNG i tok orait pinis long salim 84 difens na plis memba we bai bung wantaim narapela ol plis na difens lain bilong Australia, Nu Silan, Vanuatu na Fiji. Mak long grup we ol dispela pren Pasifik kantri bai salim i go long Solomon Ailan em 2,000. Na grup i wok long redi long go long kantri insait long dispela mun.

Wok ol bai wokim em long helpim stretim hevi long lo na oda, wok mani na gavman we i bagarap bihain long pait klostu long foapela yia namel long ol Guadalkanal na Malaita pipel. Nau yet, Harold Keke husat i wanpela eks plisman i strongim pait long Wedakos eria bilong Guadalkanal. Em na samting olsem 50 paitman bilong em i wok long hoim ol man husat ol i ting i gat samting egens long ol na ronim na kilim nabaut ol pleslain long eria. Long nau, Keke na

lain bilong em i holim sampela pipel i stap yet. Keke i no wokim wanpela askim long wanem samting tru em i laikim. Na bikos gavman yet i no inap long stretim dispela, Praim Minista long las mun i bin askim helpim bilong Australia. Bihainim dispela, Australia i bin tok orait. Na ol arapela kantri klostu olsem Nu Silan, Fiji, Vanuatu na PNG tu i tok orait tu long givim helpim bilong ol.

Ol ripot i tok maski hevi i stap, sindaun na stap long Solomon Ailan i orait. Hevi i stap long Wedakos. Ol pipel, ol wokman, ol manmeri nating long Honiara i raun fri long mekim wok bilong ol long opis, long ples na long taun.

Orait, Dokta Danaya i tok watpo PNG i laik salim ol soldia na plis bilong em i go long Solomon Ailan taim em i no bin nap long stretim Bogenvil hevi. Na em i tok i gat narapela rot long stretim hevi long Solomon Ailan na i no wantaim ol gan. Em i no amamas tu long rot we Foren Afeas Dipatmen na Difens Fos i laik go insait long hevi bilong Solomon Ailan.

Em i tok PNG i noken harim na bihainim Australia na salim ol plis na ami long kilim dai ol bratasusa long Solomon Ailan.

"Gutpela gavman i mas glasim na skelim as bilong hevi bipo em i gc het na wokim samting. Bogenvil i bin gat as long pait long graun bilong ol tasol PNG i no bin nap long stretim. Na olsem wanem em i laik salim ol ami bilong em long kilim dai ol lain long Solomon Ailan? Sapos ol paitman i kamapim hevi long Solomon Ailan, i gat ol arapela rot long stretim na i no wantaim gan. Ol paitman long Solomon i mas gat as long kamapim dispela hevi tasol Foren Afeas i no wokim gutpela disisen long salim ol ami na plis bilong yumi i go.

Long wankain taim tu, Foren Afeas Minista Sir Rabbie Namaliu i tok ol i mas glasim na skelim gut tru ol samting pastaim bipo ol i salim dispela rijinel pis kiping grup i go long Solomon Ailan bikos em i no laikim bai moa hevi i kamap.

Bihain long kam bek bilong em long Saut Pasifik Forum miting, Sir Rabbie i tok PNG wantaim ol arapela Forum memba kantri i sapotim plen long salim wanpela rijinel grup long helpim stretim lo na oda hevi long Solomon Ailan tasol ol i mas bihainim laik na tok orait bilong Solomon Ailan yet.

Task fos bai putim was long ol lain i hait na kam insait long PNG

ASKIM i bin go long Leba na Emploimen Minista Peter O'Neill long wokim stoktek long olgeta forena o ol manmeri bilong ausait kantri husat i stap long PNG bilong daunim hevi long ol iligal imigren o ol ausait lain i hait na kam insait long kantri wantaim nogat tok orait.

Kompiani-Ambun memba Dickson Maki wantaim memba bilong Wewak Kimson Kare i bin autim ol wari long planti ausait lain, moa yet ol Asia, i wok long hait i kam insait long kantri wantaim nogat tok orait na karimaut ol liklik bisnis we ol asples PNG inap long wokim.

Mista Maki i bin tok ol dispela ausait lain i hait na kam long kantri i save pasim wok we ol PNG lain inap mekim olsem ol liklik bisnis, ol woksop, taia sevis, ol takasop na moa.

Olsem na em i askim Minista O'Neal long kariamut stok tek o rekot long olgeta manmeri bilong narapela kantri i stap na wok long

PNG. Em i tok long dispela rot, bai ol atoriti i ken save long ol ausait manmeri i bihainim lo na i stap wok long kantri na husat i brukim lo na ol dispela em ol i ken rausim.

Mista Maki i tok em i luksave long ol ausait lain i kam na wok long PNG long ol eria olsem maining, ol teknikal eria, gavman, ol diplomatik misin, edukesen na ol bikipela eria olsem.

Em i tok wari i kamap nau bikos planti ausait lain i wok long hait na kam insait long kantri na karimaut ol bisnis we ol i no gat rait long em.

Minista O'Neill i tok em bai putim wanpela task fos komitii we ol opisa bilong ol dipatmen i karamapim dispela eria bai lukluk long dispela wari.

Em i tok taim ol i lukluk long dispela samting, ol bai luksave tu olsem PNG em i memba bilong intenesenel komyuniti na ol bai givim bikipela tingting tu long ol dispela ausait lain husat i kam mekim bikipela wok long helpim ol wok developmen long PNG.

Dreikikir pias givim K280,000 long bungim ol han rot

OL pipel bilong Dreikirir long is Sepik i salensim Somare/Marat gavman long stretim ol liklik han rot we i joinim Sepik Haiwe.

Dispela em bihain long ol i bin bung wantaim na givim moa long K280,000 long taim bilong komisinin Dreikirir stesen pawa jenereta i kam long Praim Minista.

Dreikirir em i asples bilong vanila long is Sepik na ol pipel i bin bungim dispela K280,000 mani mak long olgeta ples insait long distrik. Memba bilong ol, Anthony Aimo i bin tokaut long dispela.

Long seremoni bilong kisim dispela nupela pawa jenereta, Mista Aimo i bin tok ol pipel i wet longpela taim long gavman i stretim rot bilong ol.

Em i bin tok vanila bisnis i kamap gut tru na distrik i kisim gutpela mani long en na olsem ol pipel i bin bungim moa long K280,000 long baim jenereta ya.

Em i tok tu olsem ol pipel i salensim gavman long givim hap mani bilong em we ol i ken yusim long stretim ol han rot na ol i ken karim ol samting bilong ol i go long maket.

Praim Minista Sir Michael Somare i bin stap long seremoni i bin tokim ol pipel long sevim na yusim gut mani na i noken tromoim nabaut long baim ol strongpela dring na wokim ol spak pasin olsem planti yangpela pipel i wokim.

Em bin tokim ol pipel long yusim mani gut long kamapim gut laip na sindaun bilong ol na i bildim ol gutpela haus, putim ol sola pawa na ol arapela gutpela samting moa.



Wok long bungim gan long Bogenvil i go het

OL wok long bungim ol gan insait long namba tu hap bilong rausim ol gan long Bogenvil i go het yet.

Bosman bilong Yunaitet Nesens Obseva Misin long Bogenvil (UNOMB) Ambaseda Noel Sinclair long dispela wik i tok wok long bungim ol gan na putim ol long kontena i go het insait long ol distrik. Na gutpela tokot na wok bung i kamap pinisim dispela wok na tu, long wanem samting bai kamap long ol gan ol i wok long bungim insait long ol kontena.

Ambaseda Sinclair i tok ol i wok long tokot long kisim ol gan we i stap yet na tu ol dispela we ol bin rausim ol long ol kontena long Torokina.

Em i tok long dispela taim, lain bilong em wantaim helpim bilong ol Bogenvil Trensisenel Tim (BTT) i raun long helikopta na ka long ailan na sekim ol kontena na wok long bungim ol gan. Ol i wok long sek tu long stap bilong komyuniti, wok long go hetim na pinsim Stej 2 long bungim na putim ol gan long ol kontena na wok long kamapim bel isi na sekan namel long ol lain we inap kamapim hevi

long wok bilong painim gutpela sindaun.

Em i gat bikipela tingting olsem bai i gat sekan na bel isi pasin namel long Francis Ona na Joseph kabul tu.

Ambaseda Sinclair i tok lain bilong em i wok wantaim ol BTT lain long lukim olsem ol i kisim bek olgeta gan na givim gutpela ripot i go long Nesenel Gavman.

Long wankain taim tu, Inta gavman Rilesens na Bogenvil Afeas Minista Sir Peter Barter i tok BTT i kirapim wok bilong em long ailan tupela wik i go pinis.

Em i tok olsem ol Pis Monitoring Grup (PMG) we i pinisim wok bilong ol long Bogenvil long pinis bilong las mun, ol BTT i no karim gan na mekim wok bilong ol.

BTT i gat 17-pela manmeri bilong Australia, Nu Silan, Fiji na Vanuatu. Olgeta i man nating na ol i no ol ami na plis memba.

BTT bai skruim wok long sapotim wok bilong painim trupela gutpela sindaun long Bogenvil.

Madang Eben LLG i gat bikpela hevi long mani i sot

Dorcas Sawan i raitim

ASKIM i go long pablik na ol bisnis haus insait long Madang taun bilong peim ol graun, wara na pipia bil kwiktai bikos dispela i kamapim hevi.

Bikos long mani i sot hevi, Madang Eben Lokol Level Gavman (MULLG) i tingting long pasim operesen bilong em.

Eking Taun Menesa Philip Posanau i tok hevi i kamap bikos MULLG i no kisim gren

mani i kam long Nesanel Gavman bilong baim bil bilong graun na pipia long en.

Mista Posanau i tok long planti yia, MULLG i no kisim dispela mani. Em i tok dispela samting i kamapim hevi long operesen bilong ol bikos LLG i save kisim gren mani long Nesanel Gavman long karimaut ol wok bilong em.

Em i tok bihainim dispela hevi, ol MULLG opisa bai go long ol wan wan haus na ol bisnis haus long Madang na askim ol hauslain long

peim ol bil we longpela taim nau ol i no peim.

Em i tok sapos ol i no wokim peimen, ol bai kisim ol i go long kot. Olsem na em i putim strongpela askim long pablik na ol bisnis haus husat i no wokim peimen long ren o pei bilong graun, pipia na wara samting bilong streitim dispela hariap.

Taun Meya o bos David Kunagu i tok ol plen long ol wok we ol i bin laik karimaut long dispela yia bai i no kamap nau bikos long mani i sot hevi. Dispela

ol projek em long apgetim taun maket, eria long wof o bris, ol strit lait, stretim ol rot na ol arapela moa. Kos bilong dispela ol projek em long K1.5 milien.

Mista Kunagu i tok sapos ol i kisim dispela mani long ol rot we provinsel gavman i i gat long pulim mani long em na tu, gren mani long Nesanel Gavman, ol inap long karimaut ol wok projek.

Em i tok Nesanel Gavman i save givim K300,000 long olgeta yia tasol ol i no kisim

yet skel bilong dispela yia bikos ol i no givim yet ripot long rot we ol i yusim mani long en.

Em i tok nau ol i klostu pinis long kamapim dispela ripot, klostu taim ol bai kisim dispela gren mani bilong dispela yia long Nesanel Gavman.

Mista Kunagu i sapatim tu singaut we Mista Posanau i wokim long ol manmeri na bisnis haus long Madang taun long peim ol dinau bilong ol hariap na MULLG i ken karimaut gut wok bilong em.

PNG'S Favourite



ONLY 30¢

Ol Beon kalabus lain karimaut komyuniti wok

Michael Tabakas i raitim

WANPELA sinia woda long Beon Haus kalabus insait long Madang provins i singaut long pablik long saplaim ol sarep reik na ol dring samting i go long ol kalabus lain husat i mekim komyuniti sevis wok.

Peter Avu i tok moa long 100 kalabus lain i laik karimaut ol komyuniti wok tasol ol i sot long ol samting bilong mekim wok wantaim.

Orait, Madang Provinsel gavman na Madang taun Atoriti i askim ol kalabus lain long Beon long wok bilong planim, klinim na stretim ol flawa gaden long Madang taun we i bin stat long las mun.

Na haus kalabus i bin givim gutpela ansa taim em bin larim 47 kalabus lain we i no wokim ol bikpela trabel long karimaut wok.

Grup ya i bin statim wok long klinim Madang Yunivesiti senta. Ol i bin

skruiim wok i go taim ol i klinim Jomba plis stesen na nesanel na Distrik kothaus.

Mista Avu i tok insait long las tripela yia, ol kalabus lain long Beon i save helpim long klinim ples taim ol bikpela samting i save kamap long Madang taun.

Em tok tenkyu i go long ol kampani olsem Best Buy na Papindo long givim lans long ol kalabus lain i karimaut ol wok.


Grup i gat long em 40 man na sevenpela meri husat i stap long kalabus grup Minimum Sekyuriti Yunit (MSU). Dispela em i wanpela grup long ol kalabus lain husat i senisim laip bilong ol na i lainim ol nupela samting olsem wok kapenta, somap we i kam aninit long AusAID rihabilitesen o kamapim senisim program.

Plantil ol kalabus lain i tok ol i amamas long wok olsem grup long helpim komyuniti.

Aiome opim pilai ples bilong ol pikinini



• Ol gret 10 sumatin wantaim Prektikal Skills tisa Brian Cain bilong Aiome Anglikan Hai Skul husat i kirapim dispela projek long bildim liklik haus pilai bilong ol pikinini long skul.



• Liklik haus pilai bilong ol pikinini bilong skul i sanap na redi long ol pikinini i ken kam na pilai long em. Foto: Brian Cain

OL sumatin long Aiome Angliken Hai skul long Midel Ramu Distrik i pinisim wanpela projek long wokim pilai graun o ples bilong pilai long ol liklik pikinini long skul.

Tripela gret 10 Prektikel Skills klas i bin wokim wanpela siso na ples bilong ol pikinini i kalap nabaut long en.

Ol i bin joinim ol swing o hap bilong ol pikinini i siso long en na pletform wantaim bris.

Ol i bin yusim sampela ol diwai bilong bus long karimaut wok. Ol i bin yusim moa long 12-pela taia bilong ka tu long karimaut dispela wok.

Ol sumatin i bin yusim ol save ol bin kisim long Prektikel Skills klas we Brian Cain em wanpela voluntia tisa long skul i skulim ol long en. Ol sumatin yet i bin kamapim ol tingting long sanapim rupbilong karamapim na haitim long san

dispela ples ol liklik pikinini i pilai long em. Ol bin wokim rupwantaim ol saksak lip ol i somapim gut wantaim.

Wanpela ovasis voluntia ogenaisesen bilong Inglian ol i kolim long Isle of Man Ovasis Aid Komiti i bin givim mani long baim ol sen, ol rop, ol tul na ol arapela metiriel long karimaut dispela projek.

Ol liklik pikinini we krismas bilong ol i stap namel long sikspela mun inap long 12-pela krismas i save yusim dispela ples bilong pilai long en. Ol i no save pilai tasol long dispela pilai graun, ol i save amamasim ol yet tu long toktok wantaim wanpela arapela na singsing wantaim.

Dispela ples bilong bung em i wanpela gutpela hap we ol pikinini i ken karimaut ol ektiviti bilong ol long dispela bus hai skul.

Woksop i skulim Degir ples long wokim simen tengwara

Chrissilla Kabe Talis i raitim

OL pipel bilong ples Degir insait long Yagaum eria bilong Madang provins i gat teng wara ol i wokim long simen we bai helpim ol wantaim wara bilong dring na kuk long en.

Ol bin wokim dispela teng insait long wanpela woksop we ol bin karimaut long ples.

Voluntia Sevis Ogenaisesen long PNG (VSO PNG) i bin holim eitpela de woksop olsem hap bilong Apropiet Teknologi Komyuniti Developmen Institut (ATCDI) long Yunivesiti bilong Teknologi long Lae.

Astingting bilong dispela woksop em long kamapim developmen, moa yet long sait bilong wara, insait long ol rurel eria. Ol i karimaut pinis sampela woksop long Makam eria long Morobe. Olsem hap long projek bilong ol, ATDCI i laik kisim dispela projek i go long ol arapela hap bilong PNG. Madang em namba tu eria we ol i kisim dispela projek i go long em insait long PNG. Ol bin wokim wanpela pam long ples Odd long Bilbil eria tu.

Kodineta bilong woksop Peter Visser i tok ol i bin holim dispela woksop long serim na skulim ol lain long wan wan ples long wokim ol nupela samting wantaim ol samting we ol i gat pinis.

Ol i bin wokim simen teng wantaim sampela ol olpela metiriel bilong teng i bin sanap pastaim. Em bin tok em bin kostim liklik mani long sanapim dispela teng bihain long ol i yusim sampela samting bilong pastaim.

Em i bin tok dispela tengwara bai i no inap long ros na olsem, em bai stap long longpela taim. Em i tok bai em i isi long lukautim nupela teng na ol i no inap long baim nupela teng.

Peter Mondo i wanpela long ol lain husat i bin sindaun long woksop.

Em i bin tok woksop ya i bin gutpela stret bikos ol ples lain i lainim rot long wokim simen teng ol yet.

Em bin tok teng ya bai mekim laip i isi long ol bikos em i isi nau long ol i kisim wara.

Mista Visser i tok trening we ol bin karimaut em long helpim kamapim developmen long ples bilong ol.

Em i bilip olsem ATDCI bai skruiim long sapatim dispela projek long ol ailan na ol bikples bilong dispela kantri.

Voluntia woka Neil Peacock husat i wok olsem mentenens opisa long Yagaum Helt senta i bin lukim olsem dispela projek i gutpela long ples na em bin ogenaisim dispela woksop.


Mista Visser na Meninga Memafu em tupela bilong ATDC i bin go pas long dispela woksop.

Sauten Hailans ripot i ken helpim Gavana Yawari

William Natera i raitim

MINISTA bilong Inta-Gavman Relesens, Sir Peter Barter, long Tunde i tok olsem ripot we em i bin kisim long dipatmen bilong Odita Jenerel long rot we Sauten Hailens gavman i save yusim mani bilong em i ken helpim Gavna bilong dispela provins, Hami Yawari.

Mista Yawari, long taim em i bin harim long dispela ripot las wik i bin kros liklik bikos nem bilong em tu i bin stap long dispela ripot olsem wanpela man husat i no save yusim gut mani bilong gavman.



• Gavana Hami Yawari

Mista Yawari i tok olsem Sir Peter i wok long yusim ol niusman long bagarapim nem bilong em. Em i tok tu olsem dispela toktok insait long ripot olsem em i no bin yusim gut mani i no tru.

Tasol Sir Peter i tok dispela ripot we i soim olsem ol man i no wok long yusim gut mani i go long mak we provinsel administresen i no inap givim sevis i go long ol pipel gut i ken helpim Mista Yawari.

Sir Peter i tok Mista Yawari ken givim gutpela sevis long ol pipel na lukautim infrastrukta tu sapos ol man i yusim gut mani bilong provinsel gavman.

"Mi bai amamas tru sapos mi

harim olsem ol pipel bilong Sauten Hailans i wok long kisim gutpela sevis long taim Mista Yawari i stap olsem gavana.


"Sapos dispela i kamap, em dipatmen bilong Odita Jenerel i helpim em long mekim dispela i kamap bikos ol i givim toksave long em long dispela ripot long wanem kain giaman pasin save kamap insait long administresen.

"I tru olsem nem bilong Mista Yawari i stap insait long dispela ripot olsem wanpela man husat i no save yusim mani gut tu long hap bilong ripot we i toktok long Kutubu Spesel Pepes Atoriti.

"Tasol insait long toktok bilong

mi long Palamen we mi bin putim dispela ripot i go insait tu, mi bin askini ol pipel long lusim dispela ol toktok we i sutim tok i go long ol man long han bilong Frod Skwat, ol kots na Ombudsmen Komisen long lukim husat i rong, na mi amamas tasol long husat laik kliaim nem bilong em.

Taim Sir Peter i bin givim dispela ripot bilong Sauten Hailens i go long Palamen las Trinde em i bin tok olsem ripot i soim olsem ol sampela ol pipel husat i wok insait long administresen bilong dispela provins i gridi long mani na biknem na i save yusim mani bilong provins long wok bilong ol yet.



Vot Gut: -Ol pipel bilong Gumine long Simbu i sanap isi na wetim ol klak long singautim nem bilong ol long vot long 1982. Long neks ileksen tu ol pipel, i no long Gumine tasol, tasol long olgeta hap bilong Hailans i mas skelim gut husat ol i laik votim. Nogut bai ol i makim nating pepa na husat i kamap lida bai i no inap givim gutpela sevis i go long ol na tingim ol yet tasol. *Fail Poto.*

Tari na Mendi ples balus i bagarap tru

OL PLES balus long Mendi na Tari long Sauten Hailens provins i wok long bagarap na ol traipela bruk na hol i wok long kamap long rot we balus i save ron.

Sauten Hailens gavana, Hami Yawari, long Palamen las Trinde, i askim ministra bilong Trensport, Don Polye, sapos dipatmen bilong em i wok long mekim sampela samting long stopim dispela bagarap we i wok long kamap nogut moa olgeta de, na wanem taim tru bai ol i stat long stretim dispela ol ples balus.

Mista Yawari i tok ol dispela bruk na hol long rot bilong balus i mekim hat long ol Air Niugini F28 balus long pundaun.

Em i tok olsem sapos gavman i stretim Tari ples balus, dispela ples balus bai helpim kantri tru bikos planti bisnis i wok long kamap long hap long sait bilong ges piplain projek.

Mista Polye i tok olsem wok bilong stretim ol ples balus i kam aninit long han bilong gavman bilong Australia, AusAID, husat i save lukautim olgeta bikpela ples balus.

Em i tok mani i kam long AusAID em bilong lukautim ol bikpela eapot tasol olsem Nadzab ples balus long Lae o Jacksons ples balus long Pot Mosbi na ol liklik ples balus olsem long Tari i stap long han bilong Sauten Hailens Provinsel Gavman long stretim ol yet.

Mista Polye i tok olsem long sait bilong Mendi ples balus ol kontrak i redi na klostu nau bai wok i stat.

Em i tok em bai givim ol toksave long sait bilong Mendi ples balus, rot na ol arapela toksave long Mista Yawari na bai lukluk tu long ol kontrak we Tari ples balus i ken kisim.

Haiwe trak i tanim

WANPELA haiwe trak i karim kontena pulap long ol kas bilong pilai laki i bin tanim taim draiva i bin traim long abrusim hol long rot long Watarais long Hailens Haiwe las Trinde nait.

Morobe rurel plis i tok olsem dispela trak bilong wanpela trenspot kampani long Lae i bin bamim baret na tanim.

Draiva i no bin kisim wanpela bagarap tasol ol yut long ol ples i stap klostu long haiwe, Azunas na Rangizan, i bin brukim kontena na stilim ol samting i stap insait.

Ol plis long Mutzing bai helpim long traim kisim ol dispela samting bek.

Ol plis i wari long dispela stil pasin i kamap na i tok planti taim nau ol ples lain i save stil long taim ol trak o kar i bam na i no save traim long helpim ol man o lukautim ol samting bilong ol.

Plis i givim strongpela toksave olsem ol i no inap givim sans taim ol i bungim dispela ol lain husat i stil na painim ol wantaim ol samting ol i stilim ol bai sasim ol tasol.

Plis i toksave long ol draiva long draiv gut tu na abrusim ol hol long rot.

Dispela em i namba tu taim long wanpela wik long dispela kain birua i kamap long dispela haiwe.

Ipatas laikim lo we ol pipel i givim komyuniti sevis

GAVANA bilong Enga, Peter Ipatas, i singaut long gavman long kamapim ol lo we ol pipel i mas mekim komyuniti sevis o wok olsem stretim rot, sanapim skul, o klinim taun na ol distrik.

Mista Ipatas i tok ol pipel i mas noken wet long gavman long givim kaikai long ol, ol yet i strong long kisim.

Em i tok olsem sapos ol dispela kain lo i kamap, bai ol stapim tu ol pipel long i go long taun na siti na mekim nabaut long hap na painim mani. Moabeta ol i stap bek long ples na kirapim ol samting we ol i ken mekim mani. Olsem komyuniti sevis.

Em i tok ol pipel i bin digim Hailens Haiwe wantaim spet bipo long de bilong ol tumbuna. Olsem na ol manmeri nau mas noken sanap long sait bilong rot na kaikai buai na pilai dat, ol i mas mekim wok olsem digim ol baret klostu long haiwe.

Praim ministra, Sir Michael Somare, tok em bai hat liklik long mekim ol pipel wok olsem bikos Mama Lo i tok ol i gat fridom long mekim wanem samting ol i laik.

Mista Ipatas i tok em i wari olsem ol pipel long Hailens i nogat moa rispek long ol lida bilong ol, olsem ol lapun na ol hetman ol i no save harim toktok bilong ol.

Em i tok dispela pasin i mekim na ol pasin bilong bikhet na mekim raskol pasin i wok long kamap bikpela long Hailens.

Ol manmeri bilong nau i kamap slek na slek olgeta.

Plis i painim bodi bilong man Simbu

PLIS i painim bodi bilong wanpela daiman bilong Simbu long Kamkumung spots oval long Lae las wik bihain long em i slip long ren long 3-pela de.

Sampela lain i bin kilim dispela man bilong Gumine distrik long

Simbu long las wiken na lusim em dai na silip long pipia na baret.

Dispela daiman i save salim buai raun long Kamkumung ples.

Plis i wok long lukluk i go insait long dispela i dai yet.



• Pastaim tru ol pipel i save wokim rot long pik na savol.



Redi long samsam • Hohola namba 4 grup bilong Hohola Peris i redi long danis long Pita Torot pestode long tupela Sande i go pinis. Potop: JOE IVAHARIA

Hoivo laik kamapim tru rurel developmen

SAMPELA distrik long Oro provins bai kisim gutpela developmen aninit long rurel developmen plen bilong provinsel gavman.

Long toktok bilong em long taim bilong opim Ambasi Patrol Pos las Sarere, Oro Gavana, Pasto Bani Hoivo, i tok olsem gavman bilong em i laik kamapim tru rurel developmen.

Em i tok Ambasi projek em i namba wan long ol i pinisim tasol i gat sampela moa we ol bai pinisim bihain

Ol narapela rurel developmen projek we gavman i statim em: loma, Saiho, Tufi na Kokoda elektrifikesen projek, na ol haus long Kira sub-distrik.

"Namel long nau na Septemba 2003, gavman bilong mi bai pinisim ol dispela projek. Dispela em i fes taim Oro Provinsel Gavman i yusim infrastrukta grant bilong em long kamapim developmen we yumi ken lukim," Gavana Hoivo i tok.

Em i tok olsem taim provinsel na lokal level gavman (LLG) i bin kamap long 1995 inap nau nogat kain samting olsem i bin kamap.

Gavana Hoivo i mekim tok promis tu olsem em bai stretim ol bikpela rot insait long provins wantaim kauntap-at mani i kam long Wol Benk.

Em i tok em i bai givim K100,000 long provinsel sapot grant i go long ol rot na i salensim ol tupela arapela provinsel lida, Ijivitari memba, Cecikling Doruba na Sohe MP Peter Oresi long givim mani tu na helpim

long developim provins.

Wok long rot bai stat bihain long Provinsel Sapli na Tenda Bod i bung na givim ol kontrak i go long husat i resis long kisim.

Gavana Hoivo i tok tu olsem provinsel administreta, Raphael Yibmaramba, na em yet i bin givim ol Ekonomik na Infrastrukta Developmen Projek askim i go long sekreteri bilong Nesanel Plening long traim long kisim mani i kam long PNG yet na long ol ovasis kantri tu.

"Taim ol i givim mani bilong dispela ol askim, bai Oro provins pilim tru developmen bikos long planti yia em i stap nating na i no kisim dispela kain ol projek.

"Gavman bilong mi i luksave olsem rurel developmen em bikpela samting na mipela i mekim wanpela 2003 baset we i sut long lokal level gavman.

"Long strongim dispela mipela i lukluk ken long ol wokman na bai salim sampela ofisa long ol provinsel na distrik administresen i go long ol wan wan LLG long provins.

"Em i driman bilong gavman bilong mi olsem dispela kain plen bai kirapim spirit bilong ol provinsel na LLG rifoms na mekim rot isi long givim gutpela sevis i go long planti pipel long ol rurel hap," em i tok.

Gavana Hoivo i tok tenkyu long Mista Yibmaramba na ol arapela publik sevans husat i wok hat long mekim ol dispela projek i kamap.

Kokoda i gat klinpela wara nau

...Australia i wok long helpim tru ol pipel

OL komuniti husat i stap klostu long Kokoda Trek bai i gat gutpela klinpela wara nau bihain long gavman bilong Australia i opim 11-pela wara sapli projek long hap.

Gavman bilong Australia i givim mani long wokim konstruksion bilong ol dispela projek insait long 11-pela ples long Kokoda Trek; Kovel, Isurava, Alola, Abuari, Hagutava, Kaile, Pelai, Kanadara, Hoi/Mudula, Soa na nupela Isurava memo-riel.

Hai Komisina bilong Australia, Michael Potts, long opim ol projek long las Fonde, i tok ol dispela projek bai mekim laip bilong ol pipel long hap i kamap gut moa.

"Ol pipel bai i no inap wokabout i go longwe long kisim wara na bikos wara i klin em bai i stapim planti ol sik nabaut," Mista Potts i tok.

Em i tok olsem ol nupela wara projek tu bai givim wara i go long ol lain husat i wokabout long Kokoda Trek.

Mani bilong dispela ol projek

inap long K433,000 i bin i kam long Ofis bilong Australian Woa Grevs na AusAID.

Lohberger Engineering husat i bes long Pot Mosbi i kamapim na putim ol dispela wara sapli i go insait long ol ples.

Mista Potts i tok olsem ol lokal level gavman kaunsila i bin tok olsem wara sapli em i wanpela bikpela samting we ol i laikim tru.

Taim Kokoda Trek i bin op ken long Novemba 2001, Australia i givim moa long K460,000 long kamapim ol liklik projek insait long ol dispela ples.

Australia i wok long mekim go bikpela moa wanpela wialis long trak.

Ol soldia bilong Australia husat i wok long PNG wantaim Australian Defens Koperesen Program i putim 18-pela radio stesen long rot long ol manmeri i ken givim toksave na tu askim long helpim sapos ol i painim buara.

"Kokoda Trek i stap long lewa bilong planti ol pipel bilong



• Taim Paul Keating i bin praim minista bilong Australia em i bin kam long Kokoda long 1995 we ol pipel i bin mekim em wanpela sif. Fail Poto

Australia na mipela i laikim ol kain projek olsem dispela wara sapli projek na radio wialis bai mekim moa strong dispela pasin bilong pren namel long Australia na PNG," Mista Potts i tok.

Em i tok olsem planti grup i helpim long kamapim ol dispela developmen long Kokoda Trek.

Ambasi kisim patrol pos bihain long 96 yia

ORO provins i gat wanpela nupela patrol pos long ples ol i kolim Ambasi.

Envaronmen na Konvesen minista, Sasa Zibe, Ijivitari memba, Cecikling Doruba na Oro Gavana, Pasto Bani Hoivo, i katim ribbon wantaim las Sarere long tokaut olsem ol 5-pela haus na wanpela administresen blok bilong dispela nupela pos i op nau.

Dispela pos i stap antap long wanpela liklik mauten long wanpela poin, na administresen blok i lukluk i go aut long Solomon Sea.

Ol misineri i bin kamap long Ambasi



• Sasa Zibe.

long yia 1907, tasol nogat wanpela infrastrukta i sanap long hap inap nau, skul ol i mekim wantaim ol samting bilong bus na misin stesen tasol.

Mista Zibe taim em i tok amamas long ol pipel long helpim long kamapim dispela pos, i askim ol tu long lukautim gut ol samting bilong bus na wara

bilong ol pikinini bilong ol long bihain taim.

Mista Zibe husat i save sapotim pasin bilong lukautim graun na ol samting antap long em olsem ol diwai na animol bipo long em i kamap wanpela politisen, i tokim ol pipel olsem developmen sampela taim save bagarapim graun.

Gavana Hoivo i tok olsem dispela projek em wanpela bilong sampela projek gavman bilong em i wok long kamapim aninit long rurel developmen plen bilong em.

Em i givim luksave i go long olpela memba bilong Ijivitari Simon Kaumi, long statim dispela projek.

Nogut bai ol tisa straik bikos pe i no gutpela

...Ol provinsel edukesen opisa i no save mekim wok bilong ol

WANPELA sinia opisa wantaim Papua Niugini Tisas' Asosiesen i tok olsem em bai bungim na kirapim ol tisa long kisim industrial eksen o straik sapos Edukesen dipatmen i no apim pe bilong ol.

Edukesen sekreteri bilong Sauten rijon, Ugwalubu Mowana, i mekim dispela tok las wik na i tok ofis bilong em i kisim planti askim na komplem long ol tisa long rijon olsem pe ol i wok long kisim em em i no stap long mak bilong ol.

Mista Mowana i tok dispela hevi bilong pe i wok long kamap olgeta de long opis bilong em

na em i singaut long Papua Niugini Tising Komisen na Edukesen dipatmen long baim ol tisa stret.

Mista Mowana i givim wanpela leta pinis long siaman bilong Tising Komisen na long sekreteri bilong Edukesen tasol em i wet yet long ol bekim bilong dispela leta.

Em i tok olsem sapos em i no kisim wanpela bekim ol nogat samting i kamap long stretim dispela hevi bilong pe, em i bai singaut long ol tisa, i no long Sauten rijon tasol, tasol long kantri long kisim industrial eksen o straik.

"Mi bai kisim ol tisa long NCD na ol i bai go pas long wanem kain aksen bai i kamap," Mista Mowana i tok.

Mista Mowana i tok olsem tisa's asosiesen na komisen i no wok long baim ol tisa long mak ol i sapos long baim ol.

Em i tok olsem ol edukesen provinsel administresen ofis i no wok long mekim wok bilong ol na dispela i mekim na planti ol tisa i wok long kisim sem pe.

Em i tok olsem Edukesen dipatmen save sutim to long ol tisa olgeta taim long i no wok gut tasol ol i no save lukuatim ol.

OL sios i mas save gut na autim tok bilong God long wei we ol pipel i ken harim na save gut tu na noken traim long paulim ol pipel.

Dispela toktok i kam long Pasto Mathew Murphy husat i go long planti sios pinis long autim dispela toktok bilong em.

Dispela em i bikpela toktok tu we em i bai mekim long wanpela wik-long konvensen we olgeta sios i ken go long en long Gerehu Spots Senta.

Konvensen i bin stat las Sande na bai i go inap dispela Sande.

Pasto Murphy i tok olsem ol sios i paul na i no wokabout long rot stret bilong autim gut tok bilong God long wei we ol pipel i ken harim na save gut long em olsem Jisas na ol aposel bilong em i bin wokim.

"Yumi mas tingim olsem samting we i stap namel long pasin Kristen em i Jisas Kraus na kros bilong em, na bikpela samting we sios i mas mekim kwik em long karimautim dispela bikpela komisen o tok Jisas i bin mekim bipo em i go antap long Heven long mekim ol disaipol na winim ol sol bilong em," em i tok.

Pasto Murphy i tok olsem ol driman, o profes i tising we i no putim Jisas Kraus, kros na dispela bikpela komisen olsem senta bilong em, em i no kristieniti tru.

Ol tising bilong Pasto Murphy long dispela wik bai i bes long kain samting olsem lo na Sabat, sios na reelsensip bilong em wantaim Israel, tising long sait bilong ol tewel, baptis long wara.

Katolik Yut mas soim pasin bilong lida nau

Daniel Mona i raitim

VUNAPOPE Katolik Sios long Kokopo i bin pulap stret long ol yut bilong olgeta hap daiosis bilong Papua Niugini long bikpela bung bilong ol las wik.

Moa long 400 yut lika long kantri na olsem 500 yut yet long Rabaul Daiosis i bung long dispela bung wantaim ol Bisop, pater, sista, na brata long sios.

Namba tu Bisop bilong Rabaul Alphonse Chaupa, long bikpela lotu i tokaut i go long ol yut long soim gutpela pasin kristen na hatwok bilong ol long painim mani long kam long dispela. namba wan bikpela bung bilong yangpela long kantri.

"Mi amamas long lukim olgeta yut bilong kantri long bung long dispela asembli long painimaut wok na rot bilong ol yangpela insait long wok bilong sios insait long kantri," Bishop Chaupa i tok.

Planti taim yumi harim long niuspepa, redio, na nius piksa olsem ol yangpela tasol ol i save bagarapim sindaun bilong kantri long kain kain nogut pasin.

Nau em taim bilong yupela

yangpela long soim ol manmeri long dispela kantri long luksave long husat i wokim dispela rong insait long kantri.

Em i singaut i go long ol Katolik Yut long soim gutpela pasin olsem lait bilong wol na salt bilong graun bihainim pasin bilong Kraist.

Em singaut long ol yut long sanap strong na bungim nupela hop, nupela lait, nupela laip long han bilong God.

Gavana bilong Is Niu Briten, Leo Dion i tok olsem gavman bilong em i wok bung wantaim Sios insait long provins bilong em na em i amamas long helpim ol yut bilong em long lukautim dispela bung long Vunapope na Rakunai.

Gavana Dion i tok em bai makim tupela memba long provinsel asembli long makim wok bilong sios na yut long wokim wok i go het long provins bilong em.

Em i tok em i amamas long wok bung wantaim Katolik Sios insait long provins bilong em long wanem ol i sevisim ol pipel bilong em long wok long edukesen, helt na narapela wok.

Wanpela olupela bikman Sir Paulias Matane i singaut long ol



• Ol yut bilong Bereina Daiosis i sanap long bikpela lotu long Rakunai, asples bilong Katekis na Martir, Blessed Peter Torot.

yut long wok long han bilong ol na wokim wok long kisim mani.

Em i singaut long ol pipel bilong Papua Niugini long gat rispek long laip bilong ol manmeri long wanem God yet i givim laif na kisim laip.

Sir Paulias i tok olsem ol lain Tari i kilim 9-pela manmeri na pikinini Goilala ausait long Tete setelmen long Gerehu insait long Mosbi.

Em i tok kantri i gat bikpela hevi taim dispela pasin bilong kilim

manmeri na pikinini i kam aut long nius long kantri.

Sir Paulias i tok olsem dispela pasin i no gutpela long wanem yumi tok yumi kristen kantri na yet yumi kilim man nabaut.

Dispela kantri gat bikpela graun long wok bisnis long graun, diwai, gol, na solwara. Em i bikpela wari taim dispela pasim i kamap long graun.

Ol yut tu mas luksave long pasin

bilong wokim wok gut na wok olsem nupela lida long ai bilong God. Em tok ol yut mas wok gut long senisim dispela kantri long wok bung wantaim olsem kristen kantri.

Dispela wanpela wik bung o gat skul long sik AIDS, skul long komunio, yut helpim yut, wei long stap long kristen pasin, na wok bilong yut long wanwan hap long kantri.

Tumbuan so bai stap long Kokopo

NAMBA 9 Nesenel Mask o tumbuan so bai i kamap long Ragbi Lig fil long Kokopo long Is-Nu Briten.

Ol bai i no nap long holim long Rabaul moa bilong wanem Maunten Tavurvur i wok long tromoi das antap long Rabaul taun na komiti i go pas long so i tokaut olsem em bai no nap wanpela gutpela samting bilong kisim ol turis na ol bikman i kam long lukim ol singsing na danis.

So i stat long Trinde na bai i pinis long Sarere Julai 19. Bai i gat 25 grup bai i danis long dispela so.

Long Morobe i gat 30 manmeri, Buka 17, Is Sepik 25, We Nu Briten 18, Nu Ailan 5 na Is Nu Briten yet moa long 100 manmeri.

Nau yet ol manmeri i wok long singsing na danis i stap long Warwagira Festival we i stat long Julai 9 na pinis long Tunde long dispela wik.

"Pasin bilong kalsa bilong yumi na ol kainkain karamap bilong pes i olsem ol narapela kalsa long wol, tasol bilong mipela ol PNG em i wanpela tasol we ol i no painim long narapela hap long wol," Eksekutiv Dairekta bilong Nesenel Kalsa Komisnin (NCC) Jacob Simet i tok.

Mista Simet i tok olsem i gat moa long 800 kainkain kalsa i stap long PNG, tasol i gat sampela samting we i wankain long sampela long ol dispela.

Olsem na pasin bilong tumbuan em i wankain long ol ailan i go antap long ol hailans.

Ol kakao fama laikim tupela bodi long kamap wanpela

...Nogat wanpela developmen i kamap

OL liklik kakao fama long Is Nu Briten i laikim bai PNG Kakao na Kokonas Ekstensen Ejensi (PNGCCEA) na PNG Kakao na Kokonas Rises Institut (PNGCCRI) i mas bung wantaim long kamapim gutpela sevis i go long ol kakao fama.

Ol i tok taim PNGCCEA i bin kirapim wok, ol liklik kakao fama i no lukim wanpela gutpela wok developmen na tu, planti ol wok we PNGCCEA na PNGCCRI i wokim i wankain.

Asosiesen bilong ol liklik fama insait long Is Nu Briten i tok tupela bodi ya (PNGCCEA na PNGCCRI) i mas kamap wanpela na ol i ken helpim gut ol liklik kakao fama insait long ol rurel eria.

Jenerel Menesa bilong asosiesen bilong ol liklik fama insait long Is Nu Briten Martin Ulalom i tok sapos tupela bodi i bung wantaim na kamap wanpela, dispela bai stopim

pasin we tupela i karimaut planti ol wankain wok tasol.

Em i tok long dispela as na tupela i no givim gutpela sevis i go long ol rurel fama we ol i gat wok long sevim.

Em bin tok ol fama i bilip strong olsem tupela bodi i mas bung na kamap aninit long wanpela opis.

Mista Ulalom i tok olsem sapos dispela i kamap ol bai givim gutpela sevis bikos nau ol i no wokim dispela.

Ol fama i tok tu olsem taim dipatmen bilong Agrikalsa na Laipstok na dipatmen bilong Praimeri Industri i lukautim dispela eria, ol bin save lukim sampela gutpela wok.

Nesenel gavman taim em i bin kamap aninit long Praitim Minista, Sir Michael Somare i bin tok olsem em bai sapatim gut agrikalsa industri bilong kantri.

Rabana tokim PPP long lukluk long Namatanai

EKTING Gavana bilong Nu Ailan provins i tok Pipels Progres Pati (PPP) we i stap aninit long lukaut bilong memba bilong Namatanai, Byron Chan i mas lukluk long ol projek bilong ol insait long Namatanai na lus tingting long bagarapim nem bilong Gavana lan Ling-Stuckey.

Mista Rabana, husat i autim hevi bilong em long sampela tok-tok Sekreteri bilong PPP long Nu Ailan, Alfred Elisha i bin mekim long ileksen bilong Mista Rabana olsem Deputi Gavana bilong Nu Ailan.

Em i tok PPP i bin holim sit long Namatanai inap long 30 yia

pinis na i mas tokaut olsem ol i no karim wanpela gutpela sevis i go insait long hap.

Mista Rabana i tok olsem nupela gavman aninit long lukaut bilong Mista Ling-Stuckey i wok long mekim gutpela wok long provins we ol pipel long ol viles i sapatim.

Niupela

YAMAHA

Mipela inap long salim i go long Port Moresby na Lae tasol

Hariap na kam baim taim ol i stap yet!

Ela Motors

YAMAHA

www.ela-motors.com.pg

Port Moresby : Ph 3229496 Fax 3213703
Lae : Ph 472322 Fax 472263

Dispela ofa bai pinis long mun Julai 31, 2003.

CRUX

Street Bike

105cc enjin • Ekonomikel 4-pela Stroke

K5,990

Ride away!

INSAIT LONG DISPELA OFA BAI YU KISIM :

- Sefti Helmet (The price bilong em K450)
- Pel bilong registresen
- 10% VAT



SAVE I
K...
AB...

Mekim kamap lo bilong givim bikpela mekim-save long ol bikhet man

Veronica Hatutasi
i raitim

OL politisen i mas gat strongpela tingting na givim sapat long go het long mekim kamap lo we i karamapim pasin bilong kilim i dai narapela man, rejip o pasin bilong bagarapim ol meri na ol arapela bikpela rong o bikhet pasin tru we i brukim lo.

Dispela em toktok bilong sampela ol meri grup we Wantok i bin toktok long ol bihain long ol trabel bilong kilim i dai narapela man na

bagarapim ol meri i kamap bikpela insait long Mosbi sifi long tripela wik i go pinis.

Ol meri i tok planti toktok i kamap bipo tru i kam inap nau tasol nogat man i wokim samting long helpim ol lain i kisim birua na tu long givim mekimsave long ol dispela raskol lain i save kamapim dispela birua.

"Nogat man i wokim samting. Ol politisen i gat pawa i mas wokim samting. Taim ol birua olsem long bagarapim meri o kilim dai narapela man na ol arapela bikpela birua i

kamap, mipela olgeta i save wokim ol toktok. Husat tru i harim na wari long ol pipel?"

"I nogat strongpela sapat long sait bilong ol palamen memba long go hetim ol dispela lo i stap pinis long givim mekim save long ol lain i bagarapim ol meri na kilim dai narapela man. Lo bilong kilim dai trabel man i stap pinis tasol nogat bikpela sapat i stap long mekim samting i kamap tru tu.

"Gavman we mipela i givim vot long en i nogat strongpela sapat long lukautim ol meri na laip bilong ol pipel we nau i wok long kisim birua. Ol toktok i pundaun long ol iau pas. Samting i kamap long Tete Setelmen na tu insait long Mosbi i no namba wan taim long ol i kamap.

"Olsem na mipela i singaut long Sosel Developmen, Plis na Jastis Minista long wokim wanpela samting, moa yet long sait bilong go hetim dispela kapitel panismen o mekim kamap dispela lo bilong kilim dai bikhet man," ol meri grup i tok.

Ol meri i tok Palamen i bin tok oraitim pinis dispela lo pinis we long pastaim ol sios na ol arapela humen raits grup i save egensim.

Taim ol dispela rot long sevim liklik toea:

• Pasim olgeta swits o pawa poin long televisen, vidio, maikrowev, stiro, lait na ol arapela samting i wok long pawa. Maski redio o TV i no wok tasol pawa poin i stap on yet, em i save yusim ap pawa yet. Yu ken sevim liklik toea.

• Karim wanpela frut o kaikai long kontena i go long wokples olsem lans kaikai bilong yu. Yu ken sevim liklik toea long dispela rot.

• Lus tingting long baim tekawe kaikai (olsem sips na kakaruk samting) na larim ol pikinini i kuk wanpela taim insait long wanpela wik. Ol bai amamas na yu bai kirap nogut long kain kuk bilong ol.



• Planti taim ol pikinini na ol meri i save kisim taim long pasin nogut bilong man.

Ol meri na famili wantaim lo ICRAF i stap long helpim yu

LONG dispela taim, pasin bilong paitim na bagarapim meri na ol pikinini i wok long kamap bikpela. Planti em ol man na ol boipren i kamapim dispela long ol meri bilong ol. I gat ol sampela hap we ol meri na pikinini i ken kisim helpim long en tasol planti i no save.

Wanpela long ol ples we ol meri na mama i bungim dispela kain hevi i ken kisim helpim long en em long ICRAF. ICRAF em i sanap long Individuel na Komyuniti Raits Edvokesi Forum ol i bin sanapim long 1992. Em i wanpela non gavman oganaisesen we wok bilong em long helpim luksave long raits bilong man-meri, envaironmen o bus graun na wara we ol bikpela maining na timba kampani i wok long bagarapim na tu ol hevi ol papagraun i bungim taim ol kampani i go insait long ples na graun bilong ol long kirapim wok.

Opis bilong ICRAF em i stap long Gerehu na i gat ol wokmanmeri i stap bilong helpim ol meri ol i kolim long ICRAF Womens Desk na ICRAF Womens Refuge/Crisis Centre. Refuge senta em ol bin kirapim long 1996 long helpim ol meri na pikinini i

kisim bagarap long ol man i paitim na wokim nogut long ol. Desk na senta i save givim tu kaunseling o tok stia, sapat, hap bilong stap long liklik taim na ligel etvais.

Bikpela samting we ICRAF na Wimens desk i lukautim em:

"Nogat man i gat rait long paitim o wokim nabaut long yu o pikinini bilong yu.

"Nogat man i gat rait long holim skin bilong yu na fosim yu na pikinini long slip wantaim em. Dispela em i kraim o em i egensim lo. Maski yu husat, man bilong meri, boipren, hauslain o wantok, wankain lo i banisim dispela."

Long kisim moa tok save long wok bilong ICRAF o sapat long kaunseling, ligel etvais na ples bilong stap long taim hevi i kamap, ringim ICRAF Womens desk o Refuge/Crisis Centre long telipon namba 3262469, feks namba em 3260273 o yu ken rait i go long ol long dispela edres: ICRAF Women's desk, P O Box 155, University of PNG, NCD, PNG.

Hap nius i kam long liklik niusleta bilong ICRAF Women's Desk.

Olsem maus bilong helpim ol meri, Wantok i askim ol meri, ol grup na pablik i laik helpim ol meri na famili insait long kantri i kamap gut na helpim wantaim developmen bilong PNG long rait i kam long mipela na autim ol tingting bilong yupela o givim ol stori na ripot na mipela bai putim long dispela pes. Edres we yu ken salim ol pas, ol ripot, ol tingting na piksa we yupela i laikim mipela long yusim long dispela pes em: **Meri Wantok**, Word Publishing Company, P O Box 1982, Boroko, NCD o ring i kam long telipon 3252500 na toktok long Veronica o Barbara. Yu ken salim ol stori tu long feks namba: 3252579 o salim ol ripot i kam long email: word@global.net.pg. Tenk yu tru.



Kuk Kona

Yu mas i gat:

Wanpela bata keik (wokim pinis o baim long stua) putim i stap long ais boks

Soklet aising

- 500g aising suga

- 1/3 kap kakao paura

- 2-pela tispun bata, hatim na bai i wara wara

- 1/2 kap susu, i no hat tumas

- 2-pela kap desikeited kokonas

Long wokim aising:

■ Putim suga na kakao paura long wanpela dis.

■ Tanim bata na susu long wanpela dish wantaim.

■ Bihain kapsaitim bata na susu miks i go insait long suga na kakao dis. kapsaitim inap long karamapim suga na kakao paura.

■ Nau tanim, na kapsaitim moa susu sapos miks i no wara wara.

■ Bihain kapsaitim soklet miks i go insait long wanpela dis.

■ Katim katim keik i go liklik na putim i go insait long dis wantaim soklet aising.

■ Apim ol hap hap keik wantaim soklet aising na putim long wanpela longpela trei na kapsaitim desikeited raunim keik.

Sapos yu gat sampela we long kukim ol kaikai olsem saksak, banana, taro or kaukau na yu laik serim wantaim ol narapela meri plis salim i kam long mipela na bai mipela putim long niuspepa.

... kan putim kuk kaikai na kaikai i no ...
... kakaruk na pis i no kuk yet i m...
... em yet.
... naip na bod bilong katim ol m...
... yusim long katim ol arapela i...
... ol kaikai i no kuk long kontena...
... na noken miksimum wantaim ka...
WANG WANEM?: Ol wara bilong ol...
... yet olsem mit, kakaruk na p...
... binatang nogut we i ken k...
... ol kuk kaikai sapos ol i no s...
... na bilong ol yet.
... i mas tan gut
... bus i mas tan gut.
... es yu mekim sup o stu, larim em...
... Ol mit na kakaruk i mas tan gut na...
... us bilong ol i mas klia na i no mas pin...
... m gut ol kaikai.
WANG WANEM?: Sapos ol kaikai...
... em bai kilim ol liklik binatang...
... long ol. Stadi i soim olsem...
... long mak olsem 70 digris selsies...
... ol self long kaikai. Ol abus yu mas...
... long ol em mins mit, ol rou...
... hap leg bilong kau o pik...
... ol kaikai long ples i no hot tumas...
... kusim kaikai i stap long ples...
... ng 2-pela aua.
... ol kuk kaikai na ol kaikai...
... aniam long bokis ais (ref...
... kaikai taim em i hot yet.
... m kaikai stap insait long...
... abus we ais i kisim...
... rekim ais i melt.
WANG WANEM?: Ol liklik bin...
... taim kaikai i ab...
... kaikai i stap long...
... (ref...
... stapim ol liklik...
... planti.
... ampela wara o boilim wara.
... strel long gaden o maket
• Skelim gut ol tin kaikai o botol wara na jua na susu. Sapos yu laik baim susu, em i mas gat dispela tok "pasteurised".
• Pasim gut ol frut na ol kaikai we bai yu laik nating na i no ken kukim.
• Nogat gut ol kaikai long stua we i no abrusim taim bilong ol o ekspais (expiry date).
BILONG WANEM?: Sampela wara na ais i dadi na i gat ol binatang nogut. Ol binatang nogut i ken kilim man i save stap long ol kaikai we i abrusim taim bilong man (pawle). Lukaut gut na kisim ol binatang na abrusim mak bilong em na wara na reusim skin bilong ol kaikai.
Dispela ol toktok i kam long wanpela liklik papa bilong Helt Dipatmen ol i kolim: **POO**
SAFETY FOR YOUR HEALTH

TOKTOK NATING

Fr. Paul Liwun SVD



LAS wik mi bin go long Maunt Hagen bilong bihainim wanpela miting bilong ol SVD na mi bungim planti olupela pren bilong mi. Ol i bin tok amamas tru long ol stori na tingting mi serim long Wantok Niuspela na Independent. Ol i sori tru bikos Independent Niuspepa i no stap moa.

Olgeta manmeri mi bin bungim na serim toktok wantaim; planti bilong ol i bin askim olsem; "Pater, bilong wanem yu save yusim stori long autim tingting bilong yu?"

Wokim stori long autim tingting em i no wanpela nupela samting. Planti manmeri bilong bipo tu i bin yusim dispela we long autim gutpela tingting bilong ol.

Bipo, planti save man bilong Grik i bin yusim stori long autim gutpela tingting bilong ol. Presiden bilong Amerika, Abraham Lincoln na Ronald Reagan, tupela i bin yusim planti stori long mekim driman bilong ol i kamap long ples klia.

Wanpela samting yumi mas tingim em i nogat wanpela i no save laik harim o ridim gutpela stori. Sampela taim, tupela save na gutpela tingting bilong yumi i stap sotpela tasol long bel bilong ol manmeri.

Tasol gutpela stori bai stap longpela taim long tingting bilong ol manmeri. Planti bilong yumi i save tingim yet ol stori tumbuna yumi harim taim yumi stap liklik pikinini yet.

Planti tumbuna bilong yumi i yusim ol stori long skulim ol gutpela pasin bilong tumbuna i go long nupela jeneresen/pikinini.

Ol Sepik, Madang, NGI, Hailans, Goilala, Papua,.... Morobe, Kiunga, Tufi, Oro, olgeta i gat ol stori bilong tumbuna bilong ol yet.

I gat stori bilong graun na skai i kamap. Na namba wan man i bin kamap long dispela graun, na stori bilong dispela man husat i bin wokim kamap dispela graun na skai.

Ol Saina em i wanpela lain (tribe) husat i gat planti stori tumas i gat strongpela pawa na i gat planti mining long en. Planti saveman bilong Saina i bin kamapim planti gutpela stori i gat bikpela pawa na mining/skul bilong em.

Na dispela stori bilong ol Saina i stap strong inap long tude yet.

Dispela gutpela tingting na save bilong ol Saina ol i kolim long Eastern Philosopy.

Ol stori tumbuna bilong ol Saina i gat strongpela pawa i save helpim ol manmeri long lukluk long ol yet, glasim o lukluk bek long laip bilong bipo na mekim disisen long nau long developim laip bilong ol long bihain taim.

Baibel bilong yumi tu i pulap long ol kain kain stori. Jisas yet em i wanpela saveman stret long yusim laip stori bilong manmeri olgeta de long autim Gutnius bilong Kingdom bilong God.

Ol stori Jisas i yusim long Baibel em ol simpel o isi stori tasol. Olgeta stori bilong Jisas kamap long laip bilong manmeri long komyuniti olgeta de.

Long dispela as tasol mi save yusim stori long TOKTOK NATING bilong mi.



"Sampela tok Agur i mekim"

God em i gutpela na stretpela olgeta, tasol mi no save long em. Husat i bin go antap long heven na i kam daun gen? Na husat i bin putim wara long ol klaut, olsem man i putim wanpela samting long laplap na karamapim? Husat i bin strongim olgeta hap bilong graun na nau graun i stap? Wanem nem bilong en na nem bilong pikinini man bilong en? Ating yu save, a? Tok bilong God i tru olgeta. Olgeta samting em i tok long mekim, em i save kamap tru. Na em i save banisim gut olgeta man i go long em, olsem hap plang i haitim soldia long taim bilong pait. Yu no ken autim tok bilong yu yet na tok dispela em i tok bilong God.

Gutpela Sindaun 30: 4-6

Katolik, Angliken na Lutheran bai sainim agrimen

Veronica Hatutasi i raitim

••• strongim wok bung namel long ol

TUPELA bikpela samting bai kamap long Sande namel long tripela Kristen Sios insait long PNG taim ol i sainim tupela agrimen.

Pastaim em long Angliken, Katolik na Lutheran Sios we ol bai sainim wanpela agrimen long Sakramen bilong Baptais i tokaut olsem bilip bilong tripela sios long Baptismo i wankain.

Saining bai kamap long Sen Mary's Katitrel long taun long Sarere 3 kilok apinun.

Bisop James Ayong bai makim Angliken Sios long saining taim Hetbisop bilong Evanjelikel Lutheran Sios em Bisop Dokta Wesley Kigasung bai makim sios bilong em. Asbisop Sir Brian Barnes bai makim Katolik

Sios. Bisop John Ribat em Katolik bisop bilong Bereina Daiosis husat i go pas long wok Ekumenisim namel long tripela sios bai stap long dispela saning.

Bisop Peter Fox bilong Pot Mosbi Angliken Daiosis i tok dispela saining em i hap bilong ol toktok we i go het long sampela yia nau namel long tripela sios.

Em i tok samting we i kamap i soim olsem ol skul na bilip bilong ol i klostu wankain.

Long neks de em long Sande Julai 20, Angliken na Katolik Sios bai sainim wanpela agrimen long selebretim ol samting we ol i serim i kam inap nau.

Saining seremoni bai

map long 4 kilok apinun long Sen Martin's Angliken Sios long Boroko.

Bisop Peter i tok long dispela seremoni, Asbisop John Bathersby husat i go pas long wok ekumenisim o toktok na wok namel long tupela Angliken na Katolik Sios long intenesenel level na i makim Vatiken tasol i kam lukluk raun long PNG, bai stap long en.

Agrimen ol bai sainim em long tupela sios long wok moa klostu wantaim na helpim wanpela narapela long ol ministri bilong ol.

Bisop James Ayong na Bisop Peter Fox bai makim Angliken Sios long dispela saining na Asbisop John Bathersby wantaim Asbisop Brian Barnes bai makim

Katolik Sios.

Bisop Peter i tok long sampela yia nau, tupela sios i wok long toktok na wok bung wantaim long sampela eria bilong sios na bilip bilong ol.

Em i tok dispela i no min olsem tupela sios i laik kamap wanpela, nogat.

Em i tok tupela i luksave long ol eria we ol i narakain long en tasol ol i luksave tu long planti eria we ol i serim na i wankain long tupela.

Em i tok ol i amamas long gutpela woik bung na luksave tupela i gat nau bihain long ol toktok na wok wantaim ol i gat aninit long ol toktok na wok ekumenisim ol i gat. Ekumenisim i min olsem ol sios i toktok na wok wantaim long sampela samting.



Pestode bilong Bleset Peter ToRot - Katolik Sios long Sande Julai 6 i bin selebretim pestode bilong namba wan asples matir bilong PNG na Pasifik rijen. Em long Bleset Peter ToRot. Planti peris insait long kantri i bin kamapim bikpela lotu na bihain ol danis singsing tumbuna na bungim ol kaikai na kaikai wantaim. Ol piksa bilong JOE IVAHARIA i soim ol Nugini Ailan rijen bilong ol wan wan peris long Pot Mosbi Asdaiosis husat i bin bung long Hohola Katolik peris we i bin hostim ol selebresen bilong dispela de.

Bikpela yut konfrens bilong ELC/PNG long Septemba

ELC/PNG Papua seket redi long hostim Nesenenel Yut konfrens.

Ol yut oyangpela bilong Evanjelikel Lutheran Sios (ELC/PNG) Papua Distrik bai hostim bikpela kibung bilong ol yut long mun Septemba long dispela yia.

Kibung bai kisim tupela wik na ol bai holim long Laloki Hai skul klostu tasol long Pot Mosbi siti. Konfrens ya bai stat long Septemba 27 na pinis long Oktoba 5.

Marimari Kongrikesen yut siaman na man husat i stap insait long komiti Ron Nick i tok distrik yut eksekutyutiv na olgeta kongrikesen yut eksekutyutiv i bung wantaim komiti long kamapim na redim dispela bikpela kibung.

Konfrens bai lukluk na toktok long glasim wok bilong ol yangpela long ELC/PNG.

Olgeta yangpela bilong olgeta hap bilong PNG na tu sampela long ovasis bai kam long dispela bung.

Sios i save holim dispela kain bung bihain long olgeta tripela yia, ELC/PNG Papua distrik yut simana Ron Nick i tok.

Em i tok nau ol i prea strong olsem dispela bikpela konfrens bai kamap gut.

Em i tok bikpela sapot bai kam long ol Palamen memba, gavman, sios yet na ol kongrikesen memba.

Maski karim planti kago na raun

RAUN wantaim liklik samting tasol taim yu go long narapela hap em wanpela samting we planti long mipela i save lus tingting long en. Moa yet ol lain husat i save karim haus taim ol i go long wanpela hap, maski em i sotpela taim tasol.

Raun wantaim liklik samting na tu, bai i nogat wari tumas long ol samting bilong dispela graun i save kamapim ol hevi, trabel na wari long sindaun na laip bilong yumi wan wan.

Toktok bilong Angliken Bisop bilong Pot Mosbi Peter Fox long semon o tok skul bilong em long Sen Martin's Angliken Sios las Sande i bin mekim klia pasin bilong karim liklik samting tasol sapos manmeri i laik go long sampela hap.

Tok piksa em bin givim em long Jackson's ples balus we bai yu lukim ol manmeri i laik go long sampela hap i hatwok long karim planti beg na sutkeis.

Na em i askim sapos ol i nidim olgeta dispela samting we ol i karim i go.

"I gat ol 'Just-in-case' peka (redim na karim ol samting) o karim nating nogut bai mi yusim o. Dispela em ol lain i save karim planti samting bikos ol i wari olsem ol i no inap long painim ol samting long hap ol i go long en. Ol i save karim ol ekstra kaikai,

ekstra klos, sospen, bek, kaukau na ol timit.

"I gat ol dispela 'Can't bear to leave it' peka o i no laik lusim bihain ol samting ol i laikim tru, maski ol i no nidim ol. Ol i save karim ol tedi bea toi, ol samting bilong bilasim bodi olsem ol nekles, iaring na moa, datbot na feveret piksa bilong ol.

"Sampela bilong mipela em ol 'Someone-else-packed-for-me' pekas. Mipela i save karim samting bilong ol narapela olsem ol presen we ol i laikim bai mipela i givim long ol lain bilong ol, o bokis i gat ol buk long en. we i kostim bikpela mani tumas long salim long pos opis tasol ol i tok bai mipela helpim ol long karim bilong ol na maski long han kago bilong mipela yet!

"Olgeta lain i go long balus long narapela hap na i karim planti samting i gat wanpela samting we mipela i ken luksave long - em longpela han long karim planti samting.

Bisop Peter i tok taim Jisas i bin salim ol aposel bilong em long go aut, tupela wantaim long wanpela hap, em i bin tokim ol long noken karim planti samting taim ol i raun, tasol karim tasol ol samting ol i nidim na i no givim hevi long ol yet wantaim planti samting nating.

"Long rot yumi bihainim long bilip bilong

yumi, mipela i noken mas kamap olsem "Just in case" pekas. I nogat rum long pasin bilong pret na wari long mani. Bilip long God bikos em i save long wanem samting yu laikim.

"Mipela i no inap long kamap 'Can't - bear-to-leave-it' pekas. Mipela i noken gat rum long gridi pasin o sof, giaman na ol kain pasin nogut bikos dispela i min olsem mipela i nogat rum long Jisas. Putim Jisas pastaim. Em bai soim yu ol gutpela samting we yu laikim insait long laip bilong yu.

"Mipela i noken kamap 'Someone-else-packed-it' pekas. Mipela i noken larim narapela lain i trikim mipela long wokim wankain mistek o rong olsem ol i wokim wantaim prensip i no gutpela, kisim ol drag o spakbrus, promis long wokim samting tasol nogat na noken go het na bihainim dispela.

"Harim toktok long ol giaman pren na ol bai pulumapim laip bilong yu wantaim ol pipia na ol bai mekim yu i karim planti samting we yu no nidim.

"Noken karim o larim ol belhevi i stap wantaim yu. Larim God i pogivim yu na rausim ol hevi long bros bilong yu. Na bai yu "Travel Light o Raun wantaim Liklik Samting" na Raun long Lait", Bisop Peter i tok

Edukesen wantaim ol provins wok wantaim long stretim tisa hevi

Veronica Hatutasi i raitim

EDUKESEN Dipatmen i wok wantaim ol provinsel edukesen atoriti long stretim pe bilong ol tisa, Nesanel Edukesen Seketeri Peter Baki na Ekting Tising Sevis Komisn Siaman Jerry Kuhena i tok.

Dispela i bihainim ol ripot i sut long pe bilong ol tisa na planti tisa i no kisim pe bilong ol we i wok long kamap long dispela taim.

Mista Baki na Mista Kuhena i tok ol atoriti i wok nau long projek long kamapim nupela Peirol Menesmen sistem we bai helpim long stretim ol hevi long pei bilong ol tisa insait long kantri.

Mista Baki na Mista Kuhena i no wanbel long ripot i bin kamap long nius olsem long Hailens rijen, moa long 10,000 tisa i gat hevi long pei. Ol i tok Hailens rijen i gat samting olsem 9,000 tisa na i no olgeta i bungim hevi wantaim pei bilong ol.

Tasol Mista Kuhena i tok em i bikpela samting long ol tisa i kisim stretpela o rait pe bilong ol.

Em i tok sapos i gat sampela asua long pe bilong o, tisa na ol samting we ol i la m, ol i mas

riptom i go long ol atoriti na stretim.

Mista Baki i tok wok bilong Edukesen Dipatmen em long lukim olsem olgeta tisa i kisim rait mak long pe bilong ol long ples we ol i stap long en na ol i kisim pe long rait taim.

Em i tok dipatmen i wok wantaim ol provinsel atoriti long stretim na kamapim gut dispela samting.

Tupela bikman i tok ol i mas luk-luk, glasim na stretim ol hevi taim ol i kamap tasol wantaim ol provinsel edukesen opis long wan wan provins na rijen. Ol i tok ol provinsel edukesen bot em ol atoriti we i makim husat tisa bai tis long ol wan wan skul.

Long toktok i sut long wok bilong Hailans rijinel peirol seksen, Westen Hailans na Simbu i orait na ol samting i kam aninit long pei, ol alauwens, ol kleim na ol arapela samting moa em tupela opis yet i ken stretim.

Ol opisa bilong Edukesen Dipatmen i pinisim ol wok long stretim kleim long Haia Duti Alauwens (HDA), bilong ol tisa long lsten Hailans provins. Tripela opisa bilong Sauten Hailans i wok



Hevi long ol bus skul: •Planti bus skul i nogat klas tisa na wanpela o tupela tisa i save hat long dabolim klas.

long helpim ol opisa bilong Nesanel Edukesen Dipatmen opis bilong stretim ol hevi i stu long pe na alauwens bilong ol tisa long Sauten Hailens.

Tupela bikman i tok ol i sapatim PNG Tisas Asosiesen long strongim ol provinsel gavana long

sapatim gut edukesen insait long ol wan wan provins bilong ol.

Wanpela bikpela samting we ol provinsel gavana i wokim em long helpim givim gutpela sevis na lukautim gut ol tisa insait long ol rurel eri. Dispela i kamapim ol samting olsem givim gutpela haus,

ol ro, benk, lo na oda na ol arapela moa, tupela bikman i tok.

Ol i tok gavman i ken givim gutpela helpim long lukim olsem ol i gat ol gutpela opisa long ol provins na distrik opis bikos dispela em ol opisa husat i save givim ol infomesen long pe bilong ol tisa.

Ol speselis dokta bilong Australia karimaut operesen long Modilon

Lester Hakalits i raitim

WANPELA dokta na nes grup bilong Australia i pinisim wanpela gutpela raun long Modilon Jenerel Haus sik long Madang.


Faipela lain we i gat long en tupela nes na tupela sejen o ol dokta bilong katim ol sikman na narapela speselis dokta i go pas long grup i bin kam long Modilon long karimaut operesen long ol lain we paia i bin kukim ol na ol i kisim bagarap long bodi na skin, maus na ol arapela sik long skin.

Dokta David Hunter Smith bilong Royal Melbon Hospitel long Australia i bin go pas long wokim 24 operesen long 40-pela siklain we ol i bin salim long ol long lukim ol.

Dokta Smith i bin tok ol operesen i bin go gut.

Wanpela ol bin karimaut em long wanpela manki Kavieng husat ol bin salim em i kam olgeta long Nu Allan bilong ol dispela speselis dokta long operetim em. Em bin gat bikpela hevi long paia i kukim em insait long wanpela eksiden o birua bilong benjin i bin paia na lait na kukim em. Operesen long dispela manki i bin kisim foapela awa olgeta.

Dokta Smith i bin tok tenkyu i go long ol lain long Modilon



• Dokta Verma i testim nupela masin bilong ai long Mosbi haus sik. Nau yet yumi nidim planti dokta olsem em i mas kam na helpim ol sikman bilong yumi insait long PNG.

Haus sik husat i bin helpim na operesen i bin go gut.

Sief Eksekutiv Opisa bilong haus sik em Dokta Thomas Vinit i bin tok amamas long ol dokta i go lukim na karimaut ol operesen long Modilon Haus sik.

Em bin tok kain sevis ol dokta i givim fri em i save kostim bikpela mani stret long PNG na tu, wantaim nogat plastik sejen long Modilon, em i praut long luksave ol i givim long Modilon Haus sik na ol dokta i go lukduk raun na karimaut ol operesen.

"Mi amamamas tru olsem Madang i bin kamap olsem

namel helt senta long apa not Momase. Sampela ol sik lain i bin kam tu long ol longwe ples olsem Wewak, Vanimo na Kavieng," Dokta Vinit i tok.

Em bin salim tok tenkyu bilong em i go long AusAID na Westpek beng long Australia long sapatim wokabaut bilong ol dokta i kam long PNG na Modilon Haus sik long Madang.

Long soim tok tenkyu bilong ol, ol lain long Modilon i bin holim wanpela gutbai seremoni na givim ol presen olsem ol Sepik basket long ol dokta ya.

Minista kisim planti komplem long sampela tisa i no wok gut

EDUKESEN Minista Michael Laimo i bin kisim planti askim long Palamen long hevi i sut long pe bilong ol tisa las wik.

Wanpela askim i bin kam long memba bilong Kiriwina-Gudinaf Brian Puluyasi husat i wari long ol tisa long provins bilong em long wanem planti i bungim hevi long kisim pei bilong ol. Na em bin askim Minista Laimo wanem samting ministri bilong em i wokim long stretim dispela hevi bikos em i save kamap planti taim tumas.

Minista Laimo i bin tok em i kisim ripot na komplem long planti papamama na pablik olsem planti tisa long ol rurel skul long kantri i no save wok gut. Planti i save lusim skul long planti de o wanpela mun samting, sampela i save go long go long taun long stretim ol pe long benk na ol arapela samting moa na ol i no

save mekim gut ol wok bilong ol.

Mista Laimo i bin tokim memba olsem em i moabeta long raitim ripot long dispela samting, raitim nem bilong ol skul na ol tisa we hevi long no kisim pe i kamapim ol.

Minista i tok i gat planti samting long stretim na wanpela em long ol tisa husat i save kisim pe yet, maski ol i no stap long wok planti taim.

Long narapela, askim i bin go long Minista Laimo sapos i gat sampela rot long helpim ol papamama long ol rurel eria wantaim ol skul fi,

moa yet long dispela taim kantri i bungim mani hevi.

Mista Laimo i bin tok kantri i wok long bungim hevi long mani na gavman i gat dispela skul subsidi sistem we i helpim ol sumatin wantaim hap mani long ol skul fi na em i samting bilong ol papamama long painim mani long peim skul bilong ol pikinini. Em i tok long dispela taim bilong hevi wantaim mani, em i no inap tingim narapela rot we ol i ken kisim helpim tasol em i wok bilong ol papamama long helpim wantaim edukesen long ol pikinini bilong ol.

Natnat i wok long Bagarapim yu? Yu wari tumas long Sik Malaria? OL TAUNAM BILONG SALIM



Rotary i paif egens Malaria Kam lukim mipela long 6 mile o Ringim - 325 8900 Prais i daunbilo na i gutpela stret-Yu ken balm planti long wanpela prais DEPT OF HEALTH - WHO - UNICEF

Moa wok painimaut long marasin bilong HIV/AIDS

KISIM marasin we bai helpim ol pipel i gat sik HIV/AIDS em i wanpela salens long ol kantri, tasol moa yet long ol developing kantri.

Na bikpela pe long ol marasin bilong sik HIV/AIDS na ol arapela sik i kam aninit long dispela eria em i wanpela bikpela hevi we pipel i bungim, moa yet long ol developing kantri i kamapim tu PNG.

Wanpela ripot i tok sampela wok i kamap nau we ol i daunim prais bilong ol marasin liklik tasol planti ol disisen meka i

no gat gutpela save long ol kampani i wokim ol dispela marasin we ol i ken balm ol saplai long ol.

Wanpela ripot i tok inap i kam long pinis bilong las yia, seksen long Yunaitet Nesens we i save lukautim sait bilong sik HIV/AIDS ol i kolim long UNAIDS i tokaut olsem 42 milien pipel long wol i stap wantaim binatang na sik HIV/AIDS. Na moa long 95 pesen mak em ol i bilong ol puo kantri o ol developing kantri we i sot long ol samting. Ripot i tok long las yia, 3.1 milien

pipel i bin dai long sik HIV/AIDS na planti bilong ol i bin olsem bikos ol i no kisim marasin.

"Tru pe bilong kisim tritmen na marasin em i wanpela hevi long ol lain i gat dispela sik i kisim marasin long em, sampela kampani i wokim ol marasin nau i daunim ol prais bilong ol. Tasol bikos planti ol atoriti i no gat gutpela infomesen long ol kampani i wokim ol marasin, i gat wari olsem ol developing kantri i peim moa long ol marasin", ripot i tok.

OL PNG SUMATIN BILONG YUNIVESITI: SAPOTIM WOA LONG KORAPSEN!

Bihain taim bilong Papua Niugini i stap long han bilong yupela. Yupela wanwan i save long rait na rong. Yupela bin kisim hevi long korapsen, o yupela i sapotim korapsen.

NAU em i taim bilong strongim jastis na klinim het.

YU inap long mekim senis.

YU inap long stapim korapsen, tude.

Soim sapot bilong yu long Woa long Korapsen na bung wantaim Komyuniti Kolisin Egens Korapsen.

Komyuniti Kolisin Egens Korapsen em i kisim tok orait na sapot bilong Midia Kausol bilong PNG.

Midia em i olsem wasdok bilong yu. Midia em i wanpela 'was dok' i save lukluk long korapsen na stil pasin insait long komyuniti.

Olsem na mipela i no inap long tokaut long husat manmeri i helpim mipela long stapim korapsen. Lo i lukautim wok na pasin bilong ol ripota long PNG i tok klia olsem:

Ol nius ripota i mas haitim nem bilong ol lain long pablik husat i givim helpim o stori long ol aninit long ol agrimen ol i pasim tok long en.
(PNG Midia Kausol Jenerel Kod ov Etik bilong Nius Midia 12c)

Midia long Papua Niugini i wok pinis long bungim sampela nius ripota long mekim wok painimaut bilong helpim ol manmeri bilong PNG.

Long autim toktok bilong yupela ol pablik, mipela i laikim ai na iau bilong yupela.

Mipela i laikim YU long RIPOT long korapsen. Mipela i laikim SAPOT BILONG YU long dispela Wo long Korapsen.

Raitim dispela pepa o fom i stap long dispela pes na salim long pos opis i go long:

**Media Council of Papua New Guinea
P. O. Box 135 Port Moresby.**

Sapot bilong yu bai helpim mipela long stretim gutpela sindaun long bihain taim bilong olgeta manmeri long PNG.

Bung wantaim Komyuniti Kolisin Egens Korapsen na Stapim Korapsen Nau!

Stopim Korapsen Nau!

Kamap memba bilong Komyuniti Kolisin Egens Korapsen Nau!

Plis pulapim dispela fom na salim i go long:
**Media Council of Papua New Guinea
P. O. Box 135, Port Moresby**
Nem bilong yu na olgeta ripot yu givim bai i stap hait.

1. Yu save sapotim dispela Wo long Korapsen?

Yes mi sapotim Nogat mi no sapotim

2. Korapsen i save givim hevi long yu? Sapos i tru, olsem wanem?

Raitim liklik stori long dispela inap long 50 wod.

.....

.....

.....

.....

.....

.....

3. Yu laikim bai ol i stretim hevi bilong yu?

Yes mi laikim Nogat mi no laikim



Nem

Telepon

Taun/Viles

Krismas Man (M) Meri (F)

Adres na bihain bai mipela rait i kam long yu

.....

Dai brukim tupela twin susa

BIKPELA driman bilong dispela tupela twinmeri husat i bin bon het pas wantaim em long ol i ken bruk na stap ol yet.

Ladan na Laleh Bijani husat i bilong Iran i bin gat 29 krismas na i bin laikim dispela driman i mas kamap tru na i bin go long ol dokta long traim brukim ol.

Tasol namel long dispela operesen ol tupela susa i lusim planti blut tru long we dokta i katim ol na ol i dai long Singapore haus sik.

Ol lain Iran long Singapore i pilim sore tru long ol tupela i dai na ol lain Iran yet i pilim wankain taim ol i planim ol.

I luk olsem taim dai tasol inap long brukim ol tupela sista na mekim driman bilong ol i kamap tru.



Man i kilim long-long Kangaroo wantaim tamiok

Monto, Australia:

WANPELA man i kilim wanpela animol ol i save painim long Australia tasol ol i kolim kangaroo, bihain long dispela animol i traim long bagarapim em na meri bilong em.


John Crouch, husat i wok long holidei long taun bilong Monto, 400 km lusim Brisbane, i bin kilim dispela kangaroo bihain long em i kalap antap long em na meri bilong em Helen na traim long bagarapim ol.

Animol ya i sigarapim pes na baksait bilong Misis Crouch na kikim em long bel bilong em.


Mista Crouch tu i kisim sigarap na han bagarap long dispela kangaroo.

"Mi mas kilim em o em bai kilim mi," Mista Crouch i tokim wanpela Australian niuspepa las Fraide.

Plis na ol opisa husat i save lukautim ol animol long ol lokel pak i tok olsem kangaroo ya em ating dispela tasol husat i bin traim long bagarapim wanpela lokel man na meri bilong em las mun tu.




WOL NIUS



Botswana, Afrika:

Singaut bilong ples bus: •Wanpela elephant i singaut taim Presiden bilong US, George Bush na meri bilong em i sindaun long baksait bilong kar i abrusim ol taim ol i raun na lukim ol animol long Mokolodi Nature Reserve, o ples bilong lukautim ol animol na diwai samting, long Botswana, Afrika las wik.

Presiden Bush i raun long Afrika long tokim ol pipel long hap olsem em bai givim planti mani i go long pait egensim sik HIV/AIDS we i bikpela tru long dispela hap.



Baghdad, Irak:

Plis wok: • OL soldia bilong US i taitim ol han na pasim het na pes wantaim beg bilong ol man husat i brukim lo na salim bia long Baghdad. Ol soldia i wok long kisim ol i go long plis stesen.

Tisa i holim bol bilong ol sumatin

Brisbane, Australia:

BRISBANE Distrik Kot las Fride i salim wanpela tisa i go long kalubus bikos em holim na pilai wantaim bol bilong ol sumatin bilong em.

Hamilton William Nation Leslie, husat i save tis long wanpela praivet skul bilong ol manki tasol ol i kolim, Brisbane Anglican Boys Grammar School o Churchie.

Kot i harim olsem Mista Leslie, husat i gat 77-pela krismas, i bin askim tupela gret 8 manki long bungim em bihain long skul i pinis

long em bai lainim ol moa long subjek ol i kolim Maths.

Tasol taim em wan i stap long rum wantaim ol, em bai rausim trausis bilong ol na holim na pilai wantaim bol bilong ol na tokim ol lo noken tokim ol manmeri long wanem samting em i mekim long ol.

Tasol wanpela bilong ol manki ya i tokim papamama bilong em na ol i go na toktok long skul prinsipel, Harry Roberts, husat i tokim ol olsem nau yet em bai stopim Mista Leslie long tis.

WOL BRIE NIUS

Meri daunim fork long kilim blu lang insait long bel

JERUSALEM: Wanpela meri bilong Israel i bin daunim wanpela blu lang na dispela bli lang i wok long raun na mekim nais insait long bel bilong em. Meri i pilim olsem blu lang lang i stap

insait long bel bilong em olsem na em daun daunim wanpela fork long kilim indai blu lang. Ol dokta long Poriah haus sik long Israel i sekim x-ray na lukim olsem fork i pas long nek bilong meri na ol i katim em na rausim fork. Tasol blu lang em dai pinis na stap long bel bilong em.



Teroris i bomim intanesenol bisnis haus long Pakistan

KARACHI: Wanpela bom i pairap long wanpela bikpela storey haus we i lukautim ol

intanesenol bisnis insait long Pakistan long na Karachi i kilim tupela man na bagarapim foapela arapela. Plis Sief bilong operesen long Karachi i tok em wok bilong ol teroris.

WANTOK KOMENTRI

Planti tubel long vot i nogat bilip

GAVMAN bilong Somare i laik kamapim nupela senis long surukim taim bilong kamapim vot i nogat bilip long gavman i go moa long 38 mun. Dispela i olsem bihain long tripela yia.

Taim nupela gavman i save kisim opis, lo i stap olsem ol i gat 18 mun long mekim wok na bai gavman i mas go insait long vot i nogat bilip. Dispela pasin tu i save sekim sapos gavman i sanap strong na ol memba bilong gavman i amamas long em. Taim vot i nogat bilip i kamap na gavman i winim taim ol memba i vot long sait bilong gavman, orait ol i ken go het long ranim wok bilong kantri i inap 5-pela krismas i pinis na ol i ken go long nesanel ileksen.

Nau Somare gavman i laik surukim dispela 18 mun i go long 36 krismas olsem na ol memba bilong palamen i mas vot nau long mekim dispela i kamap lo bai gavman i ken stap long opis inap 36 mun olgeta.

Long dispela wik taim dispela lo i laik kamap sampela bikpela samting i bin kamap. Spika bilong palamen Bill Skate i risain long wok bilong em olsem siaman bilong ol pati husat i marit long kamapim gavman. Nau Mista Skate i wok long toktok hat long Fainens Minista Bart Philemon long i no ranim gut hevi bilong mani insait long kantri. Olsem na Skate i askim Prait Minista Sir Michael Somare long rausim Bart Philemon long wok bilong em.

Long las wik gavman i laik kamapim lo bilong pinisim palamen sapos vot i nogat bilip i kamap.

Sampela memba bilong gavman i no kia gut na ol i tubel liklik long dispela eksen bilong gavman long senisim lo bilong vot i nogat bilip.

Ating gavman i mas kisim gut bel isi bilong olgeta memba bilong em pastaim long em i ken go het wantaim dispela senis. Bikos planti memba em ol nupela long kain pasin bilong pulim tingting na sapot long kamapim wanpela lo.

Em i tru gavman i mas sanap strong na i noken bungim ol hevi nabaut. Olsem na i gutpela long gavman i mas gat inap taim long mekim wok bilong em na pinisim gut na i no ken lusim i stap hap hap bikos pasin bilong PNG politiks i soim olsem narapela gavman ino save pinisim hap wok bilong narapela gavman. Olsem na i gutpela long i gat lo i banisim gavman long stap gut na pinisim gut ol projek na wok bilong ranim kantri. Tasol em i mas kisim wanbel bilong ol memba bilong em pastaim na tu ol memba bilong em i mas kia gut long as bilong kamapim kain lo olsem bai ol i ken bel isi na sapotim.

Palamen i gat ol olupela lida olsem Sir Rabbie Namaliu, John Mornis, Moi Avei, Paias Wingti, Luther Wenge na Sir Mekere Morauta yet i stap. Ol dispela lida i save gut long kain pasin bilong vot i nogat bilip long gavman. Olsem na ol i mas autim sampela tingting na mekim kia long ol nupela yangpela memba i ken luksave na skelim na bihain ol i ken mekim disisen bilong ol.



JADA 2003!

Pik poket bagarapim ol pipel bilong Morobe

Dia Edita,
Mi wanpela boi bilong Morobe provins long Lae na mi bin lukim wanpela ripot i bin kamap long Wantok Niuspepa long Desemba 5, 2002.

Na man i raitim dispela ripot em Dapsy Mingka i bin kisim toktok bilong wanpela DPI Treeting senta long 3 Mail Lae na kamapim.

Yes mi sapotim toktok bilong tupela long wanem planti taim mi lukim ol i save pik poket na katim bilum bilong ol turangu lapun manmeri we ol i maketim ol liklik samting olsem kumu long 10 toea na bungim i go pinis na ol kam long taun long baim ol liklik o samting bilong ol tasol nogat. Dispela pik poket lain i olsem ol wel abus i nogat

save na mekim nambaut long ol manmeri.

Mi lukim olsem dispela lain i nogat pama mama na graun a bus bilong ol.

Planti bilong Morobe tu i joinim ol hailans na arapela provins long mekim dispela bikhet pasin na bagarapim Lae sifi.

Olsem na mi askim yupela ol lida bilong provins, Lod Meya Boyamo Sali, Gavana Luther Wenge na Bart Philemon long opim ai na klinim siti olsem Jerry Nalau i bin mekim long bipo. Na maski long pasim ai na lusim tingting long ol manmeri bilong ples.

Sedi John Luke Lae

Sapotim Paias Wingti na PDM long 2007

Dia Edita,

Mi laik bekim pas bilong wanpela brata ya em i tok em i bilong Hagen Sentral na nem bilong em John Kupil. Mi no save tru em i bilong Hagen Sentral o giaman Hagen Sentrol.

John Kupil yu wanpela giaman maus wara man. Toktok bilong yu i no tru. Paias Wingti i no memba bilong Hagen Sentrol, nogat tru. Em i rijinol memba na Gavana bilong Westen Hailans provins. Ol pipel bilong Westen Hailans ol i save long em na ol i laikim em olsem na ol givim vot long em.

Yu tok yu bilong Hagen Sentrol na yu makim maus bilong ol Hagen Sentrol pipel na yu tok yupela kilim PDM pati long 1997 nesnel ileksen tasol ol ausait lain i kirapim gen PDM.

Yes John yu mas save olsem PDM pati em i no bilong yupela Hagen tasol. Nogat. Pati em bilong Papua Niugini. Bai hat tru long kilim PDM pati. John sapos yu man tru yu kilim PDM long 2007 nesanel ileksen. Nogat yu i no ken maus wara nabaut. Long Sauten Hailans saplimentri ileksen PDM i winim tupela sit. John Kupil yu wanem kain man na bai yu kilim PDM pati?

John Kupil mi laik tokim yu stret olsem. Long 2007 nesanel ileksen Paias Wingti bai win nating tru. Wanem kain man bai salensim Mista Wingti? Long 1997 i kam inap long 2002 mipela ol Westen Hailans pipel mipela kism taim tru na nau mipela opim ai bilong mipela pinis. Taim Robert Lak i stap Gavana bilong provins olgeta samting i bagarap. Rot, skul, bris na Hagen taun i go daun olgeta na pipia i pulap planti

samting i kamap nogut tru. Tasol nau taim Paias Wingti i kamap Gavana olgeta samting i laik kam bek gut gen. Brata John yu lukim tu o nogat, Yu mas tanim bel na sapotim Mista Wingti long 2007 nesanel ileksen. Brata mi tokim yu stret yu ai pas na yu i no lukim gut. Yu mas opim ai bilong yu na lukim gut long wanem wok developmen i stat nau long kamap. Yu lukim Tomba i go long Tambul rot kolta i go pinis. Mul Baiya rot kolta i go pinis Hagen i go long Dei Kaunsil rot i stat pinis long putim kolta.

Long 2004 Mista Wingti bai givim fri edukesen long Westen Hailans provins. Brata John yu laikim wanem kain developmen na wok long komplek. Maski long komplek yu mas sapotim Paias Wingti. Mista Wingti em i rait lida bilong yumi ol Westen Hailans na tu long Papua Niugini. God i makim em lida bilong yumi.

Long 2002 nesanel ileksen ol kristen manmeri long kantri i bin prea na askim God long makim gutpela ol lida bilong kantri. Nau yumi lukim God i bekim prea bilong yumi na planti ol siting memba lusim sia bilong ol long ol nupela memba. Yumi tok tenkyu long God long givim yumi ol gutpela lida. Yumi noken komplek. Komplek em pasin bilong ol les manmeri i nogat kaikai bilong ol.

Long pinisim pas bilong mi, mi laik tok olsem lus tingting long pati bisnis. Sapotim ol gutpela lida na strongpela lida olsem Paias Wingti. Sapotim Paias Wingti long 2007.

John Lumbu Lae

Ol Sepik vanilla fama i mas statim asosiesen

Dia Edita,

Mi laik askim olgeta fama bilong Is Sepik husat i save groim vanilla na ol i painim hat long salim vanilla bilong ol i go aut long ovasis kantri olsem ol i mas kamapim wanpela vanilla asosiesen.

Vanilla bisnis long Is Sepik provins i bikpela nau long yumi na yumi mas kirapim wanpela asosiesen husat i ken makim maus bilong yumi.

Tude yet ol prais bilong vanilla i stap aninit long wol prais na long Kina em K385 o K400 na K500 long ol praitvet baya.

Dispela vanilla asosiesen bai lukluk long ol prais long wol maket na ol bonus o win mani long wanwan groa.

Mi ting olsem i gat planti stilman i kam insait long provins na wok long stilim vanilla bin i go aut na ol takis mani tu i go aut.

Gavana Arthur Somare i mas toktok long ol dispela samting na sapotim mipela ol fama.

Mi askim olgeta fama long bungim mi long Wewak long dispela mun Julai na bai yumi toktok long ol dispela wari.

John Kriosaki Wewak

Dia Edita
Wantok Niuspepa P.O. Box 1982, Boroko NCD -
Phone: 325 2500
Fax: 325 2579
Email: word@global.net.pg



WANTOK

Publishing Weekly, Wednesday, for Word Publishing Company Ltd.
P.O. BOX 1982, BOROKO, NCD
PAPUA NEW GUINEA

TELIPON: 325 2500

FEKS: 325 2579

EMAIL: word@global.net.pg

PE BILONG WANPELA YIA
52 NIUSPEPA

PLES	AIR
PNG	K140.00
OSTRELIA	US\$67.00
ESIA PASIFIK NA JAPAN	US\$80.00
AMERIKA NA YUROP	US\$150.00

General Manager:
Jeremy Burgess

Editor of Wantok:
Yakam Kelo.

Word Publishing Company Ltd. is owned by the business partners of Papua New Guinea, Australia, and the United Kingdom. The company is the right to publish and distribute any advertisement or business information for publication in any of our publications. The company is not responsible for the content of any advertisement or business information published in any of our publications. The company is not responsible for the content of any advertisement or business information published in any of our publications.

Printed and Published by Jeremy Burgess, at Allotment 2, Section 209, Spring Garden Road (Poreporena Highway), Hohola, for Word Publishing Co. Ltd.

Ol Arowe pasim spes long haus

Dia Edita,
Mi save lukim long Kimbe taun ol Arowe i save pulapim tru haus na spes bilong ol famili i sindaun gut na slip gut. Taim wanpela meri Arowe i maritim wanpela man i stap long Kimbe taun bai ol Arowe i kam pulapim nogut tru long dispela haus na lokim rot na rum bilong dispela

turangu famili long sindaun gut na kaikai gut.
Ol i no save skelim na givim taim o spes long ol famili. Mi lukim dispela i no gutpela tru na mi ting ol Arowe i mas senisim tingting bilong ol bikos taun em ol manmeri i save kaikai long mani na yupela i mekim olsem bai yupela sotim tru ol famili lain

long mani na kaikai.
Yupela asples ya olsem na noken kam pulap pulap olsem. Traim na givim spes na go bek long ples hariap tasol.
Em tasol komplem bilong mi.

**Tonny Aipet
Kimbe**



• **Aiyaa tewel yah!** Em nau..Sik AIDS i no samting bilong pilai long em. Sapos em kisim yu, yu bilong go tasol. Ol sampela sumatin bilong wanpela tiata grup i mekim wanpela pilai bilong sik AIDS.

Painim Bal Resis namba 4 i no stret

Dia Edita,
Plis olsem wanem long dro o wina bilong Painim Bal resis Namba 4 long mun Mei, 2003?

Mi bin redi gut tru long lukim dro o wina bilong Painim Bal Resis namba 4 bilong Mun Mei long Jun 5 na 12 tasol i nogut tru. Nau mipela i go het long namba tri wik

bilong mun Jun 19, 2003.

Plis bihainim stret rul namba 5 na namba 9. Long lukim dro mi

save salim pikinini bilong mi i go long Hagen na baim Wantok bikos bas pe i hat long mi i go i kam. Painim Bal Resis namba 4 mun Mei mi lusim ekstra mani na mi bel hevi liklik. Em tasol na mi laikim bekim bilong Wantok niuspepa long dispela.

**Wantok Sapota
Hagen**



Dia Edita - Wantok Niuspepa
P.O. Box 1942,
Boroko, NCD.
Ph: 326 2500 FAX: 326 2579
Fax: 326 2579 Email:
www.global.net.pg

Somare gavman mas daunim prais bilong kaikai

Dia Edita,
Nem bilong mi Michael Wantawi bilong Hauna viles insait long Ambunti distrik long Is Sepik provins.

Mi laik sapotim pas bilong wantok ya Wanaiyu Ura Obura long Isten Hailans provins. Brata mi sapotim tingting na pas bilong yu.

Tru tru prais bilong ol samting bilong stua em i go antap tumas. Bilong wanem gavman bilong yumi i no laik daunim prais bilong ol kaikai na ol samting long stua.

Palamen wantaim prais kontrola i mas mekim samting long prais bilong stua.

Mipela ol grasrut long ples bai yumi kisim mani we na baim

samting long stua, nogat ya. Samting bilong stua i olsem rais na pis o flawa i wankain olsem yumi save baim moto na ka long em.

Na tu olsem skul fi bilong ol i go antap. Skul fi mipela i baim i antap tru nau. Olsem wanem bai mipela i stretim wari bilong mipela ol lain insait tru long bus. Bikos mipela ol lain pipel bilong bus i laikim samting bilong taun tu ya.

Nau mipela i lukim olgeta prais bilong ol liklik samting i go antap moa yet.

Long we mipela lukim mipela PNG i mekim narapela we tru. Olgeta samting prais bilong ol i wankain tasol. Trausis, siot, sket na rais, tin pis bisket na

fiwa i antap tru long prais wantaim tu long prais bilong ol klos.

Dispela em i no gutpela tru.

Mipela i askim gavman bilong Somare long mekim samting long dispela hevi bilong mipela na lukluk insait long hevi bilong prais. Mipela ol pipel bilong ples i laik baim ol kaikai na ol samting bilong stua tasol prais i hat. Ol wokman na ol pablik sevens bilong taun tu i laik baim kaikai tasol prais i antap tumas na mipela olgeta i sotwin nau.

Em tasol wari bilong mi na husat i laik bekim em welkam tasol.

**Michael Wantawi
Ambunti Is Sepik Povins**

Rausim ol i go bek long ples bilong ol

Nau yet sapos yu lukluk gut long Mosbi siti i bagarap na sting pinis.

I no olsem bipo. Mi sapotim toktok bilong Mista Mosbi husat i bin putim wanpela pas long rausim ol pipiaman long *Wantok niuspepa* Julai 10, 2003 issue long pes 21.

Em i tok klia tru olsem ol memba bilong Sentral i slek tumas long lukautim ol tru tru asples pipel long siti. I luk olsem ples bilong ol papua em ol hailans i tekova pinis.

Nau yet yu raun long taun, Boroko na ol liklik ol ples long siti bai yu lukim em ol tasol i stap. Ol i salim buai, mekim trabol long ol kainkain kona. Long 4-mail yet long ai bilong mi ol raskol i stilim hanbeg bilong wanpela meri na ol i ranawe na go hait long we ol man na meri salim buai bikos ol manmeri i hip hip long hap na kaikai buai i stap. Yu save pinis em ol hailans tasol. Olgeta arapela man i lukim tasol bai ol i mekim wanem? Dispela pasin mi lukim na glasim em stail bilong ovasis olsem

Afrika na India o Kolombia we gavman i no save bisi long sindaun bilong pipel bilong ol. Ating yumi save lukim planti ovasis muvi na yumi save kopi long ol tu. Tasol tingim, ol polis o ami bilong ol i save bungim ol dispela lain ol i save mekim pablik eksekusen long ol dispela pipia lain.

Nogut yumi tu bai mekim wankain olsem long ol pipia raskol bilong yumi long siti. Bai yumi kirap nogut na lukim long pablik olsem wanpela raskol mangi i kisim katres long het bilong em.

Ating palamen haus i stap long hia long Mosbi olsem na olgeta lain long hailans i kamdaun long Mosbi long Lukim memba bilong ol na nau ol i ting Mosbi gat planti moni na wok long hia na ol i stap bek. Moabeta yumi transferim palamen haus i go long Tari o Enga o Mt Hagen na ol hailans bai bihainim Palamen haus na go bek long ples bilong ol.

Jay Mora - Mosbi

Ol pablik sevans i no stap long opis

Dia Edita,

Plis mi askim yupela long givim mi liklik sans na bikpela taim. Mi gat wanpela bikpela askim tru i go long yupela ol gutpela manmeri bilong Papua Niugini long skelim na sapos yupela i gat sampela gutpela ansa long givim orait yupela i ken rait long Wantok na mi lukim.

Bikpela askim bilong mi i go olsem. Long olgeta gavman opis long Wewak mi save go long lukim ol wok-

man long helpim mipela ol pipel wantaim hevi na wari bilong mipela, ol sekyuriti i save tokim mipela olsem opisa i no stap.

Ol i save tok opisa i go aut long distrik long mekim wok. Tasol mi save lukim ol i raun long rot o long ples bilong pilai poka masin o dring bia na klap nabaut.

Dispela em wanem kain pasin tru ol pablik sevans i save mekim long opis bilong gav-

man.

Mipela ol pipel i laikim helpim na sevis bilong gavman na mipela i laikim ol wokman i mas stap long toktok wantaim mipela na helpim mipela long ol wari bilong mipela. Dispela em wanpela bikpela bel hevi na mi askim yupela arapela long givim mi tingting bilong yupela long dispela.

Em tasol wari bilong mi.

**Samuel Mairum
Dreikeke**

24 aua stua long Wewak givim top sevis

Dia Edita,
NK 24 aua em i wanpela treding stua long nait na san wantaim. Dispela stua i save helpim tru ol pipel long Angoram, Maprik, Pagwi, Dreikikia, Aitape na ol arapela hap insait long Is Sepik provins.

Dispela i soim olsem ol liklik manmeri tu i ken wokim samting long liklik na go bikpela samting tru.

Insait long Is Sepik yet planti PMV ka na ol ka i karim kago i save kam long hap em ol i save go stret long 24

auas tasol long baim kaikai, smok, dring na ol arapela samting tu. Dispela i mak bilong gutpela sevis na divelopmen insait long Is Sepik provins.

**Simon Kami
Wewak**

Bus Nuku i nogat helpim bilong memba

Dia Edita,

Mi wanpela mank bilong ples long Nuku Sandaun provins na mi laik autim bikpela wari bilong mi long makim bel hevi olgeta papamama na ol yangela i save gat olgeta taim.

Mipela ol pipel olsem long hap bilong Yimut Tukinaro, na Wulbuowe Yawo Waspom na Nawalu Warsa na Miamai Mukili eria.

Disela ol ples insait long baksait bilong

Nuku Distrik ol i stap olsem i nogat memba o lida long lukluk na wokim rot na ples balus long helpim ol. Yes ol pipel bilong dispela hap eria olgeta mipela i nogat projek bisnis tasol memba bilong mipela Andrew Kumbakor i no luksave long ol pipel bilong dispela hap eria long planti krismas i kam inap nau.

Olsem na mipela i wari long wanem as na memba i mekim olsem long mipela.

Em tasol wari bilong mipela ol bus lain bilong Nuku. Sapos memba i lukim dispela pasin em i ken bekim long mipela i ken lukim na save long wanem kain tingting em i gat na wanem kain plen em i gat long mipela ol bus lain bilong Nuku.

Em tasol wari bilong mi.

**Hensco Yawo
Yumut Katolik Misin
Nuku, Sandaun
Provins**



ANYTHING

IN YOUR HOME FOR K1.00 DEPOSIT

CAN MAROONS STOP A BLUES' WHITE-WASH VICTORY?

...with a KINA Deposit, see the **80minutes.**

The Courts Price

LOWEST CASH PRICES
 LOWEST CREDIT PRICES
 WE CHECK PRICES - DAILY
 WE'LL BEAT ANY PRICE
 COURTS WILL NEVER BE BEATEN ON PRICES - EVER

For more details on the Courts Price Guarantee see in store.



SAVE K300

K1.00 DEPOSIT

K40.00
FORTNIGHTLY

SONY 2 HEAD VCR
SLV-ED225PS
 • multi system
 • NTSC Rec. & play
 • auto setup

WAS CASH K1,199 • NOW CASH K899 • REG. K1,039



SAVE K380

K1.00 DEPOSIT

K30.00
FORTNIGHTLY

PHILIPS VCR
VR330/55
 • digital auto tracking
 • auto head cleaner
 • auto repeat

WAS CASH K999 • NOW CASH K619 • REG. K715



SAVE K50

K1.00 DEPOSIT

K33.00
FORTNIGHTLY

AKITA 14" CTV
VC3731
 • front AV Output
 • front speakers
 • remote control

WAS CASH K749 • NOW CASH K699 • REG. K805




SAVE K100

K1.00 DEPOSIT

K64.00
FORTNIGHTLY

SANYO 20" CTV
CM20KX85A
 • front AV input for game
 • DVD ready
 • CATV ready

WAS CASH K1,599 • NOW CASH K1,499 • REG. K1,729



SAVE K70

K1.00 DEPOSIT

K37.00
FORTNIGHTLY

AKITA 21" CTV
VC5560
 • front AV output
 • front speakers
 • remote control

WAS CASH K819 • NOW CASH K749 • REG. K865



K1.00 DEPOSIT

K117.00
FORTNIGHTLY

PHILIPS 29" CTV
29PT2162/69R
 • multi system
 • front speakers
 • remote control

CASH K2,799 • REG. K3,219

DOUBLE TREASURE CHEST ENTRIES DURING THIS STATE OF ORIGIN PROMOTION

shop now TO BE IN IT!

WIN

WAS 120 LITRE ESKY

SPEND K100 OR MORE
 DURING THE STATE OF ORIGIN PROMOTION & GO INTO THE DRAW TO WIN THIS 120L ESKY WITH A K500 FOOD HAMPER.

1 FOR NORTHERN REGION
 1 FOR SOUTHERN REGION

Courtesy of CENTRAL FIBRE GLASS LTD

INSTANT CREDIT APPROVAL
 CONDITIONS APPLY (SEE NEXT PANEL)

REQUIREMENTS

- COMPLETION LETTER
- Current Employment Letter
- ID CARD
- Current Employment ID Card, etc.
- LATEST PAY SLIP
- Latest fortnight pay slip
- ADDRESS CONFIRMATION
- Latest PNG Power or BDA BANN INI
- #3 REPURPOSE DETAILS
- Names, Addresses, Phones, etc.

*Our Prices in this press advertisement are subject to change at any one time without notice. The Products shown in this press advertisement were available at the time of press printing. Not all these are available in all branches.



PNG'S FAVOURITE FURNITURE & ELECTRICAL SUPERSTORES

COURTS BOROKO Monian Haus, Tabari Ples Tel: 323 6802 • Fax: 323 6803
COURTS TOWN Steamships Plaza, Pt. Moresby Tel: 321 2143 • Fax: 321 5249
COURTS GORDONS Spring Garden Road, Gordons Tel: 302 5808 • Fax: 325 4149
COURTS GOROKA Fox Street, Goroka Tel: 732 2033 • Fax: 732 2063
COURTS LAE Milfordhaven Road, Lae Tel: 472 4800 • Fax: 472 4621
COURTS MADANG Becklea Plaza, Madang Tel: 852 3711 • Fax: 852 3712
COURTS HAGEN Hagen Drive, Mt Hagen Tel: 542 1401 • Fax: 542 3517

CASH IN THE CAN

OX & PALM

1000'S
OF KINA
TO BE
WON

OX & PALM

CORNED
BEEF

When you open
your favourite
Ox & Palm 340g tin
look under the lid to
see if you have won.

You can win instant
prizes of K50, K100,
K250, K500 or
K1000 cash.

TO CLAIM YOUR PRIZE

Send in your winning
lid plus your name &
address to:

Hugo Canning
P O Box 635
Boroko NCD

Planti lain kisim strong long buai maket

Yakam Kelo i raitim

SALIM buai na lus smok em wanpela liklik bisnis planti manmeri insait long siti i save mekim long painim mani bilong baim kaikai, ol klos, skul fi bilong ol pikinini na planti arapela samting ol famili i save sot long en long olgeta de.

Planti mama i save salim buai na lus smok arere long haus bilong ol na tu long maket ples olsem long Gerehu, Tokarara na Koki long olgeta de na yu no inap abrus long pes bilong ol bikos ol i sindaun kisim ples long maket na em ples bilong ol long sindaun olgeta taim na maket. Sampela i sanapim tebol long graun na wokim bet bilong lainim buai antap na yumi save olsem em kona bilong dispela man o meri long salim ol buai smok bilong em olgeta de.


Bikpela samting em ol i mekim maket bilong kisim mani na tru tumas ol buai maket lain i save kisim planti mani olgeta de. Yu ken lukim stret long tebol o aninit long bek ol i lainim buai long en em ol mani i no pilai pilai. Bikos taim ol man i kam long baim buai sampela i save kam baim mak long K2.00 o K5.00 na karim i go long haus o long wok ples bilong ol bai ol i ken kaikai na i no ken hatwok long painim buai raun gen. Sampela lain i save sindaun tasol long maket na salim buai na lus smok bilong ol tasol arapela i save karim maket bilong ol na wokabaut wantaim na salim long rot o arere long stua na ol opis nabaut o long pilai graun. Dispela em ol wokabaut maket we yu ken sindaun tasol na ol yet bai wokabaut i kam klostu long yu na singaut, buai i stap, lus smok i stap na yu mekim eksen tasol na ol i kam long yu.

Yumi save olsem buai i no wanpela samting bai yumi kaikai na bel pulap. Tasol maus i save laikim tru.

Bikmoning long baim buai

Ol manmeri bilong baim buai i save gut tru long wanem de na wanem taim ol asples i save karim buai i kam long salim long siti. Long Mosbi em ol manmeri i save pinis olsem ol asples Mekeo na Kerema i save karim buai i kam long siti long salim. Olsem na ol i save putim was long wanem taim ol i kam bai ol i go baim buai. Ol manmeri i save tu long wanem kam PMV em ol ples lain i save kam long en na ol bai putim was i stap taim wanpela PMV i kam kamap, ol bai ron bihainim wantaim ol liklik haia ka ol i redim pinis long kisim ol i go baim buai.

Hap bilong ol ples lain i save kam salim buai long Mosbi siti em long Gerehu na long Hanuabada. Na ol manmeri i save pinis olsem na hap nait yet ol i sanap was long hap long wetim PMV bilong ples bai karim buai i kam na ol bai baim. Taim PMV i kam i go insait long banis em nau yu ken lukim ol manmeri bai ron na resis



• Maket i save stap long nait tu. Yu ken lukim long hap olsem Erima, long Mosbi we ol maket lain bai laitim kendol na sindaun salim buai long nait.

namel long ol yet long ol i mas go long fran na lukim gut buai na baim. Taim PMV i kam longwe yet na i no stop gut yet bai yu lukim ol lain bilong baim buai i ron bihainim ka.

Mi bin lukim wanpela taim olgeta liklik ka na bas i ronim wanpela PMV bilong ples long Erima i go olgeta long Gerehu. Mi ting wanpela man i dai na ol lain wantok i pulim longpela lain wantaim ka tasol samting tru em ol i ron bihainim ol bek buai i kam long ples na i stap antap long dispela PMV. Taim PMV i kam i go insait long wanpela banis, ol ka i no pilai pilai long bung arere long dispela haus. Em i stret ol manmeri i laik baim buai bikos dispela buai tasol bai sevim ol manmeri bilong taun.

nabaut na ol bai giaman holim ol lus tasol. Sapos plis i kam holim ol, em orait i no olgeta buai. Bikos olgeta buai em ol i haitim long baret o aninit long simen o sait bilong flawa gaden nabaut long rot. Tasol planti i no save laki bikos plis i save kamap na kisim buai bilong ol na tromoi nabaut na ol manmeri i save kisim nabaut na kaikai. Fiantu manmeri i save sori bikos ol i ting ol buai lain i no mekim trabel. Ol i sindaun isi tasol na mekim maket bilong ol. Tasol bikpela samting em ol i helpim long mekim planti pipia long ples. Long dispela ol atoriti na plis i laikim ol manmeri i mas salim buai stret long maket ples we atoriti i sanapim insait long siti.

Buai maket long opis

Sampela maket lain i save karim buai bilong ol raun long ol wok ples bai ol wokmanmeri i ken baim buai bilong ol. Sampela taim ol wokman yet i save karim buai smok bilong ol i go long ples wok na salim taim ol wok. Dispela i mekim ol wokman i nogat rot bilong go aut na painim buai long maket bikos wanpela wokman i karim buai i kam salim long ples wok. Sampela taim ol wokman i gat mani i baim na sampela i nogat mani i save kaikai tasol na baim bihain. Tasol sampela kampani i save gat lo long ol wokmanmeri i noken salim buai long ples wok. Olsem na ol i save haitim gut ol buai smok bilong ol long han bek na salim hait tasol na bos i no inap lukim.

Nait maket long rot

I gat sampela maket ples we yu no inap hat wok long painim buai long nait. Maket i save stap long nait tu na ol lain i ron long nait i ken kam stapim ka na baim buai na kaikai. Yu ken lukim long hap olsem Erima we ol maket lain bai laitim kendol na sindaun salim buai long nait. Ol i save olsem long dispela hap em rot i go long ples balus na planti manmeri bai i go long ples balus long nait long kisim ol wantok i kam long balus o i go lusim wantok i go long

Buai i kamapim mani

Buai maket em wanpela maket we ol manmeri i save mekim planti mani long en. Sampela man i kamap bisnis lain pinis long salim buai tasol. Ol lain bilong ples we i save planim buai i gat planti mani pinis long buai bilong ol. Ol i wokim nupela haus, baim PMV ka, wokim tred stua na arapela liklik projek long mani bilong buai tasol. Sampela i baim skul fi, baim televisen, nupela bokis ais, baim nupela klos na ol kago na ol sampela bikpela samting ol famili i laikim.

Yumi save olsem buai i no wanpela samting bai yumi kaikai na bel pulap. Tasol maus i save laikim tru.

Buai i gat sik bilong em olsem maus bai i gat sua na kensa nabaut. Na tu bai yu no inap kaikai gut bikos buai na kambang bai kukim maus bilong yu we i kilim dai wanpela kain rop bilong maus we i save pilim swit bilong kaikai. Olsem na sapos yu kaikai na kaikai i nogat swit long maus.



• Ol manmeri i save baim ol han bilong buai olsem o long bek na i go salim ken long opis o arere long haus bilong ol.

balus long nait taim. Sampela bai i go stretim tiket na kam ausait kisim win na wetim taim bilong balus i ron. Olsem na ol bai i kam long buai maket na kaikai buai na wet i stap.

Long ol blok na kompaun tu em ol nait maket i save stap long ol manmeri i baim buai long nait. Taim i gat bingo na kas gem i stap, buai maket tu i stap wantaim. Bai yu lukim tasol long laim bilong kendol na yu save hariap tru. Taim ol manmeri i bung long wanpela sindaun, yu save olsem buai maket tu i stap.

em yu save olsem dispela pawa bilong maus long pilim swit bilong kaikai i bagarap pinis bikos kambang i kukim.

Buai tu i save bagarapim ples na mekim ples i kamap doti na bagarap olgeta. Dispela em ol sampela samting we i no gutpela long sait bilong kaikai buai. Tasol taim yumi ol manmeri bilong kaikai buai i putim buai long maus na tromoi daka na kambang i go antap, em nau yumi save tok, em samting tru ya. Yumi tok, em nau ai i op na strong bilong mi i kam bek nau.

Japan nevi sip tekova long Mosbi

...Nevi sip i mekim raun bilong pis na wanbel

Neville Choi i raitim

LONG taim bipo, yumi long Papua Niugini i bin stap insait long wanpela bikpela pait ol i kolim Wol Woa 2.

Dispela bikpela pait i bin bagarapim laip bilong planti tumbuna bilong mipela.

Tasol em i no bin pait bilong mipela. Em pait namel long Japan na Amerika. Long dispela taim, ol Japan i bin kam na lukautim hap bilong kantri bilong yumi.

Tasol dispela taim em i bin wanpela taim nogut.

Nau mipela i no pait moa wantaim ol Japan.

Nau em i gutpela taim bilong sindaun na wanbel wantaim ol.

Olsem na long las wik tripela bikpela woa sip bilong Nevi bilong Japan i bin kam sua long Pot Mosbi.

Ol dispela tripela sip em bilong Japan long go pait long woa.

Tasol dispela raun bilong ol nau em i wanpela raun long pis na wanbel.

Difens Ejensi bilong Japan i salim ol dispela sip bilong ol we i stap long Trening

Skwadron bilong ol i go raun long olgeta Pasifik kantri i stat long Epril i go nap Septemba 2003.

Dispela raun bilong ol em blong trenim ol nupela opisa na strongim gutpela sindaun wantaim ol kantri long Pasifik.

Dispela Trening Skwadron i stap aninit long lukaut bilong Rear Admiral Masahiko Sugimoto na i gat tripela sip olgeta insait long en.

Nambawan em *Kashima* we em i wanpela trening sip, *Hamayuki* we em i wanpela distroya na *Sawagiri* em i narapela distroya.

Long olgeta ol dispela tripela sip i gat 760 opisa na kru na 177 ol nupela Nevi opisa husat i kamaut long Opisa Kendidet Skul long Mas long dispela yia.

Dispela trening sip em bai ol nupela opisa long mekim trening bilong ol taim ol i go raun lukim ol narapela kantri.

Ol Nevi bilong Japan soim pasin bilong welkam

Long las wik Fraide, Admiral Sugimoto i mekim wanpela pati bilong ol bikman antap long dispela bikpela sip *Kashima*.

Admiral Sugimoto i givim bikpela welkam

i go long ol manmeri husat i kam na em i soim gutpela pasin bilong ol lain Japan we ol i amamas long kaikai na dring long ol manmeri husat i go long pati.

Taim Admiral Sugimoto i laik tok welkam long ol manmeri i stap, em i askim Komanda bilong Papua Niugini Difens Fos, Komanda Peter Ilau long helpim em long brukim wanpela palang dram we i gat wanpela kain wain bilong ol Japan we ol i mekim long rais.

Dispela rais wain ol Japan i kolim Sake.

Long pasin kastam bilong ol Japan, taim yu hamamas na givim welkam long ol poroman bilong yu, yu mas brukim wanpela dram sake bai ol i dring na hamamas.

Ol i kukim ol naispela kaikai bilong Japan tu long dispela nait.

Bihain long ol i lusim Pot Mosbi, ol sip ya bai i go long Irian Jaya long Indonesia na bihain i go long ol narapela kantri long Pasifik.

Em i tru olsem Japan i bin pait long Wol Woa wantaim Amerika na Australia. Tasol nau mipela i gat gutpela sindaun wantaim ol na mipela inap long serim planti samting bilong mipela wantaim ol tu.




• Ria Admiral Masahiko Sugimoto - man husat i go pas long dispela Ovasis Trening tim.



• PNGDF Komanda Peter Ilau long lephan, Admiral Sugimoto na Embeseda bilong Japan i apim ol kap Sake bihain long ol i brukim dram Sake. Foto: Joe Ivahara

• Long raitan em mep bilong Japan Nevi bai raun long dispela Ovasis Trening Krus.



• Ol Trening Nevi Sip i bin kam anka long wof bilong mipela long Mosbi. Ol i lusim PNG long Julai 14, 2003 na bai ol i go long Indonesia. Bikpela sip long fran em TV KASHIMA 3508 na ol liklik sip i bihainim em DD HAMAYUKI 126 na DD SAWAGIRI 157.

VOLUNTERI REJISTRESEN LONG KASTOM GRAUN

1. Lo long volunteri rejistresen long kastom graun i no bilong pusim ol pipel long rejistaim graun bilong ol.

Ol papagraun yet i ken soim laik bilong ol yet long rejistaim graun bilong ol. Sapos ol papagraun i laik rejista o i no laik rejistaim graun em laik bilong ol tasol. Rejistaim graun em bikos long mekim wok bisnis. Dispela em long givim ol gutpela sans long kisim lon o dinau long benk long mekim bisnis o long banism gut graun bilong ol long mekim sampela kastom wok bilong ol long graun bilong ol, o banisim baundri o kamapim luksave we arapela i noken tok kros long graun bilong ol long bihain taim.

2. Rejistresen em wanem?

Dispela nem rejistresen em sampela i kisim tingting krangi we ol i tok bai rausim graun bilong ol pipel long han bilong ol.

Rejistaim graun i sut long rekodim tru papagraun, rekodim baundri na rait bilong ol long yusim graun bilong ol long painim abus, gaden, pulim pis rait long wokabout long graun bilong ol stret na arapela moa. Disela bai soim klia tu long ol arapela husat i no papagraun long i noken mekim samting long graun bilong narapela lain we rejistresen bai soim klia. Rejistresen i no inap rausim graun long ol papagraun.

Wanpela grup ol i kolim ol yet **ACLS** i tok **Nogat long Rejistaim Graun**. Long namba wan hap bilong rejistresen i tok, **Aninit long lo we i stap pinis, kastom graun i ken oraitim ol bisnis wok long kamap aninit long Land Tenure Conversion Act (LTC Act) na aninit long Lis-lis bek**. Ating **ACLS** i no klia long luksave long mekim graun i kamap redi long developmen aninit long **LTC Act** olsem na ol i tok **YES** long len rejistresen. Seksen 11 bilong Lo i tokaut long Rejistresen bilong Taitel long rejista aninit long Rejistaim husat i papagraun. Olsem na dispela i no stret long tok Nogat long Len Rejistresen na sem taim tok **YES** aninit long **LTC Act**.

3. Husat inap rejistaim graun aninit long Land Tenure Conversion Act (LTC Act) na aninit long toktok bilong Volunteri Rejistresen bilong Kastom Graun?

LTC Act

LTC Act i bin kamap long 1963. Dispela Lo i sut long wanwan i papa long graun we ol i ken mekim developmen wok long graun. Mak olsem 6-pela lain tasol i ken rejistaim kastom graun long nem bilong ol yet wanwan. Wanpela man tasol bai rejista long graun na taim em i mekim olsem em i kisim graun i go long-we long han bilong ol pipel bilong ples. Inap 1978 senis i kamap long dispela Lo we i tok ol bisnis grup i ken rejista o **Inkoporet Len Grup** i ken rejistaim graun bilong ol we ol i kolim **ILG**. Bihain bai mi tokaut moa long tupela sait bilong rejistaim graun aninit long niupela Lo i laik kamap na olpela Lo, **LTC Act**

Hevi we ol bisnis grup o len grup bai bungim long rejistaim graun aninit long **LTC Act** em olsem kastom graun i bilong klen o pipel bilong dispela ples. Na planti taim wanpela klen o insait long ples yet i save gat moa long tupela o tripela bisnis grup o len grup. Olsem na sapos wanpela bisnis grup o len grup insait long dispela klen i rejista, bai ol i sanap olsem grup i papa long graun bilong klen. Dispela kain rejistresen bai haitim ol klen memba husat i no memba bilong dispela bisnis grup o len grup na ol bai i no sanap ples klia olsem papa bilong dispela graun.

Lo i laik kamap.

Aninit long nupela Lo i laik kamap, nogat wanpela man bai rejistaim kastom graun bilong olgeta pipel. Klen tasol o ples o famili grup tasol i ken rejistaim graun bilong ol. Kastom bilong yumi tu i sanap klia olsem graun i no bilong wanpela man tasol graun i bilong klen o olgeta pipel bilong ples o ol kastom grup. Inap gavman (**Len Taitol Komisn o Kot long riviu**) i luksave gut tru long klen na ol pipel bilong ples pastaim orait ol i ken go insait long rejistaim graun bilong ol. Ol bai rejista aninit long Land Group Incorporation Act na bihain bai ol i kisim kastomari len taitol.

Olgeta volunteri rejistresen bilong kastom graun bai klen tasol o ol pipel bilong ples yet na ol kastom grup yet bai mekim. Na i no wanwan lain o o wanem kain len grup i stap o bisnis grup. Ol wanwan **ILG** long dispela klen yet bai i no inap rejista olsem papa bilong dispela hap graun.

4. Nem Rejistresen em wanem aninit long Land Tenure Conversion Act na aninit long Lo i laik kamap?

Aninit long LTC Act.

Taim kastom graun i rejista aninit long **LTC Act**, graun bai i no inap kastom graun moa. Dispela i min olsem olgeta rait bilong ol ples lain long mekim gaden, painim abus, pulim pis na arapela rait moa bai pinis. Dispela i min olsem ol memba husat i nogat nem wantaim ol dispela len grup o bisnis grup we i rejista aninit long **LTC Act** bai i nogat rait long graun bilong ol. Graun i kamap olsem samting bilong sampela lain. Long taim bilong rejistresen, bai ol lain i rejista bai kisim Frihol Taitol pepa long soim taitol ol i holim long dispela rejista bilong ol.

Aninit long Lo i laik kamap.

Aninit long Lo i laik kamap rejistresen bai narakain. Graun bai i stap yet olsem kastom graun. Graun i mas stap yet long han bilong klen, ol pipel bilong ples o ol kastom grup husat i papa long graun bihainim pasin kastom na pasin tumbuna na i no stap long han bilong wanpela grup insait long klen o ples. Olgeta rait bilong pasin kastom bai i stap yet. Taim ol i kamap rejista bai ol i kisim Kastomeri Len Taitol pepa.

5. Inap wanwan klen memba i kamapim bisnis antap long Rejista Kastomeri Graun?

Yes. Sapos em i wanpela liklik bisnis bai klen grup i no inap stopim. Sapos em i wanpela bikpela projek olsem agrikalisa o haus kontrak we sampela klen memba i laik kamapim, ol inap kisim kastomeri lis agrimen wantaim klen bilong ol. Dispela grup i mas peim graun rent i go bek long klen. (rent i no bilong gavman)

Dispela nupela lo i no inap senisim **LTC Act** bikos planti taitol i bin go pinis aninit long dispela Lo.

6. Aninit long LTC Act bai Benk i kamap papa long graun?

Yes, aninit long **LTC** bai benk i kisim graun bilong yu olsem sekyuriti taim yu no bekim dinau bilong benk.

Aninit long Nupela Lo i laik kamap

Aninit long nupela Lo i laik kamap benk i no inap kamap papa long graun bilong yu. Benk inap kisim tasol ol samting bilong bisnis o kisim bisnis long yu na kisim sampela ausait lain husat i gat save long ronim

bisnis. Long kisim graun em i no wanpela samting papagraun na benk bai toktok long en long taim bilong pasim toktok. Bikos graun i mas stap long han bilong ol pipel o papagraun olgeta taim. Astingting bihainim dispela em olsem mipela i no ken kamapim sosaiti we ol pipel bai nogat graun bikos ol i givim graun long kisim mani bilong helpim ol.

7. Aninit long LTC Act, bai yumi inap salim graun o givim graun long arapela lain? Yes, graun i ken stap long salim o givim long arapela lain- (seksen 26 na 26A)

Aninit long Lo i laik kamap, i nogat toktok bilong salim ol kastom graun i stap.

Yumi save givim graun long arapela bihainim kastom pasin tasol. Long pasin kastom, yumi i no inap givim graun long wanpela waitman o ol lain bilong narapela kantri o provins. Insait long kastom tu, wanpela Sepik i no inap givim graun bilong em long wanpela Papua. Kain pasin bilong givim graun i save kamap tasol namel long ol famili bilong narapela klen o ples. Olsem na kastom pasin tasol i save kamapim ol kain samting olsem.

Insait long Lo i laik kamap, gavman tasol i ken baim graun long kamapim sevis bilong kantri olsem rot, bris, wokim skul, haus sik na ol arapela sevis na developmen. Gavman i mas baim kompensesen long yusim graun. Yumi mas save olsem Nesenel Gavman i gat planti pawa anit long Lands Acquisition (Developmen Wok) Act long baim ol kastom graun long wokim ol sevis na developmen i go long ol pipel. Lo i laik kamap i no inap senisim dispela.

8. Inap ol pipel i salensim disisen bilong Len Taitol Komisn?

Yes. Bihainim Len Taitols Komisn Act (lo) na aninit long Lo i laik kamap ol pipel i ken salensim disisen bilong Len Taitol Komisn bihainim judisol riviu. Nesenel na Suprim Kot i gat pawa long glasim gen disisen bilong ol liklik Kot o traibunel wantaim disisen bilong Len Taitol Komisn. Olsem na sapos **ACLS** i tok taim graun i rejista long nem bilong wanpela len grup bai i nogat salens long husat i kisim graun. Na dispela i rong tru long ai bilong Lo. Na tu taim em i tok Len Taitol Komisn bai kisim bikpela pawa long tokaut long husat i papa bilong kastom graun, dispela tu i rong bikos long wankain as olsem antap.

9. Bai Lo i pusim ol pipel long rejistaim graun?

NOGAT. Rejistaim kastom graun aninit long nupela Lo i laik kamap em laik bilong ol pipel tasol. I nogat as long rejistaim graun sapos ol pipel i no laikim. Na tu klen i noken rejistaim olgeta graun bilong em. Rejistaim hap graun tasol we i gat wok i laik kamap long en. Dispela toktok i bin sanap wankain yet long 1995 taim dispela toktok bilong rejistaim graun i bin kamap.

Olsem na taim **ACLS** i tok ol konsalten i save toktok long ol pipel i mas rejistaim graun - dispela em pasin bilong pusim ol pipel long rejistaim graun bilong ol. Dispela i no stret. Dispela hap toktok i no stret tru bihainim astingting tru bilong volunteri rejistresen long ol kastom graun.

10. Bai i gat takis long ol Kastom Graun?

NOGAT. I nogat len takis i stap insait long toktok bilong kamapim dispela Lo bilong rejistaim graun.

ACLS i tok ol konsalten i bin tokaut long kamapim takis long graun long pusim ol pipel long rejistaim graun bilong ol. Dispela hap toktok em i no tru na i no stret olgeta. Toktok bilong takis i no stap insait long dispela toktok bilong kamapim len rejistresen.

11. Ol wok i kamap pinis kamapim dispela Lo.

I nogat wok hariap bilong pusim dispela Lo i go hariap long Palamen. Planti pipel insait long ol ples i mas autim tingting bilong ol pastaim. Mi bin sindaun toktok wantaim planti pipel bilong ples na wokabout i go long planti hap na bung wantaim ol pipel pinis. Sampela ples em mi ron long moto na arapela em mi ron long ka. Planti hap ples i longwe na hat tumas we helikopta tasol i ken go. Planti pipel bai i gat taim long toktok na autim tingting bilong ol long dispela Lo i laik kamap.

Mi save olsem **ACLS** i no laikim bai arapela lain i kamap papa long graun bilong ol pipel. Ol i laikim ol papagraun yet i mas papa long graun bilong ol. Tasol Lo we ol i tok bai lukautim na banisim gut graun bilong ol pipel em **LTC Act**. Dispela Lo i no stret.

Dispela Lo i laik kamap long Volunteri Rejistresen bilong ol Kastom Graun i sut long graun bai i stap yet long han bilong ol pipel tasol sapos ol i laik go insait long sampela wok bisnis long dispela taim we ol pipel i mas gat mani long stretim sindaun na baim ol samting ol i gat hevi long en. Bikpela samting em ol i no inap lusim graun bilong ol. Ol bai papa yet long graun bilong ol.

Hap toktok we i tok olsem kastomeri graun i save stopim bisnis developmen long kamap em i tru long lukluk bilong mi. Tasol rejistresen bilong kastomeri graun aninit long **Land Tenure Conversion Act** we **ACLS** i sanap long en i no rot bilong bihainim. Mi no bilip long kamapim sosaiti we ol pipel bai i nogat graun. Lo i laik kamap i sut long holim bek kastomeri taitol insait long klen, ples na ol kastom grup tasol **Land Tenure Conversion Act** i sut long planti klen memba i lusim kastomeri taitol bilong ol long hap graun bilong ol.

YUMI KEN KISIM KANTRI BILONG YUMI I GO HET NA OL PIKININI LONG BIHAIN TAIM BAI I HOLIM YET KASTOM GRAUN BILONG OL.

Loani R. Henaos
HENAOS LAWYERS
6th Floor, Mogoru Moto Building
Champion Parade, Port Moresby,
P.O. Box 1659, Port Moresby
National Capital District
Papua New Guinea

Telephone: (675) 320 1500
Facsimile: (675) 320 1551
Email: info@henaos.com.pg
www.henaos.com.pg

PNG musik i bin kamap long we?

Neville Choi i raitim

TAIM yumi save harim musik na singsing bilong ol biknem musik atis bilong yumi olsem Straky o nek bilong Shydeez i pairap, yumi no save givim sans long dens plo.

Musik bilong Papua Niugini em stail bilong yumi yet. Tasol yu save askim ol poroman sapos ol i save long stori bilong musik bilong mipela?

I tru olsem long taim bilong ol tumbuna bilong yumi, ol singsing bilong mipela i stap.

Tude, ol musik atis bilong PNG i wok long kamap wantaim ol nupela stail bilong pilai na singsing long tok ples bilong mipela.

Tasol olsem wanem stret na musik mipela save harim tude i bin kamap?

Wantok Niuspepa bai traim na bekim long ol kain askim olsem.

Taim man i bin kamap long dispela graun long Papua Niugini, em i bin gat ol singsing bilong em. Ol dispela singsing em yet i tingim na kamapim. I nogat wanpela musik bilong ol lain husat i stap long narapela ples i stap long senisim ol singsing tumbuna bilong yumi.

Tasol taim ol tumbuna bilong yumi i bin stap long bikbus yet, i bin gat planti samting we i bin kamap we i senisim musik bilong PNG.

Wanpela bikpela samting we i bin kamap em ol misineri bilong ol kainkain SIO i bin kam sua long PNG na ol i bin karim ol singsing lotu bilong ol i kam wantaim ol.

Ol dispela ol misineri i bin karim gutnius bilong God papa i kam long kantri bilong yumi na ol i bin lainim mipela long Kristen pasin na ol singsing lotu bilong ol.

Taim ol tumbuna bilong mipela i bin tanim bel na bihain lotu bilong ol sios, ol i yusim ol musik bilong lotu long singsing long wanwan tokples bilong mipela.

Ol saintis bilong musik long PNG o ol saveman husat i save glasim musik bilong PNG i painimaut olsem long 1872, ol misineri i kisim wanpela kain singsing lotu na dens bilong ol Polynesia o narapela lain Pasifik ol i kolim long eperoveta anediai ol ol singsing profet.

Nambawan kwaia bilong PNG i kamap

Long stat bilong 1930 nambawan PNG kwaia i bin kamap. Dispela kwaia ol i kolim Poreporena Kwaia, Dispela i bin nambawan taim.

Bihain ol piksa muvi i bin stat insait long ol tauri. Ol kauboi muvi tu wantaim musik bilong ol i senisim liklik stail bilong paitim gita long dispela taim.

Wol Woa 2

Long taim bilong Wol Woa



O-shen wantaim Potts na ol narapela PNG atis i wok long strong PNG musik.

2 long 1942-45 i bin gat planti musik bilong long paitim na taim bilong woa we ol pipel i bin singsing long tokples bilong ol yet.

Ol i bin lainim ol kainkain singsing bilong ol Siapan tu.

Long dispela taim Amerika i bin kam wantaim ol Australia ami na paif wantaim ol Siapan, ol i bin karim planti gita i kam long PNG long dispela taim. Gita em i bin nambawan samting long paitim musik bilong autsait long kantri we ol pipel i lainim na yusim long olgeta singsing tumbuna bilong ol.

Bihain long Wol Woa 2 i pinis, ol gita na kulele i bin kamap bikpela tru.

Man Tolai kamap fes man long raitim singsing lotu long tokples

Long 1949, wanpela man Tolai bilong Is Nu Briten i kamap nambawan man Papua Niugini long raitim ol singsing lotu long tokples bilong em Kuanua. Nem bilong dispela man em Blasius To Una. Em i raitim 4-pela singsing lotu olgeta.

Long dispela taim ol singsing tumbuna i wok long kamap bikpela na ol waitman i save laik harim stret.

Long yia 1950 Australian Brokasting Komisn i salim ol opisa bilong ol i go long ol wanwan liklik viles long rekodim ol singsing tumbuna long redio.

Ol skul kwaia long dispela taim i save singsing ol lotu singsing na ol tumbuna singsing wantaim.

1953 i lukim nambawan Pot Mosbi So i kamap. Dispela so i givim sans long ol ples lain long soim ol stail tumbuna singsing bilong ol we i bin gat nambawan tumbuna singsing resis.

Ol stringben i bin stat long dispela taim tu na i bin kamap bikpela long Manus ailan. Ol dispela stringben i bin stap long fes rekoding long stringben insait long kantri.

Long 1957, Goroka i bihainim Pot Mosbi na statim Goroka So. Em nau ol kain pasin bilong tumbuna singsing resis i kamap strong long ol dispela so.

Long 1960s, ol stringben i bikpela long Nu Ailan na Is Nu Briten. Taim dispela i kamap, Is Nu Briten i stat long kamap wantaim ol nupela stail stringben musik.

1962 em bin via we planti yangpela hapkas manki i bin statim ol pawa ben na ol i save pilaim ol kain 'rok en rol' musik bilong ol waitman.

Ol namba wan pawa ben bilong PNG

Long 1967 tupela biknem ben bilong PNG yet i bin stat. Dispela tupela ben em Gwadus na ol Freebeats.

Bihain long 1968 ol Kopy Kats i statim ben bilong ol.

Ol narapela ben we i bin stat long dispela taim em ol Stalemates, larowari Drifters na ol Paramana Strangers.

Institut ov PNG Stadis

Dispela institut em i save rekodim na raitim stori bilong musik bilong Papua Niugini. Em bin stat long 1974.

Bihain long dispela i bin stat, ol i bin statim nupela skul bilong lainim musik nabaut.

Nem bilong dispela skul em Nesene! Ats Skul.

Lbng 1975 Institut ov PNG Stadis i stat long rekodim ol musik bilong PNG.

Dispela Nesene! Ats Skul i bin statim wanpela ben tu. Nem bilong ol Sanguma.

Black Brothers senisim PNG musik tu

Wanpela ben long West Irian long Indonesia i bin kamap long PNG long 1970s. Dispela ben i bin senisim liklik musik bilong ol narapela ben long dispela taim. Musik ol i save pilai em i gat sampela stail bilong reggae i stap insait long en na ol narapela ben bilong PNG i kisim dispela stail na yusim insait long ol singsing bilong ol tu.

Long 1980, PNG i bin

lukaut long Saut Pasifik Festival ov Ats. Dispela i bin givim sans bilong PNG long soim ol danis na singsing bilong mipela i go long ol wansolwara bilong mipela long Pasifik.

PNG Top Twenty i stat

Stat long 1982, i bin gat planti senis long PNG musik. Long dispela taim Nesene! Brokasting Komisn (NBC) i bin statim FM redio sevis bilong ol we ol i save pilaim ol musik bilong ovasis na sampela wanwan musik bilong PNG.

Dispela musik redio so ol i kolim PNG Top Twenty i bin stat. Em i save glasim ol stail bilong ol musik bilong ol PNG ben yet. Tasol dispela redio program i no bin stap long taim.

NBC i bin gat bikpela tambu long pilaim ol lokal musik we ol i no rekod wantaim NBC.

Pacific Gold na Chin H Meen

Pacific Gold studios i bin stat long 1984 long Rabaul long Is Nu Briten na ol i yusim wanpela 24-trek studio aninit long lukaut bilong Greg Seeto.

Long wanwan taim tu Chin-H-Meen Studios i kamapim stail bilong ol long kisim musik bilong ol ovasis musik atis na tanim ol singsing i go long tok pisin.

Long 1986, NBC i givim tok orait long pilaim olgeta narapela lokal musik na ol i statim Sounds of the Nation na Chin-H-Meen Supersound.

Nau mipela i gat planti kainkain studio na ol kainkain stail bilong musik i kam long ol atis bilong PNG yet.

Sampela atis olsem O-shen na Patti 'Potts' Doi i soim pinis stail bilong musik bilong ol long ol narapela kantri long Pasifik, na PNG musik i wok long mekim nem bilong em nau.

NATIONAL WEEKLY HIT PARADE

Julai 5, 2003
Sponsa: Twisties

Song	Artist	Last Week	This Week
Yatu	Bahakis Slabs	1	1
Iarowari Flower	Banex	2	2
Toku Tiare	Sharzy	3	3
Aiwara	Shydeez	4	4
Ailan	Hausboi	11	5
Gol Kiri	Augustine Emil	5	6
Lewa A.B	Manny	6	7
Sirisi Wai	Amon Serum	16	8
Sweet Home Boug.	Crew 5	9	9*
Kis Kis	Lawrence Martin	15	10
Mapai Ouke	Original Sirois	14	11
Wrong Lewa	Jr Kopex	10	12
Haus Mangi	Manny	12	13
Rema	M-Pairap	8	14
Mangi Bahakis	Bahakis Slabs	18	15
Senis Market	Kanakas	7	16
Ples Blong Mi	Qwadiks	13	17
Acting Aroma	K-Mala	17	18
Sore Na Karai	Crew 5	19	19
Alice	MAM	20	20

The Weekly Hit Parade is provided by PNG FM.



EM TV

Fonde 17/07/2003

5.30	JOYCE MEYER MINISTRY
6.00	NINE'S EARLY MORNING NEWS
7.00	TODAY SHOW
9.00	MALOLO CLUB
11.00	CREFFLO DOLLAR
11.30	***EMTV CLASSIFIEDS***
2.30	SESAME STREET
3.30	FLINTSTONES
4.00	BUSHBEAT
4.30	DOWNLOAD
4.47	EMTV TOKSAVE
5.00	BURGO'S CATCH PHRASE
5.29	NEWS BREAK
5.30	HAPPY DAYS
6.00	NATIONAL EMTV NEWS
6.30	A CURRENT AFFAIR
6.59	NEWS UPDATE IN TOK PISIN
7.00	LOTTO DRAW
7.01	CHM SUPERSOUND
8.00	TOK PIKSA
8.27	EMTV TOKSAVE
8.30	SPORTS SCENE
9.30	NRL FOOTY SHOW
11.00	NIGHTLINE
11.30	2003 BRITISH OPEN GOLF CHAMPIONSHIP
4.00	EMTV CLASSIFIEDS

Fraide 18/07/2003

5.30	JOYCE MEYER MINISTRY
6.00	NINE'S EARLY MORNING NEWS
7.00	TODAY SHOW
9.00	MALOLO CLUB
11.00	CREFFLO DOLLAR
2.30	SESAME STREET
3.30	FLINTSTONES
4.00	WONDER WORLD
4.30	DOWNLOAD
4.57	EMTV TOKSAVE
5.00	CATCH PHRASE
5.29	NEWS BREAK
5.30	HAPPY DAYS
6.00	NATIONAL EMTV NEWS
6.30	A CURRENT AFFAIR
7.01	BACKYARD BLITZ
7.30	FEAR FACTOR
8.27	EMTV TOKSAVE
8.30	FRIDAY NIGHT FOOTBALL
11.00	AFL
2.00	2003 BRITISH OPEN GOLF CHAMPIONSHIP

Sarere 19/07/2003

7.00	CARTOON
8.00	PLANET FANTA
9.30	PINKY AND THE BRAIN
10.00	PIG'S BREAKFAST
10.30	CHALLENGER
11.00	GOODSPORTS
11.30	BURKE'S BACKYARD
12.00	EMTV SPORTS
11.00	AFL
2.00	2003 BRITISH OPEN GOLF CHAMPIONSHIP

Sande 20/07/2003

6.27	EMTV TOKSAVE
6.30	TIN HALL MINISTRY
7.00	THE TEACHING MINISTRY OF CHARLES STANLEY: IN TOUCH
7.30	IT IS WRITTEN
8.00	BUSINESS SUNDAY
9.00	SUNDAY
11.00	SIGN OF THE TIMES
12.00	BOOTS 'N' ALL
1.00	AFL Goalong v Western Bulldogs
4.00	NRL SUNDAY FOOTBALL: Manly v Warringah Sea Eagles v Sydney Roosters
6.00	NATIONAL EMTV NEWS
6.30	TOUCHED BY AN ANGEL
7.30	60 MINUTES
8.30	SUNDAY NIGHT MOVIE: THE FIRST WIVES CLUB

Sande 20/07/2003

6.00	NATIONAL EMTV NEWS
6.30	TOUCHED BY AN ANGEL
7.30	60 MINUTES
8.30	SUNDAY NIGHT MOVIE: THE FIRST WIVES CLUB

cessful, so they cleverly plan to hurt their execs-in their pockets. Justice is sweet and fun with plenty of great onliners and physical gags. Stars Bette Midler, Goldie Hawn, Diane Keaton, Maggie Smith.

Mande 21/07/2003

5.30	JOYCE MEYER MINISTRY
6.00	NINE'S EARLY MORNING NEWS
7.00	TODAY SHOW
9.00	CREFFLO DOLLAR
10.20	GRADE 7 SCIENCE
11.10	GRADE 7 SOCIAL SCIENCE
11.50	EMTV CLASSIFIEDS
12.00	GRADE 11 MATH A
12.40	GRADE 11 GEOGRAPHY
1.30	EMTV CLASSIFIEDS
2.30	SESAME STREET
3.30	BEEBLE JUICE
4.00	WONDER WORLD
4.30	DOWNLOAD
4.57	EMTV TOKSAVE
5.00	2003 FINA WORLD SWIMMING CHAMPIONSHIP DAY 2 HIGH LIGHTS
5.30	HAPPY DAYS
6.00	NATIONAL EMTV NEWS
6.30	A CURRENT AFFAIR
6.59	NEWS UPDATE
7.00	LOTTO DRAW
7.01	PRASE
8.00	INSAIT PNG
8.35	SOUL CITY
8.57	EMTV TOKSAVE
9.00	MCLEOD'S DAUGHTERS
10.00	KING OF QUEENS
10.30	EMTV NEWS REPLAY
11.00	2003 BRITISH GOLF CHAMPIONSHIP
2.00	EMTV CLASSIFIEDS

Tunde 22/07/2003

5.30	JOYCE MEYER MINISTRY
6.00	NINE'S EARLY MORNING NEWS
7.00	TODAY SHOW
9.00	CREFFLO DOLLAR
9.30	***EMTV CLASSIFIEDS***
10.20	GRADE 7 SCIENCE
11.10	GRADE 7 SOCIAL SCIENCE
11.50	***EMTV CLASSIFIEDS***
12.00	GRADE 11 MATH A
12.40	GRADE 11 GEOGRAPHY
1.30	***EMTV CLASSIFIEDS***
2.30	SESAME STREET
3.30	BEEBLE JUICE
4.00	GOOD SPORTS
4.30	DOWNLOAD
4.47	EMTV TOKSAVE
5.00	2003 FINA WORLD SWIMMING CHAMPIONSHIP DAY 2 HIGH LIGHTS
5.30	HAPPY DAYS
6.00	NATIONAL EMTV NEWS
6.30	A CURRENT AFFAIRS
6.59	NEWS UPDATE
6.59	LOTTO DRAW
7.00	HAUS AND HOME
8.00	REPORT
8.27	EMTV TOKSAVE
8.30	PETER BENCHLEY'S AMAZON STINGS
9.30	EMTV NEWS REPLAY
10.30	FARSCAPE
11.00	NIGHTLINE
12.30	EMTV CLASSIFIEDS

Trinde 23/07/2003

5.30	JOYCE MEYER MINISTRY
6.00	NINE'S EARLY MORNING NEWS
7.00	TODAY SHOW
9.00	CREFFLO DOLLAR
9.30	REMEMBRANCE DAY SPECIAL
11.00	DOCUMENTARY SPECIAL: CON QUEST OF MOUNT EVEREST
11.00	MOVIE MATINEE: THE FIVE PENNIES
11.00	FRANCESCO'S FRIEND WORLD
2.00	SESAME STREET
2.30	FLINTSTONES
4.00	WONDER WORLD
4.30	DOWNLOAD
4.47	EMTV TOKSAVE
5.00	2003 FINA WORLD SWIMMING CHAMPIONSHIP HIGHLIGHTS
6.00	NATIONAL EMTV NEWS
6.30	A CURRENT AFFAIR
6.59	NEWS UPDATE IN TOK PISIN
7.00	LOTTO DRAW
7.01	IN FOCUS
7.30	SMALLVILLE
8.27	EMTV TOKSAVE
8.30	WEDNESDAY NIGHT MOVIE: POLICY ACADEMY
10.30	EMTV NEWS REPLAY
11.00	SOUTH PACIFIC MUSIC
12.00	NIGHTLINE
12.30	EMTV CLASSIFIEDS



Nem: Kingsley Tom
 Krismas: 18 (man)
 Adres: Telefomin High School, PO Box 61, Vanimo, Sandaun Province
 Save laikim: Tok pilai, pilai ol spot olsem volibol, ragbi, soka na waswas long solwara, harim ol kokol musik long redio na TV.

Nem: Amos Pando
 Krismas: 16 (man)
 Adres: Kusbau Primary School, PO Box 741, Madang
 Save laikim: Go lotu, rait long pren-pren, harim musik, go danis na pilai soka.

Nem: Jacob Bagarapman,
 Krismas: 15 (man)
 Adres: Kusbau Primary School, PO Box 741, Madang
 Save laikim: Go lotu, pilai soka, basketbol, volibol, go lukluk raun long arapela ples, na raitim pas, harim musik, salim potos long ol pren.

Nem: Julieth Gobout
 Krismas: 16 (meri)
 Adres: Yarapos High School, PO Box 580, Wewak, ESP
 Save laikim: Pilai ol spot, pilai gata, raitim pas na harim musik.

Nem: Josie Kikoli
 Krismas: 16 (meri)
 Adres: Mercy High School Yarapos, PO Box 580, Wewak, ESP
 Save laikim: Go danis, harim musik, pilai basketbol na soka, mitim ol pren na lukim ol narapela ples.

Nem: Wendy Wasori
 Krismas: 16 (man)
 Adres: Mercy High School Yarapos, PO Box 580, Wewak, ESP
 Save laikim: Harim musik, pilai basketbol na netbol, mekim fani na lap na mekim penpren.

Nem: Athens Wilson
 Krismas: 19 (man)
 Adres: Kapiura Plantation, Kautu (2) P.O Box 451, Kimbe, WNBK
 Save laikim: Pilai spots, harim Gospel musik, Gutpela dresing, haus i gat gutpela bilas, raitim tumbuna stori na rait i go na i kam long ol pren bilong narapela provins.

Nem: Daily Paul
 Krismas: 18 (meri)
 Adres: Bishop Wade Secondary School, P O Box 220, Buka, Bougainville Island.
 Save laikim: Pilai volibol, Lukim TV, raitim ol pas, senisim presen wantaim ol poroman, na go lotu long taim bilong Sabat.

Nem: Sairin K Posamui
 Krismas: 18 (man)
 Adres: P O Box 6491, Boroko, NCD
 Save laikim: Wokim penpren wantaim ol yngpela manmeri, senisim poto, lukim ol gem olsem volibal, ragbi na basketbal.

Nem: Metas Pullu
 Krismas: 16 (man)
 Adres: P.O.Box 6491, Boroko
 Save laikim: Wokim penpren wantaim ol manmeri bilong narapela provins, salim presen i go i kam, senisim poto, go loyu long wiken n lukim ol gem olsem volibal, basketbal na ragbi.

Dok helpim man



LONG bipo tru, wanpela meri, wanpela boi na wanpela dok i stap arere long maunten.

Man bilong dispela lapun meri i dai pinis. Boi tu em papamama

bilong em i dai pinis. Tupela i save stap long wanpela haus na wok wantaim. Dispela dok i save go kamap long haus bilong tupela na tupela i save givim kaikai long en na lukautim em gut. Olgeta taim, tripela i save wokim gut long wanpela arapela. Taim ol i laik wokim nupela gaden samting, ol i save stat long moning taim tru na kam bek long haus long apinun tru. Ples we ol i stap long en i bus tru. I no gutpela ples bilong planim kaikai tu. Dispela ples i gat planti ston na bus tru. Sapos yu wokabaut long dispela ples, bai yu lus olgeta. Dispela dok ya em i kiewa tru. Em i save wokabaut gut oltaim long rot.

Wanpela taim ol i go long gaden

bilong ol long kamautim taro. Moning yet na ol i wok long kamautim ol taro na i go inap apinun, em i laik ren. Ol i bungim olgeta taro na ol i go long wanpela hap bilong sindaun na ol i no painim wanpela haus tru.

Klostu taim em i laik stat long ren, ol i kamap aninit long wanpela traipela ston i stap klostu long gaden. Em i wok long tudak na ol i wari olsem ol bai go long haus olsem wanem? Ol i wok long toktok i stap yet na taim ol i ting mipela i lusim haus na mipela i kam, tasol husaf bai i go long haus na lukim ol pik. Nau i tudak tru pinis na ol i no lukim wanpela ples, nogat ru.

Dispela dok i toktok olsem man na i tok, "Mi lukim haus na ol pik

pinis. Yumi mas i go long haus. Tasol bai yumi go olsem wanem? Tupela i toktok na dok i tokim ol, "lapun mama, holim tel bilong mi na tokim boi long holim han bilong yu. Na dok i tok, yumi go.

Tupela i wok long harim dok tasol na tupela i pret tru. Klostu nau tupela i harim wanpela pik i krai. Oloman, ol i kam pinis long haus bilong ol. Dispela ples em i klostu long Kumdi insait long Westen Hailans provins.

Olsem na nau, yumi save luakutim ol dok gut. Taim yumi lusim wanpela pik samting na ol narapela samting moa, dok i nap long smelim em na i painim kwiktairm tru.

Stori i kam long Hagen, WHP.



Tupela gelpren i mekim boipren paul

Dia Laipain,

Long skul taim bilong mi, mi bin prenim tripela meri. Tupela i stap long narapela hap nau, tasol meri i kam long ples we mi kam long en i save raitim pas i kam long mi na askim long maritim mi.

Long las yia mi bin pren wantaim wanpela meri Hailens. Meri ya i bin go bek long ples bilong en tasol em i laik maritim mi. Narapela pren meri long narapela provins i kam stadi long hia.

Nogat wanpela long ol dispela meri i save long wanem kain tingting mi gat long ol. Tru olsem mi laikim tumas meri Hailens ya mi tingting planti long papamama bilong mi long ples. Bikos mi wanpela tasol, ol i lukluk long mi stadi gut, pinisim skul na painim wok na lukautim ol.

Mi laikim helpim long mekim gutpela tingting namel long meri long provins bilong mi na meri bilong Hailens.

CHOICE MAKER

Dia Pren,

Laipain i save kisim dispela kain hevi yu gat long skelim wanem kain meri bilong maritim.

Mipela i no inap long makim wanem meri yu bai maritim tasol yu yet bai mekim dispela. Bai mipela i traime long givim yu sampela gutpela tingting long helpim yu.

I luk olsem i nogat hevi wantaim tupela meri bikos tupela i no save olsem yu prenim tupela. Olgeta yangpela man i save prenim tupela o moa meri tasol ol i noken slip wantaim ol.

I gutpela long ol yangpela boi i gat moa gelpren (wan kain tu long ol meri i ken gat moa boipren) bikos dispela i givim ol moa sans long wanpela o narapela na mekim laik long maritim wanpela.

Gutpela long i gat planti pren bai isi long makim gut wanpela bikos yu ken luksave long pasin na save long toktok wantaim wan wan bilong ol.

Tingim, disisen bilong makim

wanpela meri long maritim em i bikpela disisen bai yu mekim long laip bilong yu. Em i bikpela samting long yu mas skelim na makim gut taim yu kila gut long dispela meri we yu laik maritim



em.

Long mekim dispela i kamap, yu mas i gat planti taim. Ol liklik toktok na tingting nabaut yu kamapim i ken kamapim hevi long planti taim i kam bihain.

Wanpela samting tu mipela i kenlim em yu tok sapos yu maritim meri Hailens yu bai i go long-

we long papamama bilong yu na sapos yu maritim meri long ples bai yu stap klostu long papamama bilong yu. Bilong wanem na yu tok olsem? Dispela em kastom bilong yu o nogat? Yu ting yu inap kisim meri Hailens yu ino stap klostu long papamama bilong yu?

Sapos yu pinisim skul yu ting bai yu bai kisim wok long narapela hap hap i longwe long papamama bilong yu o longwe tu long provins bilong mama-papa bilong yu?

Mipela i askim yu long go het na prenim ol meri ya na save gut long ol pastaim bihain long yu mekim disisen long maritim wanpela bilong ol. Sapos yu lusim tingting long dispela pastaim na go het wantaim prenail bilong yu wantaim ol bai i gutpela. Sapos yu wantaim pren bilong ol i save gut tru long narapela bai i no hat long yu ken mekim gutpela disisen long marti.

MI LAIPLAIN

TOKSAVE

Salim hevi na wari bilong yu i kam long LAIPLAIN, P.O. Box 6017, BOROKO, NCD. Yu ken ringim mipela long telipon namba 326 0011. Mipela i no inap autim trupela nem bilong yu tasol bai mipela i yusim nem tru na etres bilong yu long salim bekim pas i go long yu.



TOK PILAI WANTAIM KANAGE OLGETA WIK

Kanage emi plisman long Tambul na wanpela taim ol plisman i go long sekim ol prmv na ol ka long Murmur pas sek poin.

Ol i sekim ol ka i go na wanpela Toyota Dyna bilong ples i kam na Kanage tokim draiva long stopim ka na em i laikim laisens na ol samting.

Orait Kanage tokim draiva long putim lait na em sekim lait pinis na em askim gem long signal lait na em i sekim na olgeta lait i wok gut. Orait Kanage askim draiva long putim long brek lait.

Taim draiva putim long brek lait, Kanage go long fran bilong ka na lukluk i stap na em i no lukim wanpela lait bilong brek lait. Olsem na em singatu long draiva, hei draiva, olsem wanem na brek lait bilong yu i no on.

Na boskru i bikmaus i go bek long Kanage, yu wok plisman longpela taim nating na save bilong yu i drai pinis. Brek lait i stap long beksait ya, yu okei yu smok mariwana na kru bilong yu i paul pinis o?.

Olgeta manmeri antap long ka i lap i dai nogut tru long Kanage na Kanage sanap sikirapim het na tok orait yupela win. Yupela i ken go, tasol neks raun bai mi sasim yupela long ovalod.

**WILLIAM TOPEX KOPONO
HAGEN SITI**

Wanpela taim wanpela waitman i kam lukluk raun long ples bilong Kanage taim em i kam kamap em askim. Husat em lida bilong dispela ples na Kanage wantu tasol bekim olsem em lida bilong ples. Em nau waitman ya i askim Kange long kisim em i

go long narapela ples bikos em i laik go kisim ol poto.

Olsem na Kanage bekim long tok Inglis olsem, yes masta, I take you photo. Tasol waitman ya i no wari tumas long tok inglis bilong Kanage na tupela i tekov lusim ples na igo nau. Tupela i wokabout i go na waitman i pilim tait na em i laik malolo. Olsem na em tokim Kanage, I want to rest. Taim em i tok rest, Kanage ting waitman i laikim rais olsem em na ron i go long narapela ples na askim ol manmeri long givim rais. Ol i givim rais pinis na kisim na ron i kam bek long givim masta.

Kanage tokim waitman, sori, ol pipel no kuk rais so they give mi kol rais tasol for you. Taim waitman ya lukim em lap tasol na tokim Kanage, I dont want your rice, I got my food in the bag. I said I want to rest. Kange sem nogut na mekim save long kaikai kol rais em i kisim na waitman i lap nogut tru long Kanage.

**CYPRIAN KENO
BOGENVIL**

Kanage wantaim lapun meri bilong em i stap i go na wanpela taim lapun meri i kisim bikpela sik na i dai. Olgeta manmeri i harim nius long dai bilong Misis Kanage na olgeta i kam bung long haus kra i kra i wantaim Kanage i stap.

Kanage i lewa bruk stret na kilim skin long kra i stap. Em i kra i go na toktok wantaim olsem. Sori ol lapun bilong mi, yu lusim mi na mi wanpis bai mi stap. Em orait tasol mi no inap lusim tingting long yu.

Mi bai tingim olgeta samting yu mekim long laip bilong mi. Insait long haus, gaden, maket o stua yu save go em mi bai istap. Ples yu save go em mi bai istap.

Betsit na pilo yu save slip long en em mi stap. Kanage kra i olsem i stap na em i lukim meri tambu i go long toilet na Kanage

krai bikpela na tok, yes ya, toilet yu save go em mi stap tu.

Taim meri tambu i go long toilet ya i harim olsem em askim, yupela em yumi kra i tru tu o yumi mekim pani istap. Olgeta manmeri i harim na lap nogut tru long Kanage.

**CYPRIAN KENO
BOGENVIL**

Wanpela bikpela miting i kamap long ples na ol bikman bilong ples tasol i kamap long bung. Long bung em planti lapun em ol kela lain tasol.

Insait long bung tu em wanpela lapun kela aipas man tu i stap long dispela bung. Taim miting i pinis na lapun aipas ya i laik mekim sampela liklik tok pilai olsem na em tokim olgeta lain long bung, hei ol kukurai, klostu taim i pinis nau na olgeta kela lain olsem yupela bai i go long gutpela ples na ol lain i gat het gras nabaut bai i go long paia.

Kanage harim dispela tok i no stret na em wari liklik olsem na em askim lapun aipas, pren, yu ting mi bai go long gutpela pels tu o nogat. Aipas i tokim em, het bilong yu i kam na mi pilim.

Taim aipas i putim han long het bilong Kanage na pilim, em pilim sampela gras i sanap long sait sait na kela tasol long namel olsem na em tok, o bikman, yu gat liklik sans long go long gutpela ples.

Olsem na noken wari, bai mi sanap witnes bilong yu sapos ol bodi gat i sekim nem bilong yu long geit.

Kanage harim na amamas tasol olgeta lapun long bung i harim na ol i no isi long lap i dai.

Wanpela lapun i lap i dai na singaut i go long Kanage, poroman, yu noken wari, em namba wan ensel bilong lusifa i tokim yu stret. Olgeta lapun i kilim skin moa yet long

lap na sampela i kus nogut na sotwin wantaim na go ausait long ples bung.

**JOHN NADA
BOGIA, MADANG PROVIN**

Kanage raun long Buka taun lokng traipela hot san na ples i hot nogut tru. Em wokabout lek nating tu na kolta i kukim lek bilong em nogut tru na em kisim taim stret. Olsem na em i tingting long go insait long stua na baim wanpela slipa long werim. Em i go na askim stua kipa sapos ol i save salim slipa na stua kipa i tok yes. Orait stua kipa i askim Kanage sapos em i laikim wanem kain sais slipa. Na Kanage i tok, em orait givim mi sais yero na kara twer. Trangu stua kipa i kaunim star bikos em i no klia long dispela tokpisin bilong Kanage.

**CYPRIAN KENO
BOGENVIL**

Kanage bilong Tinputz na wanpela taim em i go raun long wanpela stua long Tinputz.

Em i go insait na em i lukim wanpela gutpela kap na em i kisim i go long stua kipa na i laik baim. Stua kipa tokim em, brat, yu no laik baim narapela kap i stap ya, em gutpela kala na naispela ya. Tasol Kanage tokim stua kipa, laik blong em yet. Laik blong em yet.

Na stua kipa tok, brata mi tok long narapela kap i stap ya. Na Kanage tok gen, laik blong em yet.

Laik blong em yet. Stua kipa harim olsem em westim taim olsem na em larim Kanage baim kap tasol na go ausait long stua.

**CYPRIAN KENO
BOGENVIL**

KANAGE



MI RAUN TASOL! YU SAVE, KAIN BILONG EM!!

**NOKEN LUS TINGTING/
SALIM OL PANI STORI I KAM LONG
KANAGE EM STORI PES BILONG YUMI
OLGETA YAHHH!**



KANAGE WANTAIM WANPELA WAITMAN GO PAINIM PIS LONG SOLWARA ...



TUPELA HUK ISTAP NA WAITMAN HUKIM WANPELA RED EMPARA PIS ...



IND LONGTAIM NA KANAGE HUKIM WANPELA PIS TU ...



KANAGE PULIM TASOL PIS I HEVI TRU.. EM PAINIMAUT OLSEM SHARK I HUK LONG LAIN..



NAI KANAGE PULIM SHARK I KAM ANTAP... EM LAIK TOK SHARK TASOL WAITMAN I ASKIM EM ...

... SHARK LONG TOK MOTU EM "KWALAHA"... TASOL KANAGE DABOLIM INGLIS NA MOTU WANTAIM ...

Kakao industri holim bung bilong skelim hevi

TRIPLELA de woksop long wok bilong kakao industri i stat long Tunde dispela wik long Kokopo, Is Nu Briten provins.

Insait long dispela woksop ol i makim olsem moa long 190 lain insait long gavman, ol lain insait long kakao industri, ol praveit bisnis na kampani, ol lain long provins we i save planim kakao tu bai kamap long dispela woksop. Woksop bai i stap long Asdaioes Konfrens Hol long Vunapope.

Ol astingting bilong kamapim dispela woksop em long;

- Lukluk gen na kamapim sampela bikpela senis long kakao industri na luksave long ol hevi na bagarap i save kamap bai ol i ken kamapim nupela rot bilong industri i go long en.

- Lukluk gen long rot we ol kakao groa long ples i ken mekim insait long kakao industri na soim tu ol rot bilong ol ples lain i ken karim kakao i go long maket na lukluk tu insait long pe ol i save kisim long salim kakao bilong ol.

- Luksave long ol rot bilong kamapim maket, kamapim moa kakao bilong salim, strongim wok painimaut bilong mekim industri i go strong long bihain taim.

- Lukluk gen insait long ol rot na mak kakao industri i wok long go long en bai em i ken ron bihainim rot na luksave bilong ovasis maket.

- Tokaut long nupela Lo bilong industri long bungim wantaim ol gutpela tingting na wok i kamap long sait bilong maketing bai ol kakao tu i mas gutpela long mak na maket tu i mas redi gut long baim ol kakao.

Woksop bai pinis long Fonde tude.

Sentrel Provinsal Gavman baim Ilimo Fam

GAVANA bilong Sentrel Provins Alphonse Moroi i putim pen i go daun long agrimen pepa bilong kisim bek graun long Ilimo na givim i go bek long ol pipel bilong Koiari long las wik Fonde.

Gavana Moroi i sainim dispela agrimen pepa wantaim Bank South Pacific (BSP) long kisim bek dispela graun we kakaruk fam i bin sanap long en bipo tasol kakaruk fam o Ilimo fam i pasim wok pinis.

Mista Moroi i tok dispela graun Ilimo Fam i sanap long en i bikpela samting long ol pipel bilong Koiari olsem na Gavman bilong em i wok strong long kisim bek dispela graun we i bikpela wari na askim bilong ol pipel.

Mista Moroi i tok kakaruk fam o Ilimo Fam bai kam bek gen taim olgeta wok ol i mekim i kamap gut na pinis gut long bihain taim. Nau em ol i statim tasol ol bikpela wok bilong kisim ol bikpela samting bilong ol pipel i kam bek long han bilong ol yet pastaim.

Gavana i tok ol pipel bilong Pot Mosbi na Papua Niugini bai lukim gen dispela namba wan kakaruk bilong Ilimo i kam bek long plet bilong ol bihain. Nau yet ol i wok hat long stretim ol bikpela samting we i mas kam bek long han bilong ol pastaim.

Em i tok tu olsem ol pipel bilong Sentrel provins i save raun nating long Mosbi siti na painim wok olsem na Gavman bilong em i mekim dispela bikpela disisen long kisim bek Ilimo Fam long givim wok long ol pipel bilong Sentrel provins.

Dispela em wanpela bikpela disisen na eksen Gavana Alphonse Moroi i kamapim taim em i kam insait wanpela yia tasol long opis.

Minista bilong Leba na Emploimen Peter O'Neill na memba bilong Madang Alois

Kingsley i bin stap tu na witnessim dispela samting i kamap na tupela i autim bikpela tok amamas tru long wok Gavana Moroi i mekim insait long dispela sotpela taim tasol long bringim sevis i go long ol pipel bilong em long Sentrel provins.



• Sentrel Provinsal Gavman i baim bek Ilimo fam graun na lukluk gen long kirapim bek kakaruk fam.

Pawa lain bai ron long Kavieng na Namatanai

NU AILAN Provinsal Gavman i lukluk nau long wok bilong rurel elektrifikasi o pulim pawa lain i go insait long ol ples anjnit long Nesenel Gavman Publik Invesmen Program (PIP) bilong neks yia 2004.

Dispela toksave i kamap taim Gavana bilong Nu Ailan provins lan Ling Stuckey wantaim memba bilong Kavieng Martin Aini na Provinsal Edministreta Robinson Sirambal i bin bung wantaim Minista bilong Nesenel Plening Sinai Brown na givim ripot bilong ol i go long em.

Gavana Ling Stuckey i tok total kos bilong pulim pawa long Kavieng

i go long Namatanai bai sanap olsem K12 milien. Dispela em kos we PNG Power i makim long mekim dispela wok.

Mista Ling Stuckey i tok namba wan hap pulim pawa long Kavieng i go long Bc' viles long boda bilong Kavieng na Namatanai iek-toret boda bai kos olsem K1,800,000.

Em i tok aplikesen o pepa ol i raitim pinis long mekim dispela wok em ol i salim i go pinis long nesenel gavman long nabma wan taim em long kisim samting olsem K630,000 long statim dispela projek.

Papagraun askim kampani long noken katim diwai

OL papagraun long Lek Mari long Westen provins i askim timba kampani Concord Pacific long noken kisim ol diwai i go aut long Kiunga Aimbak projek.

Ol i tokaut olsem ol papagraun i luksave olsem kampani i wok long karim ol timba i go aut long sait bilong Umuda ailan we kampani i laik salim i go aut long ovasis maket.

Ripot i tok long las wik tasol Kot i kamapim disisen olsem Concord Pacific kampani mas stapim olgeta wok bilong katim diwai na tu stapim wok bilong wokim rot insait long Kiunga Aimbak eria.

Siaman bilong Lek Mari Risos Ona Sep Galeva i tokaut olsem dispela oda i soim olsem olgeta wok bilong katim diwai i mas stop.

Mista Galeva i tok tu olsem kampani i noken rausim wanpela mesin na ol samting bilong wok* i go aut inap ol i save gut long sait bilong kisim kompensesen.

Mista Galeva i tok ol i askim Nesenel Gavman na Fores Atoniti long stapim ol wok bilong katim na karim diwai i go aut bai dispela kot oda i ken gat strong.

Em i tok ol pipel i kisim bikpela hevi na hat taim long 9-pela krismas olgeta bikos long dispela pasin.

Tuna bai kamap hariap nau long Japan

Yakam Kelo i raitim

BAI i gat balus i ron stret long Lae na Brisben long Australia na go gen long Japan stat long Julai 9, 2003. Gavana bilong Morobe Luther Wenge i tokaut long dispela.

Mista Wenge i askim ol bisnis insait long Morobe provins long yusim gut dispela sevis na givim sapot long dispela sata flait o ron bilong balus stret long Brisben i kam long Lae.

Mista Wenge i tok em i lukim dispela sata flait o ron i olsem wanpela bikpela developmen long Morobe provins bihain tasol long em i bin tokaut long 5 Yia Developmen Plan

..Bikos long Lae Brisben balus

bilong provins.

Mista Wenge tok pastaim olgeta ron bilong balus long karim kago i save ron tasol long Mosbi na i no Lae. Dispela i save givim hevi long ol kago ol bisnis long Lae i save kamapim long salim i go aut long narapela provins long balus.

Dispela ron bilong balus stret Ing Lae i go long Brisben bai karim tu ol tuna pis long Lae i go olgeta long Japan. Ol tuna bai i no inap bagarap olsem bipo bikos insait long 48 aua bai ol pis i kamap stret long Japan

na bai ol pis i stap gut yet taim ol i kamap long maket long Japan. Dispela pis em ol Japan i save kolim sasimi.

Mista Wenge i tok em i bin harim tu long ol lokal pis bisnis olsem taim ol pis i save go kamap long Japan ol i save bagarap na i no gutpela moa long ol man i baim na kaikai. Olsem na dispela nupela rot bilong balus bai mekim ron bilong karim pis i go long Japan bai hariap na ol pis bai i stap gut taim ol i kamap long Japan.

Pis bisnis insait long Morobe provins em

bikpela samting we gavman bilong mi i save sapotim na bai mipela i sapotim na strongim yet long strongim wok bilong ol lokal fisamen long provins. Mi bilip dispela sata flait o ron bilong balus em i bikpela samting long wok bilong tuna industri insait long Morobe provins, Gavana Wenge i tok.

Dispela ron bai i kamap tupela taim tasol insait long mun Julai tasol Mista Wenge i tok ol bai lukluk long askim dispela ron bilong balus long mekim planti ron moa long bihain taim bai dispela tu i mekim isi long ol hailans provins long salim ol saplai bilong ol na tu kisim ol kago na saplai i kam stret long ovasis long balus.

INTEREST RATE STATISTICS PROVIDED BY THE BANK OF PAPUA NEW GUINEA

BUSINESS INDEPENDENT MONEY MARKET	Rates Quoted for Term Deposits by the Commercial Banks (%)			
	Westpac	ANZ	BSP	Maybank
Up to K100,000	(a)			
3-6 months	4.25	4.50	4.00	5.25
6-12 months	4.25	4.75	4.25	5.25
12-24 months	5.25	5.00	4.85	5.50
Greater than K100,000	NEGOTIABLE OR ON APPLICATION			
Indicative				
Lending Rate (b)	14.95	15.00	13.25	15.00
Passbook Savings (c)	3.00	2.00	1.50	3.25

(a) ANZ rates for up to K50,000. Over K50,000 negotiable or on application.
(b) Indicative rate upon which lending rate is based.
(c) Passbook savings rate is paid only on the minimum monthly balance.

ANNOUNCEMENT OF GOVERNMENT TREASURY BILL AUCTION RESULTS as at 16/07/2003

Maturity	Weighted average yield of successful bids (%)	Bids received (Kina million)	Successful bids (Kina million)
28 days	19.66	131.38	102.09
63 days	19.81	28.15	11.96
91 days	20.31	26.88	22.88
182 days	20.35	40.53	40.53

THE BANK OF PNG IS OFFERING THE TAX FREE INSCRIBED STOCK FROM ITS PORTFOLIO

Series	Maturity	Yield (1) (%)	Holdings (Kina)
S242003	1 Jun 2004	6.60	18,885,000.00
S252004	1 Oct. 2004	6.36	9,000,000.00

For further details & application
Telephone: 322 7360 or 322 7271
(1) Tax exempt

WANTOK

TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

AIGLASS SPESOLIST

 **SED OPTICAL**

If you are looking for an eyeglass with your prescription in sturdy frames that will last a long time.

On Unbeatable Prices

Hurry while stocks last!

Call us now or come in and see for yourself at SED OPTICAL 2nd Floor Garden City.

BAIM GOL

Gol Baia - Metals Refining Operations

Givim gutpela prais insait long kauntri bilong yumi. Ino namel man ibaim long yu. Kam na salim gol bilong yu stret long opis bilong MRO.

MRO istap long Seksen 451, Alotment 2, Kuila Estate, Kameron rot, Waigani P.O. Box 3980, Boroko, NCD Papua Niugini

Phone: 325 2647 or Fax: 325 2959

LITERESI

Nesanel YWCA

i sponsorim wanpela kompetisen bilong ol man na meri husait i winim 18-pela kriemas long rait. Dispela em long makim dei bilong Nesanel Literesi wik, we bai i kamap long 8th igo inap long 12th Septemba long dispela yia. Dispela ol man na meri i mas stap long literesi skul o greduet pinis long kain skul.

TOPIK: Wai na em i impotent long mi long save long rid, toktok na rait long inglis? Longpela bilong stori em 1-3 peges. Yu ken rait long tokples, tok pisin o motu.

Sapos yu rait long tokples, givim long pasto, kaunsol o inglis tisa bilong yu long tanim igo long motu, tokpisin o inglis bai ol jas iken ridim. Dispela man o meri mas sain long soim olsem ol i tanim tokples.

Dispela kompetisen bai pas long 17th Ogas long dispela yia.

MENESMEN SEVISES


MANPOWER

Management Services Limited

(Fast and Efficient Service)

- Training & Localisation programs
 - Work Permits
 - Visas
 - Company incorporations
 - IPA Certifications
 - State of the Art Database
- (Reminders automatically remitted)

Contact: Geraldine, Liz, Faith
Telephone: 321 5491 / 321 5492
Facsimile: 321 5493
Email: manpower@daltron.com.pg


ISLANDS HR MANAGEMENT SERVICES LTD

A bridge to your future career
Specialise in the following activities

- HR Management
- Business development
- Rural / NGO Funded projects
- Training & Localisation
- Recruitment & Labour Hire
- Passport & Work Permits
- Secretarial Service

We are located at
Suit 8 Level 1 Garden City, Angau Drive, Boroko

Email: islandshrmc@datec.net.pg
PO Box 889, Boroko, NCD
Ph: 323 4955; Fax: 323 4799

MARASIN PRODAKS

BIO-NORMALIZER

A Product of Scientific and Medical Research by Dr Jame Akira Osafo, a Japanese renowned Scientist and Doctor.

A PRODUCT THAT HAS ABILITY TO CURE:

Diabetes, Disease of the Liver, Heart, Kidney, Hepatitis A, B, Paralyze, Epilepsy, Stress, Mental Disorder, High Blood Pressure and much more.

This Nutraceutical product is totally safe and use by various age group including pregnant mothers, new born babies, etc...

For more information

Phone/Fax: 323 1712

Our Office:

Champion Parade -Town
Garden City Ground Floor

PLAWA GADEN



COUNTRY CLUB

GEREHU WAIGANI BOROKO



- Plants for Sale
- Hire Plants
- Garden
- Maintenance
- Plastic Pots
- Manure

Ph/Fax:
325 5049

PRINTING



For all your Printing Requirements call

THE PRINTING HAUS

P.O. Box 6396 BOROKO, NCD
Ph: 325 2415, Fax: 325 4743

OR

Come in and see us we are located along the Poreporena Freeway opposite SP Brewery, Gordons.

SOMAPIM KLOS

Morning Star
Tailoring

P.O. Box 835 Waigani

We are specialised in:

- * Male & Female Atire formal Wear
- * Dress Wear
- * Bridal Wear
- * Office Wear
- * School Uniforms
- * Alteration & Repair

See us at: 4mile

above Shell Service Station

Tel/Fax: (675) 323 6222

SEKANHAN KLOS

FRIENDTEX LTD WHOLESALE

P.O. Box 5049, BOROKO, NCD

Ph: 323 1471 Fax: 323 1479

NEW ARRIVALS
and stocks in hand

Jeans, Skirt Pants, Floopy, Hennaed Shorts, Blue Jeans, Collar T/S, Pollo T/S, Bedsheets, Golf T/S, Bedsheet/Pillow case, Cut Jeans, Childre Mix, Baby Ramage, Printed colour T/S, Work wear, Flannel Shirts, Skirts, Socks, Mix Shorts, Jeans Shorts, Bra, Light Zipper Jackets, Shoes, Blankets, Cargo Pants/Shorts, Brown baies Mix 200kg

Come and see what we've got in our wholesale

Location: **Kenmore Trade Centre Unit 11, next to Arnotts Biscuit Factory, off Cameron Road, Gordons, NC.D**

TREID NA EKSPOT

FAIRFAX EXPORTS

LIMITED

LICENSED CROCODILE SKIN TRADERS AND EXPORTERS

We Buy Crocodile Skins
MON - SAT

BURNS HOUSE
STANLEY ESPLANADE
PORT MORESBY

Tel: 321 4755

Fax: 321 4751

X-RAY

PORT MORESBY IMAGING LTD

X-Ray Ultrasound Scanning
For Employment/Visa/School
Medicals

- WE ARE FAST
- WE ARE EFFICIENT
- WE ARE THE BEST

Location: Dr. Mola's Hospital, Taurama Road

Phone: + (675) 325 1140

Fax: + (675) 325 9740

Email: atanu@online.net.pg

ADALT EDUKESAN

Institute of Adult Education
Adult Mainiculation & Business Study Centre in Lae
Sir Ignatius Kilege Stadium - 1st Floor
P.O. Box 3787, Lae Morobe Province Papua New Guinea
Telephone: (675) 4791899, Facsimile: (675) 4791277

JUNE - 2003 BUSINESS STUDIES REGISTRATION
PNG's Best Studies Diploma Programs are now on offer for 2nd Semester & Lahara 2003 in Lae Morobe Province. The programs are cheaper and conducive for low-income earners and workers.
Registration Date: June & July 2003
Class Commence: 14th July 2003
Entry Requirement: Gr 10 & 12. Check details with the Registrar at Sir Ignatius Kilege Stadium - Lae.

No	Program on offer	Duration	Fee per course
1	Certificate in Accounting	28 wks	400
2	Diploma in Accounting	28 wks	400
3	Diploma in Business Management	28 wks	400
4	Certificate in Sales & Marketing	28 wks	300
5	Certificate in Bookkeeping	21 wks	200
6	Certificate in Office Procedure & Management	14 wks	150
7	Diploma in Insurance & Risk Assessment & Investment	28 wks	400
8	Diploma in Business Administration Human Resource Management	28 wks	400

HAUS PASINDIA


Kiunga Lodge

Small quiet motel situated in the heart of Kiunga 16 Air-conditioned Rooms, all with cable television and bar fridge. Price includes Dinner and Breakfast. Guests staying more than one night will receive a Packed lunch for second and subsequent days.

Only K120.00 per night including VAT

Ph: 548 1127 / 548 1045

ELECTRICAL & ACCESSORIES



Call in and see us For all your electronic needs

- * Spare Parts
- * Tools
- * Equipments
- * Repair to TVs, Radios, etc

We are located at the corner of Wards Road and Spring Garden Road, Hohola, NCD.

Ph: 325 1952 Fax: 325 4743

MINING KAGO


THE GOLD PAN

Liklik Maining Masin bilong Salim
Proline Gol gredge, 2.5", 3", 4", 5" na 6" hai banka comb, Metal detekta, Slus bokis, Gol dis, Gol wil, Rok krasa, Mekuri ritot na Planti moa ol masin bilong helpim yu kisim Planti gol hariap long taim yu wok got.
I gat ol sevis long helpim yu painim gol long Ples bilong yu.

Mipela save baim gol na tu givim skul long Hao long baim na salim gol. Long olgeta Tunde na Fonde mipela save soim ol man we masin bilong mipela i save wok.

Contek Gol Pan
POM - Phone/Fax: 323 6052 or fax: 325 2959

Wewak - Phone/Fax: 856 1466



WANTOK KLASIFAIID

SAPOS YU LAIK ADVATAIS O SAVE MOA LONG KLASIFAIID PES BILONG MIPELA, RINGIM BONNER HUI LONG 325 2500 O FEKS LONG 325 2579
EMAIL ADRES EM wordadvertising@global.net.pg

FRI PRAIVET KLASIFAIID

TOKSAVE

Trening
Mi painim operata trening. Inap yupela i soim o givim adres bilong dispela operata trening sosaiti long Mosbi? Plis bekim long adres Giyendip Namaka P.O. Box 588 Lae, 9-mile.

Salim Generata
Mi salim wanpela Generata 260 KUA ALUS CHALMARS. Prais em K75,000 o klostu long em. Kontek Samuel Alooi 852 2604 o rait long P.O. Box 601, Madang.

Pianim Pren
Menson Aunz- Fatima Vocational Senta P.O. Box 67 Banz, western Highlands Province.

Mi wanpela mangi husat i laikim penpren. Mi skul long Fatima Vocational Senta na mi mekim Kapenta na stadi hat tru. Krismas bilong mi em 18.

Nem: Tanzie Saun- Krismas 16 na mi wanpela meri. Mi mekim gret 10 long Bishop Leo Secondary Haiskul P.O. Box 178 Wewak ESP. Hobbies bilong mi em Pilai Volibal, watchim TV na rait long penpal.

Nem bilong mi em McPhist Konafo, Krismas bilong em 16 (meri) na mi mekim gret 10 long Bishop Leo Secondary Haiskul P.O. Box 178 Wewak ESP. Hobbies bilong mi em Harim musik, go lotu na rait long penpal.

Nem bilong mi em Nellie Wingu, Krismas bilong em 16(meri) na mi mekim get 9 long Bishop Leo Secondary Haiskul. P.O. Box 178 Wewak ESP. Hobbies bilong mi em Wokim pani, pilai soka na rait long ol penpal.

Nem bilong mi em Rubina Yawi, Krismas bilong em 17(meri) na mi mekim get 9 long Bishop Leo Secondary Haiskul. P.O. Box 178 Wewak ESP. Hobbies bilong mi em Pray, ritim buk na rait long ol penpal.

Nem bilong mi em Lariz Wormai, Krismas bilong em 17(meri) na mi mekim get 10 long Bishop Leo Secondary Haiskul. P.O. Box 178 Wewak ESP. Hobbies Pilai spots, harim musik na rait long ol penpal.

Penpren
Nem bilong mi em Deborah Mokeveka(meri). Krismas bilong mi 16. Mi painim prenpen man o meri long krismas bilong ol em 16-19. Mi wanpela gret 9 sumatin lonh Kiriwina haiskul P.O. Box 96 Losuia MBP. Hobbies bilong ni em Musik, danis, ritim ol mistri buks, Penpren mas nesenol o intanesenol.

Nem: Ruth Vanex(meri) krismas bilong mi 27. P.O. Box 812 Madang. Hobbies bilong em singsing long lotu, pilai basket bal, watchim TV, rit, raunraun, swim, na planti moa. Mi bai bai bekim olgeta penpal husat i rait long mi.

Mi painim wanpela penpren husat em i gat 18-24 krismas. New bilong mi em Richard Gaiom long Taligid Technical Senta, P.O. Box 672, Mandang Prov. Mi save laik ritim Baibol, stori na rait long ol penpren.


Mi painim olupela pren bilong mi
Mi wanpela 19 yia meri long Buka Open Univesiti na mi painim olupela pren bilong mi long gred wan na klasmeit bilong mi long 1992 long St Martin komyuniti skul long Rabaul. Plis rait i kam long mi na salim poto tu i kam long mi.
Nem bilong mi em Jennifer Toroken adres em C/ Roselyne Toroken Works Dept P.O. Box 288, Buka NSP.

Painim pren
Mi panim kristen meri long pren wantaim o maritim em. Meri mas singul na krismas bilong em as 19 ys na igo long 30 yrs. Krismas bilong mi em 25 na wok olsem pasta bilong Lae. Nem bilong mi em Steven Pass. P.O. Box 3293 Lae. M.P.

Painim wok
Mi wanpela lotu man na mis save wok olsem sekuriti opisa long Ok Tedi Mining na mi save kisim gutpela pei. Mi taim long go lotu na stap long haus wantaim ol femili bihain long wok i pinis.
Mi save stap long Lae tasol naumi stap long Ok Tedi. Nem bilong mi em Bonnie Owasa
Ph: 548 1375. Adres: KSS P.O. Box 324, Kiunga (WP).

Painim pren
Mi painim pren meri. Mi wanpela sailor na mi wok long China Navigation Company, Hobis bilong mi em musik, prensip. Nem bilongt em Limba Thomas na krismas bilong mi em 23 yrs. adres: C/ China Navigation Company Ltd P.O. Box 634, Port Moresby Papua New Guinea
Telepon: 61-145-125748.

HEPI BETDE
Hepi Bon de i go long
TARIANNA WEWEN BERNARD
Yu tanim 2-pela yia nau long 10/07/2003.
Bon de amamas i kam long bikpela sista Kimberly na bikpela brat Rexford Yakam. Bikpela amamas i kam long wan nem Tairen long Rainbow.

TANIM TOK

TANIM TOK WANTOK NIUSPEPA I LAIK GIVIM SEVIS OLSEM TANIM TOK LONG INGLIS I GO TOK PISIN NA MOTU SAPOS YU LAIK MOA SAVE RINGIM BONNER HUI LONG PHONE 325 2500 OR FAX 325 2579. EMAIL: wordadvertising@global.net.pg

PORT MORESBY CITY MISSION FOURSQUARE CHURCH SOUP KITCHEN
PLIS HELPIM NA GIVIM KAIKAI LONG OL TURANGU



Proudly supported by:



For further information please call Sue Darby on 321 1592

TOKSAVE

FRI PRAIVET KLASIFAIID


Wantok niuspepa i nau givim nupela sevis long kastomas bilong mipela long fri praivet advataising igo long ol wanwan manmeri. Sapos yu laik salim ol samting, painim pen pren o painim wok? Mipela tu i oraitim ol betde o man indai. Filim in dispela kupon daunbilu. Mak long raitim toksave em inap long 50 wods tasol .

Salim i kam long : P.O. Box 1982, Boroko N.C.D, PNG o feksim i kam long 325 2579

Yu inap long salim email tu long wordadvertising@global.net.pg

FRI ADVATISMEN KUPON

Subjek	KASTOMER INFOMESEN
.....	NEM BILONG YU:
.....
Olgeta toktok i mas stap long kapitol letas tasol.	KONTEK FON NAMBA:
TEXT
.....	KONTEK MAIL ADRESS:
.....
.....	Eksampol:
.....	MI PAINIM WANPELA GITA O UKELEL SAPOS YU TINGTING LONG SALIM GITA O UKELELE BILONG YU, MI TINGTING LONG BAIM LONG K100. KONTEK JOE BLOW LONG PON 00000. TENKU TRU!





• Maryanne Padio bilong ANZ Uni i laik pasim bal i go long sapot pilaia bilong em Josephine Waiwai (6) egensim Telikom long Pom soka resis. Uni i win 1-0.

• Skul bois soka eksen long U12 seleksen gem bilong Mosbi. Ol i wok long selektim ol tim long go pilai long Orogen soka salens long Goroka.

Ol poto: JOE IVAHARIA

• Jan Waddy bilong CP Rebels i traim long banism suta bilong PNG Gardener Rakaone Ila Vala long Mosbi netbal salens long wiken.



• Bikpela fowet bilong Souths i laik brukim difens bilong ol Kone Tigers long Mosbi ragbi lig resis. Souths i winim gem 28-16.

• Lephon: Pilaia bilong Royals Billy Gideon i kisim taim long takol bilong tupela Kone Tigers pilaia long U19 gem bilong ol. Kone win 20-8.

Ol Spot Dro

Toksave

WANTOK NIUSPEPA i laikim ol part-time niusman long salim nius na poto bilong sofbol stori i kam long bikpela senta olsem Mt Hagen, Lae, Goroka, Madang, Wewak na Wes Nu Briten. Sapos yu ting olsem yu ken helpim Wantok Nius long dispela wok, plis ring na toksave long Spot Edita long dispela telepon namba 325 2500 o fex long 325 2579. Nogat yu rait long dispela adres: Edita, Wantok Niuspepa, P.O. Box 1983, Boroko, NCD. Email adres em: word@global.net.pg

PORT MORESBY RUGBY LEAGUE ROUND SIX

Lloyd Robson Oval

Friday 18th July, 2003

Time	Grade	Fixtures
U/17 4.00pm		Dobo Warriors Vs Royals
U/17 5.00pm		Souths Vs Defence
U/17 6.00pm		Brothers Vs Tarangau

Saturday 19th July, 2003

Grade	Time	Fixture
U/19	9.30am	Magani Vs Waliya
B	10.30am	Dobo Warriors Vs Royals
B	12.00pm	Magani Vs Waliya
B	1.30pm	Defence Vs Souths
B	3.00pm	Brothers Vs Tarangau

Sunday 20th July, 2003

Grade	Time	Fixture
U/17	9.30am	Magani Vs Waliya
A	10.30am	Dobo Warriors Vs Royals
A	12.00pm	Magani Vs Waliya
A	1.30pm	Defence Vs Souths
A	3.00pm	Brothers Vs Tarangau

Monday 21st July, 2003

Grade	Time	Fixture
U/19	4.00pm	Dobo Warriors Vs Royals
U/19	5.00pm	Defence Vs Souths
U/19	6.00pm	Brothers Vs Tarangau

BYE: Kone Tigers

LAHI SOCCER ASSOCIATION 2003 SEASON PROPER DRAWS

Week Twelve

Saturday 19th July

Unitech Ground One

Time	Division	Fixtures
12.30pm	Wom	Arnotts vs Guria
13.30pm	*	Mungkas Vs Milne Bay United
14.30pm	*	SP Brewery Vs Guria
15.30pm	*	Unitech Vs Lae Biscuit

Unitech Ground Two

12.30pm	Premier 2	Lae Biscuit Vs Unitech
13.45pm	Premier 2	Arnotts Vs Mungkas
15.00pm	Premier 1	Bugandi Vs Unitech
16.15pm	Premier 1	Bismark Vs Mungkas

Unitech Ground Three

12.30pm	U/19	TTC Bullet Vs Lae Biscuit
13.30pm	U/19	Eastpac PNG Power Vs Eastern Star Utd
14.30pm	U/19	Arnotts Vs Unitech
15.30pm	U/19	Sobou Vs Guria

Sunday 20th July, 2003

Unitech Ground One

12.30pm	Women	Bismark Vs TTC Bullet
13.45pm	Women	Mungkas Vs Guria
15.00pm	Women	SP Brewery Vs Eastpac PNG Power
16.15pm	Women	Unitech Vs Murat

Unitech Ground Two

12.30pm	Division 1	SP Brewery Vs Murat
13.45pm	Premier 1	Eastpac PNG Power Vs Unitech
15.00pm	Premier 1	Milne Bay United Vs Mungkas
16.15pm	Premier 1	Bugandi Vs Guria

Unitech Ground Three

12.30pm	Women	Sobou Vs Lae Biscuit
13.30pm	U/19	Lae Biscuit Vs Arnotts
14.30pm	U/19	Eastpac PNG Power Vs Sobou
15.30pm	U/19	Eastern Star United Vs TTC Bullet

GOILALA RUGBY LEAGUE COMPETITION

SIR HUBERT MURRAY STADIUM
Saturday 19th July, 2003
WEEK 13 DRAWS

OVAL 3

Time	Div	Fixture
09.00am	U/19	Avava Panthers Vs Gouroum Eagles
10.00am	U/19	Erom Tigers Vs Vadavada Gollords
11.00am	U/19	Apete Reds Vs B/River Warriors
12.00pm	B	Kenane Raiders Vs Chirime Knights
13.00pm	B	Yadah Dolphins Vs Taniva Wests
14.00pm	A	UK Bears Vs Soweto Santis
15.00pm	A	MCY Sharks Vs Tete Brothers

Sunday 20th July, 2003

OVAL 2

Time	Div	Fixture
09.00am	B	UK Bears Vs Soweto Santis
10.00am	B	Tete Brothers Vs MCY Sharks
11.00am	A	Avava Panthers Vs Gouroum Eagles
12.00pm	A	Erom Tigers Vs Vadavada Gollords
13.00pm	A	Apete Reds Vs B/River Warriors
14.00pm	A	Kenane Raiders Vs Chirime Knights
15.00pm	A	Yadah Dolphins Vs Taniva Wests

OVAL 3

09.00am	U/19	Kenane Raiders Vs Chirime Knights
---------	------	-----------------------------------

10.00am	U/19	Yadah Dolphins Vs Taniva Wests
11.00am	U/19	UK Bears Vs Soweto Santis
12.00pm	U/19	Tete Brothers Vs MCY Sharks
13.00pm	B	Avava Panthers Vs Gouroum Eagles
14.00pm	B	Erom Tigers Vs Vadavada Gollords
15.00pm	B	Apete Reds Vs B/River Warriors

POINTS LADDER - Round 12

A Grade

Team	P	W	D	L	For	A	Pts
Erom Tigers	12	8	0	4	126	69	16
UK Bears	12	7	1	4	116	66	1
Soweto Santis	12	7	1	4	104	61	15

Erom Tigers	64	48	28	140
MCY Sharks	56	54	30	140
Apete Reds	44	45	36	125
Soweto Santis	60	30	22	112
Vadavada Gollords	60	39	8	107
Avava Panthers	48	27	26	101
Chirime Knights	60	24	16	100
Yadah Dolphins	8	45	36	89
Taniva Wests	40	24	22	86
Gouroum Eagles	44	12	20	76
Tete Brothers	36	24	10	70
Kenane Raiders	36	24	8	68
B/River Warriors	28	24	8	60



• Ol we? Susa ya i hat tru long painim ol lain bilong em long Mosbi netbal salens long las wik. Ol poto: JOE IVAHARIA

Chirime Knights	12	6	3	3	99	77	15
Vadavada Gollords	9	7	1	1	83	29	15
MCY Sharks	12	7	0	5	102	78	14
Avava Panthers	12	4	4	4	98	96	12
Apete Reds	12	5	1	6	96	92	11
Gouroum Eagles	12	5	1	6	53	84	11
Taniva Wests	11	4	2	5	44	82	10
Tete Brothers	11	4	1	6	98	164	9
Kenane Raiders	12	4	1	7	66	97	9
B/River Warriors	9	3	1	5	50	68	7
Yadah Dolphins	12	1	0	11	74	136	2

B GRADE

UK Bears	12	12	0	0	201	34	24
MCY Sharks	12	8	2	2	132	98	18
Erom Tigers	12	7	2	3	86	58	16
Yadah Dolphins	12	6	3	3	94	84	15
Apete Reds	12	6	3	3	89	49	15
Vadavada Gollords	9	6	1	2	87	49	13
Soweto Santis	12	3	4	5	57	67	10
Avava Panthers	12	3	3	6	56	65	9
Tete Brothers	12	3	2	7	62	76	8
Taniva Wests	12	3	2	7	54	68	8
Chirime Knights	12	4	0	8	52	126	8
Kenane Raiders	12	2	4	5	43	113	8
Gouroum Eagles	12	1	2	7	36	120	4
B/River Warriors	9	1	0	7	43	102	0

C GRADE (U/19)

UK Bears	12	9	1	2	102	34	19
Yadah Dolphins	12	9	0	3	89	48	18
Apete Reds	12	9	0	3	86	37	18
MCY Sharks	12	7	0	4	85	42	15
Erom Tigers	12	7	0	5	46	50	14
Avava Panthers	12	6	1	5	50	35	13
Soweto Santis	12	4	3	5	44	46	11
Taniva Wests	12	5	1	6	39	57	11
Gouroum Eagles	12	3	4	5	42	67	10
B/River Warriors	9	4	1	4	44	68	9
Chirime Knights	11	3	2	6	37	44	8
Tete Brothers	12	2	1	9	68	71	5
Vadavada Gollords	8	1	2	5	25	48	4
Kenane Raiders	12	1	2	9	12	62	4

CLUB CHAMPIONSHIP - Round 12 (12.13/07/03)

Clubs	A	B	C	Points
UK Bears	60	72	38	170



• Stail manki bilong Momase yut divisen i holim bal long gem bilong ol egens Pomis long las wiken.

OL HAP SPOT NIUS

Boi PNG inap mekim nem long NRL

• Wanpela yangpela boi PNG i wok long mekim nem lng ragbi lig long Australia. Dispela boi em Leonard Otmar. Em i bin go daun long Australia long las yia taim tambu bilong em i kism em i go long skul. Em i mekim nem pinis long stap insait long fes gret divisen bilong Herbert River Crushers long Taunsvil ragbi lig resis. Sampela biknem ragbi lig klap olsem Broncos, Queensland Cowboys, Souths na Manly klap i toktok pinis long kism em.

Otmar i save pilai long senta na em i bin mekim nem long dispela posisen taim em i save pilai long skul bois ragbi salens long hap inap em i go antap na pilai long risev divisen. Planti i ting em inap mekim nem long A gret divisen na wokim nem olsem Marcus Bai na John Wilshire long Australian lig. Em i bin pilai long Mosbi taim em i mekim gret 10 long Kilakila hai skul. Long dispela taim tu em i mekim nem insait long Kumul tim bilong PNG. Tambu bilong em i luk-save long gem bilong em na kism em i go long Australia long em i ken soim gem bilong em long hap. Otmar i gat 19 krismas na em i bilong Pangia long Sauten Hailans provins.


Panthers redi long winim maina primiasip

• Penrith Panthers i sindaun antap long poin lata bilong NRL long kism primiasip taitel bilong NRL kompetisen long dispela yia. Panthers i save sindaun aninit long lata longpela taim i kam bihain long em i bin winim NRL gret fainel long 1991. Bihain long dispela em Panthers i bin bungim planti hat taim tu inap dispela yia nupela kosa John Lang i kamap na mekim senis long gem na tu wantaim ol sampela nupela pilai i kam kamapim nupela senis long gem bilong Panthers.

Panthers i no wari tumas taim Kwinslen i no makim top fulbek bilong em long skwat long dispela yia Stet ov Orjion gem. Fulbek Rhys Wesser em top trai skora bilong Australia lig long nau. Kosa John Lang i fok tupela pilaia bilong klap em Nu Silan Kiwis i mas makim tupela long tim bilong ol long pilaim Australian Kangaroo long dispela yia bikos tupela i stap long top fom.

Sailor na Tuqiri pinis long kontrak

• Biknem ragbi lig pilaia bilong Broncos long bipo na nau winga bilong ragbi union tim bilong Australia Wallaby Wendell Sailor i kamap long mak we kontrak bilong em wantaim klap bilong em Kwinslen Red. Dispela i mekim ol menesmen bilong Kwinslen i wok long painim klap bilong kism Sailor long narapela tupela krismas. Kontrak bilong Sailor i pinis wantaim Kwinslen long dispela yia. Wankain taim tu narapela biknem ragbi lig pilaia bilong Broncos bipo Lote Tuqiri tu i kamap long pinis bilong kontrak bilong em wantaim klap bilong em long ragbi union. Em tu bai painim klap bilong sainim nupela kontrak gen wantaim em long neks sisen.



• Senta bilong Paramana i painim sapot egensim Lotto Telstars long Mosbi netbal resis. Tim bilong em i no laki tumas na ol i lus 63-52. Foto: JOE IVAHARIA

PNGFA tokaut long nesenel klap salens

Yakam Kelo i raitim

NESENEL klap soka sempionsip bilong dispela yia bai kamap long Lae long Septemba 12 i go pinis long Septemba 16 independens de.

Ekting Jenerel Seketeri bilong Papua Niugini Futbol Asosiesen (PNGFA) Noel Nobiha i tokim Wantok Niuspepa long Tunde dispela wik.

Nobiha i tok dispela Nesenel Klap Sempionsip bilong ol man na meri wantaim bai kamap long dispela taim long Lae na tupela soka asosiesen long Lae bai lukautim dispela tonamen.

Lae Futbol Asosiesen (LFA) bai lukautim tonamen bilong ol meri na Lahi Soka Asosiesen (LSA) bai lukautim tonamen bilong ol man.

Mobiha i tok bihain long em i bin toktok wantaim eksekutiv bilong tupela asosiesen wantaim ol i kamap wantaim dispela disisen bilong kamapim nesenel klap sempion bilong ol man na meri long Lae long independens wiken.

Dispela tu bai mekim isi long ol sampela soka senta olsem Kimbe, Rabaul, Buka na Manus long salim tim i kam bikos taim ol i kam long sip bai ol i kam

sua tasol long Lae na go long ples bilong pilai. I no olsem las taim we ol i kam sua long Lae na hatwok gen long painim PMV na bihainim haiwe i go long Madang long nesenel sempionsip. Wankain tu long ol lain long Hailans na Madang bai i kam tasol long PMV long Lae.

Nobiha i tok tonamen bai stat long Septemba 12 em long Fraide na bai i go inap long Septemba 16 long Tunde. Olsem dispela tu bai mekim isi long ol arapela senta husat bai i go long balus long kisim mid wik fea. Ol dispelaw senta i ken kamap long mif wik fea long Trinde na Fonde we ol i ken stap wanpela wik long Lae na go bek.

Pastaim disisen i bin kamap long holim tonamen long Madang bihain long Madang i bin soim gutpela menesmen bilong em long lukautim na ranim gut PNGFA nesenel soka sempionsip long dispela yia. Tasol opisel toksave i kam long Madang olsem long dispela taim bilong Septemba bai i gat mini so na arapela selebresen we ol bai yusim Laivodon pilai graun. Olsem na wanbel i kamap long dispela soka tonanem i ken kamap long Lae.

Presiden bilong Lae Futbol

Asosiesen (LFA), John Peka i bin askim Papua Niugini Futbol Asosiesen (PNGFA) long makim Lae olsem ples bilong pilaim Nesenel Klap Soka Sempion long dispela yia. Na em i bin askim PNGFA long tokaut long taim bilong holim dispela tonamen bai ol klap na asosisen i ken redim ol tim bilong ol long kamap long pilai.

Wankain singaut tu i bin kam long Vais Presiden bilong Pot Mosbi Soka Asosiesen (PMSA) Simon Koima long ol i laik save long wanem taim na wanem hap bai Nesenel Klap Sempionsip i kamap bikos ol klap i mas save long dispela bai ol i ken redim ol yet long sait bilong mani long trenspot na haus slip, kaikai na ol arapela kos ol klap i mas gat long lukautim ol long taim bilong tonamen.

Wankain singaut tu em Seketeri bilong LAHI Moses Demas i askim long dispela wik long PNGFA i mas tokaut long taim na wanem hap bai tonamen i kamap. Bikos ol i gat samting olsem 5-pela klap bai pilai long dispela Nesenel Klap Sempionsip na ol i mas redi gut. Ol dispela klap em, Sobou, Unitech na Sobou man na ol meri em PNG Power na Guria.

OL pilaia na opisal bilong ol wanwan klap husat i pilai insait long Mosbi ragbi lig i mas noken abrusim mak bilong Mama Lo o rul bilong pilai.

Dispela em bihain long planti (15) pilaia wantaim tupela opisal i bin kisim sas long lokel judisari komiti sampela wik i go pinis. Operesens Menesa bilong Pot Mosbi Ragbi Lig Veks Baro i tok ol pilaia na opisal o kosa i mas bihainim ol rul bilong pilai. Kain hevi i save kamap taim ol pilaia i save pilai nogut na wokim ol spia o hai takol na sampela birua i save kamap olsem na mipela i laik rausim dispela pasin long kamapim gutpela gem we ol manmeri i ken amamas long lukim, em i tok.

Ol judisari komiti i wok long sasim ol pilaia na opisal aninit long Mama Lo bilong PRL long kainkain asua bilong ol yet we i lukim olsem sampela i baim fain o ol i no inap pilai long wanpela o tupela gem. Na sapos bikpela asua i kamap gen ol bai rausim pilaia na em bai i no inap pilai moa long klap nal long kompetisen, Baro i tok. Em i tok tu olsem wanpela asua i bin kamap long wanpela risev gret gem namel long Dobo Warriors na Defence we ol sapota i bin ron i go insait long pilai graun na paitim ol pilaia na dispela i no gutpela pasin. Ol judisari komiti bai sindaun long dispela wik long mekim disisen long dispela hevi.

Spot Komisn helpim ol Koiari

Joe Ivaharia i raitim

PNG Spots Komisn wantaim halivim bilong Trukai Industries i bin ronim wanpela spots woksop long larowari Hai Skul, Sogeri long Sentral Provins.

Dispela woksop i bin stat long Mande na bai pinis long Fraide. Geoffrey Meia, Spots Dairekta bilong Koiari Lokol Level Gavman i bin salim askim i go long PNG Spots Komisn long kamapim dispela woksop we moa long 50 man na meri long Sogeri eria i go long en.

Insait long dispela woksop ol manmeri i bin lainim na luksave long spots administresen, kosing, referi na fes ed o we bilong

halivim ol pilaia i kisim bagarap long ol spots olsem soka, ragbi lig, basketbal na volibal. Progrem Menesa bilong PNG Spots Komisn, Scott Vavine i bin go pas long ranim dispela woksop wantaim ol teknikal opisa bilong em Tau Ao husat i lukautim volibal, Sari Fareho (ragbi) na Ronnie Mea (basketbal).

Mr Vavine husat i wanpela saveman long spots administresen insait long kantri i tok planti ol pipel o spots opisel i no save gut long ol rul bilong ol wanwan spot ol i save pilaim o long we bilong pilai long fil olsem na planti birua i save kamap. Em i tok wantaim kain woksop ol i ranim nau long Sogeri,

ol pipel bilong Koiari LLG eria i ken kamapim gutpela sindaun na luksave long we bilong pilaim ol spots long hap bilong ol.

Trukai Industries husat i sponsa bilong dispela woksop bai halivim ol man na meri wantaim ol spots bal na ol samting we ol i ken yusim long eria bilong ol bihain long pinis bilong woksop we bai lukim ol tu i ken kisim setifiket.

Vavine i askim ol man na meri insait long kantri husat i kisim sampela kain trening long ol wanwan spots long yusim dispela trening long kamapim gutpela pasin bilong pilai long wokim gutpela sindaun na amamas insait long komyuniti bilong ol yet.

**WINIM
K250
PRAIS MONI**

**PAINIM BAL
RESIS NAMBA 5**

RUL BILONG PILAI"

1. makim X long poto yu ting bal i stap long en
2. makim X long pen tasol.
3. Katim poto long sisos na salim long **PAINIM BAL RESIS NAMBA 5**
Wantok niuspepa. P.O. Box 1982, Boroko NCD.
4. Nambawan entri i makim stretpela hap bai i stap, em bai win.
5. Las de bilong kisim ol entri em pinis bilong olgeta mun.
6. Long Wantok bilong Januari 30 bai gat niupela K250 prais moni resis. Bai gat reisi bilong olgeta mun i go inap mun Desemba, 2003
7. Disisen bilong komiti i makim wanpela wina em fainol.
8. Wina bai kisim sek mani, na i no long kes moni.
9. Sapos nogat wina bai skruim win moni i go antap long nara-pela resis.
10. Yu ken salim moa longwanpela entri, tasol noken yusim poto kopi.
11. Ol wokmanmeri na pikinini bilong Wantok niuspepa i no stap long dispela resis.

Raitim nem na adress bilong yu long hia

Nem:.....

Adres:.....Krismas:.....

Ripot bilong Saut Pasifik Gems long Suva, Fiji

PNG kamap namba 4

... Dawanincura i tok em gutpela rekot

NAMBA 12 Saut Pasifik Gems i pinis long las wik Sarere 12 Julai 2003. Fiji i lukautim dispela bikipela SP Gems pilai we ol wansolwara kantri insait long Pasifik i save bung bihain long olgeta foapela yia long pilai spot.

Papua Niugini olsem wanpela bikipela kantri insait long Pasifik rijon i salim ol spot manmeri husat i pilai insait long 24 spot olgeta. PNG i winim 33 gol medol, 28 silva medol na 20 brons medol we i bungim kamap olsem 81 medol olgeta. Tasol PNG i kamap namba 4 bihain long Nu Kaledonia husat i ron namba wan, Fiji namba tu na Tahiti i namba tri.


Seketeri Jenerel bilong PNG Spot Federsen Sir John

Dawanincura i tok dispela em i wanpela gutpela risal tru PNG i akmapim long sait bilong medol rekot long bipo i kam nau. Dispela em wanpela gutpela rekot tru Papua Niugini i kamapim taim em i go aut pilai long narapela kantri, Sir Dawanincura i tok.

Tasol long 1991 taim Papua Niugini i bin lukautim SP Gems long hia, PNG i bin winim 44 gol medol. Nau em i sot tasol long 11-pela gol. Tasol dispela rekot nau i mekim amamas yet long bikman bilong PNG Spots.

Sir John Dawanincura i tok bikos PNG i bin i gat bikipela hevi long sait bilong mani olsem na PNG i no putapim tim insait long olgeta spot. 8-pela spot em PNG i no pilai insait we i lukim PNG i sot long 62 gol medol taim em i statim pilai i kam inap long pinis bilong pilai long las wik Sarere long Fiji.

Sapos i bin i gat inap mani, PNG inap putim ol spot man-



• Sir John Dawanincura.

meri long olgeta 32 spot we inap lukim PNG i kisim moa namba bilong ol medol.

Sir John i mekim bikipela tok amamas i go long olgeta spot manmeri husat i pilai long dispela SP Gems na winim ol medol. Em i mekim spesol tok amamas i go long Ryan Pini husat i bin winim planti medol long sait bilong swim. Ryan i winim 7-pela gol medol, 4-pela silva na wanpela brons medol we em i kamapim 12-pela medol olgeta long nem bilong em.

Sampela wari bilong PNG long trek na fil resis

OPISEL bilong Papua Niugini tim long Saut Pasifik Gems i no amamas long sampela pasin i bin kamap long Fiji long taim bilong namba 12 SP Gems we i pinis las wik. Olsem na em i raitim pas i go bek long autim bel hevi bilong PNG long menesa bilong trek na fil resis Filimoni Vuli Waqa.

Tim menesa bilong PNG Etlitik Stephen Mombi i tok em i no amamas long pasin ol lain i lukautim gem i mekim long senisim nem bilong ol pilai long taim pilai i stat.

Taim ol i singautim nem bilong ol sampela kantri long go long pilai graun, sampela i wok long rausim nem na stretim nem yet long pepa. Mombi i tok dispela i no stret tru na kain tenis olsem i brukim lo bilong resis. Wanem kain mak bilong rausim nem i go long pepa long dispela

taim em i no stret na i brukim lo bilong spot long sait bilong etletik.

Mombi i komplem tu long resis bilong 200 mita, 400 mita na 800 mita we ol PNG rana long ol dispela resis i no kisim gut win yet na redim ol yet gut long resis na ol opisel i singaut long narapela resis gen. Em i tok dispela i no bihainim stret rul bilong spot na ol i mekim olsem long bagarapim ol pilai.


Narapela komplem tu em taim ol opisel i bin laik rausim mak o klinim mak we PNG tripol jampa Sandy Katusele i bin kalap long en, ol i no bin singautim wanpela PNG tim opisel i go sanap na lukluk na sekim gut. Ol i mekim long laik we i lukim Katusele i no amamas tru long dispela risal bilong em.

PNG menesa tu i komplem long pasin ol sapota na ol manmeri bilong Fiji i mekim

long ol PNG rana taim ol i go redim ol yet long ron. Taim ol i wok long redi i stap long sait bilong trek, ol manmeri i bikmaus na singaut antap long ol.

Dispela i no gutpela pasin tru ol manmeri bilong Fiji i mekim long ol rana bilong PNG. Dispela i soim olsem tingting bilong winim medol na apim nem i kamap bikipela samting winim as tingting tru bilong SP Gems. SP Gems i sanap long pasin brata insait long Saut Pasifik rijon.

PNG tim menesa i tok taim PNG i bin lukautim SP Gems long 1991, ol manmeri bilong PNG i bin givim gutpela sapot tru long olgeta Pasifik kantri. Na i nogat pasin bilong bikmaus o singaut antap long wanpela pilai bilong narapela Pasifik kantri. Ol rana i ron gut tru na ol manmeri tu i sapot gut tru long olgeta lain.



• Edward Kassman i givim gut wan long birua paitman bilong em. Edward i winim gol long pait bilong em. Raithan: Tas pilai.

Nandex tok em bai trening hat gen

BIKNEM kik boksa bilong Papua Niugini Stanley Nandex i bungim hevi yet long bagarap em i bin kisim long bodi bilong em taim em i go pait long Saut Pasifik Gems long Fiji. Wanpela hap bun long sait banis bilong em i bruk taim em i pait

wantaim wanpela paitman Manutea Sachet bilong Tahiti.

Ol ripot i tok Nandex i bin autim Manutea Sachet long 1999 SP Gems long Guam na long dispela yia Sachet i redi gut na i kam bek long bungim Nandex.

Long dispela wik

Nandex i tokaut long nius olsem em i bin go pait long traim winim bek taitel bilong em taim em i bin winim long 1999.

Em i tok em i save olsem em i no wanpela wol sempion man na em i ken bungim salens na lus long namel egen-

sim ol arapela paitman husat i gat eksperiens o i redi gut long salens. Olsem na em i tok dispela lus i mekim em i luksave long ol asua na wanem samting em i ken mekim long redim em yet gen long go het wantaim pait bilong em long bihain taim.



Ol spot bodi laik save long ol lain i bikhet

PLANTI askim i wok long kamap long ol lokol spot asosiesen long PNG Spot Federesen i mas tokaut long nem bilong ol dispela lain spot man husat i go spak na brukim lo PNG tim i makim long bihainim long SP Gems long Fiji.

Tasol PNG Spot Federesen i no tokaut yet long dispela.

Long sait bilong soka ol singaut i wok long kam long wanwan soka asosiesen long husat em dispela soka pilai stret i spak o brukim lo we PNG tim i tambu long en long ol lain i noken spak na dring long taim bilong gem.

Ol ripot i kamap pinis olsem

sampela pilai bilong kriket, volibal na soka i bin spak long taim bilong Saut Pasifik Gems long Fiji olsem na menesmen bilong PNG Gems Tim i rausim ol i kam bek long las wik. I gat wanpela long ragbi yunior tu i bin abrusim dispela lo na i bin dring bia bihain long gem bilong ol.

Membra bilong Samarai Murua Gordon Wesley i bin askim Minista bilong Spot Ledi Carol Kidu long dispela long wanem gavman i bin givim helpim long ol i mas go na holim yet gutpela nem na rekot. Mista Wesley i tok kantri i wok long bungim hevi long mani na olsem wanem gavman i givim dispela

kain mani i go long SP Gems tim taim ol spot lain i go na mekim bikhet pasin we i givim nem nogut i kam bek long kantri.

Pastaim tasol long ol SP Gems tim bilong PNG i lusim kantri long Jun 28, ol i bin kisim bikipela toktok stia na ol prea long ol i ken i stap gut na pilai gut na kam bek gut long PNG. Tasol gutpela pasin na eksen bilong ol long gem bai apim tru nem bilong kantri.

Minista bilong Spot Ledi Carol Kidu i bin salim PNG Tim i go wantaim ol gutpela tok stia na toktok bilong em i kisim tu sapot toktok planti ol spot menesmen insait long kantri.

PNG winim gol long

INSAIT long wanwan resis bilong etletik olsem long 100 mita, 200 mita, 400 mita i go long 800 mita na arapela longpela ron o long distens, PNG i no bin mekim gut tumas tasol taim ol i ron long rilei, PNG i givim bel pen long ol arapela kantri.

PNG i winim gol medol long 4x100 mita na 4x400 mita. Dispela em olsem foapela PNG rana i ron na pinisim dispela resis.

Fiji i bin feveret long winim dispela rilei resis tasol ol sapota na ol pipel bilong ol i bel pen taim PNG i winim dispela las resis.

Pastaim em Papua Niugini rana Peter Pulu i lus long rana bilong Fiji insait long 100 mita resis long Tunde las wik long Saut Pasifik Gems long Fiji. Pulu i kamap namba tri na kisim

brons bihain long Jone Delai bilong Fiji we tupela i kisim wankain taim long 10.9 sekens na top rana bilong Fiji John Lumkon we em i kisim 10.8 sekens long taim bilong em na kisim gol medol.

Ol ripot i tok taim PNG Peter Pulu i wok long redim em yet long sait long ron, ol Fiji manmeri i stat long singaut na mekim nois nabaut long daunim Pulu. Taim boi PNG i ron 400 mita long redim em long ron tru, wankain singaut i stap yet.

Tasol Pulu i tok em i orait, em i sempion rana yet na em bai kam bek tasol nau em bai redim yet long Osenia Gren Priks resis long pinis bilong dispela yia.

Tasol Pulu i tok em i 28 krismas nau na em bai kam bek long narapela Saut Pasifik Gems gen long bihain taim.

Pe dei bilong ol gol medol lain



• Karate eksen long SP Gems long Fiji.

OL Spot manmeri bilong Papua Niugini husat i bin go pilai long Saut Pasifik Gems na winim gol medol bai kisim pe. Dispela em wanpela amamas kantri i ken givim long ol spot manmeri taim ol i laik go long SP Gems long Jun 28.

Nau ol i kam bek, dispela pe i redi pinis long amamasim ol spot laion husat i bin wok hat tru long winim gol medol long dispela SP Gems.

PNG Spot Federesen i bin tokaut pinis olsem ol bai peim ol manmeri husat i winim gol medol long K2000 wanwan gol medol.

Dispela i min wan wan gol medol em K2000 long husat spot manmeri i winim gol long spot resis bilong em. Planti lain long etletik, weiltifting, masol ats o Taekwondo, boksing na arapela

spot pe wanwan manmeri yet i salens long en i laki long kisim dispela K2000 long wanwan gol medol bilong ol.

Long arapela grup spot olsem soka, basketbal, ragbi tas na arapela grup spot em sapos ol i winim gol medol bai wanwan pilaia i kisim K500.

Long grup spot we i bin winim gol medol long SP Gems em ol meri soka, ol man kriket na 4x400 mita na 4x100 mita resis bilong ol man.

Tim bilong PNG i bin go long Saut Pasifik Gem i bin kisim bikpela sapat i kam long ol bisnis, pablik long fan resing long Trukai Fan Ran na gavman bilong Papua Niugini. Dispela i mekim isi long namba olsem 300 spot manmeri olgeta i makim PNG long wanwan spot

na i go long Fiji long stap insait long dispela namba 12 Saut Pasifik Gems. Tasol ol menesmen bilong PNG Tim Menesmen i tok bikos long hevi bilong mani, PNG i no salim tim long olgeta spot. Namba olsem 8-pela spot i nogat ol spot manmeri bilong PNG insait long ol. Dispela i lukim PNG i kamap sot long ol gol na total medol rekot bilong kantri. PNG i bin kamap namba 4 long dispela SP Gems.

PNG Spot Federesen bai peim mani mak olsem K50,000 inap long K100,000 i go long ol spot manmeri na ol tim husat i winim gol medol long dispela taim.

PNG top swim man em Ryan Pini i winim 7-pela gol medol olgeta winim olgeta spot manmeri bilong PNG.

PNGSF bai tok wanem nau?

HENRY MORABANG
i skelim tingting

BIKPELA tok amamas i go long Tim PNG husat i go pilai long 2003 Saut Pasifik Gems long Fiji na kam bek long Tunde nait.

Na bikpela tok amamas tru i go long ol lain spot manmeri husat i winim gol medol na tu husat i stap long kompetisen long Fiji. Tok amamas i go long mangi Baruni, Ryan Pini husat i winim 7-pela gol medal bilong PNG. Sori, em i no bilong Baruni tasol mama i karim em long Pot Mosbi Haus sik.

Em i mekim bikpela hat wok tru long wokim pat taim stadi na trening long makim kantri. Arapela pilaia i mekim wankein bipo em Ann Mooney.

Ol pipel bilong PNG i tromoi bikpela mani tru long salim tim. Takis mani bilong ol (K1.5 milien) gavman i givim long sapatim Tim PNG long go pilai resis.

Olgeta taim long Saut Pasifik Gems, Komonwol Gems na Olimpik Gems, Gavman i save givim helpim.

Namba wan helpim em long rausim o daunim takis long ol kampani na bisnis husat husat i givim sponsa long PNG tim. Gavman i save kamapim dispela lo long rausim takis long ol kampani husat i sapatim PNG Spots Federesen long salim tim.

Namba tu em Gavman yet i save givim mani i kam aninit long Nesenel Geming Bot.

Bihain long 1991 Saut Pasifik Gems long PNG, PNG i no kamapim gutpela pilai long ol Saut Pasifik Gems.

Long 2003 SP Gems long Fiji,

PNG i pinis namba foa. Na em i bikpela sem stret long ol lain i hatwok long givim mani long salim tim.

Sapos mipela i skelim gut. Ol kampani (praivet bisnis) na gavman i givim planti mani long bilong salim tim PNG.

Tasol ol mani i go olsem wanem. Bikpela as watpo PNG i no pilai gut em planti ol tim i no kisim gutpela trening long kantri yet na tu long ovasis.

Planti ol mani PNGSF i wokim i go long wanem hap. Em askim PNGSF na Sir John Dawanincura yet i ken tokim ol sapatim bilong spot.

Tripela spot tasol i kisim gutpela trening em hoki (womens tim), atletik (sprint tim) na swimming. Dispela ol trening em ol wanwan spot yet i painim mani long mekim na PNG Spots Federesen i no helpim ol.

Toktok bilong Sir John long kantri i mekim gut long SP Gems i no gutpela. Watpo PNG em i bikpela kantri long rijen na i kamap namba foa long SP Gems.

Tahiti na Nu Kaledonia em ol liklik ailan long Pasifik na olsem wanem ol i kamap namba wan.

Tupela kantri ya i stap aninit long lukaut bilong kantri Frens. Na em wanpela samting nau, PNGSF i mas skelim na lainim long dispela tupela kantri.

Na maski long go askim gavman na ol kampani tumas long mani. Yupela ol rita na sapatim bilong spot yet i ken skelim.

Long pinisim olgeta toktok, bikpela tok amamas i go long wimens soka tim long winim gol medol. Hatwok bilong leit Peter Mommers i karim kaikai na sapos em i stap laip, em bai amamas tru.

Stap wantaim yupela olgeta long gutpela taim na taim nogut.

Soka i lusim gutpela pren

WANPELA soka administreta Qwentin Pambuai i dai bihain long sik i painim em long Pot Mosbi long las wik.

Pambuai em i wanpela stail mangi long pilai soka na i save kukim stret long sait lain long soka fil.

Boi M'Buke long Manus i kamapim nem long soka olsem wanpela trik trik man long Sunam soka klab na bihain em i kalap na joinim Rapatona soka klab.

Pambuai i no save pilai soka tasol. Nogat, em i wanpela stail man tu long holim stik bilong hoki ya.

Pambuai i marit na i gat wanpela pikinini.

Wantok Niuspepa i painim aut olsem Pambuai i kisim sik bihainim namba wan operesen bilong em long kidni. Em i gat wanpela kidni tasol em i nogat inap mani long go sekim gen long Australia.

Bipo long Pambuai i dai, em i wanpela strongpela sapatim bilong Pot Mosbi Soka Asosiesen. Em i bin stap olsem sekretari na wanpela komiti bilong Bisini Stadium projek.

Em i mekim planti ol wok bilong soka. Las ya em i tim menesa



• Leit Pambuai i stap long hotel rum bilong em long Honiara Hotel na sekim ripot bilong PNG Andra 20 soka tim.

bilong PNG Andra 20 Olpela spot edita soka tim i go pilai long Pot Vila long Vanuatu.

President bilong Pot Mosbi Soka Asosiesen Fabian Chow i salim bikpela tok sore i go long famili bilong em.

Em i tok leit Pambuai em wanpela hatpela man long mekim wok. Em i save sanap helpim gut tru PMSA long toktok bilong graun egensim PNG Spots Komisn long Sir John Guise stadium.

Mista Chow i tok taim em i stap sekretari long liklik taim em i mekim planti gutpela wok bilong soka ya.

PNGFA na PMSA nau i lusim pinis wanpela gutpela strongpela sapatim bilong soka. Long Pot Mosbi yet,

Binatang bai i no inap go long Sidni

Lionel Yogomin i raitim

...Tasol ol bai traim Cairns

PAPUA Niugini Binatang Andra 16 tim long pilaim gem long Kingsbury Cup resis long Sidni long Australia bai i no inap long kamap.

Dispela Sydney Swans Kokoda Memorial gem em ol Sydney Swans i bin stapim bikos long hevi bilong painim mani na edministresin klap i wok long painim. Tasol nau yet AFL PNG i wok long lukluk long salim Binatangs i go pilai long Cairns long mun Septemba 22 na 25, 2003 wantaim ol selek tim bilong Cairns na Cape York we bai i gat wanpela kompetisen bilong ol tripela sait.

Ol pikinini husat baim K1000 levi fi na ol i gat paspot bai ol selekta i makim ol pas-

port. Ol trail gem bilong ol NCD pilaia bai kamap long 25 de bilong dispela mun Julai long Amini Park. Na ol pikinini husat i gat krismas olsem Andra 16 na yangpela husat laik stap long tim i mas kam long trening long Mande na Trinde. Fainel seleksen bilong tim long makim 26 pilaia bai ol i tokaut long Mande 28 Julai.

Insait long dispela fainel 26 pilaia ol selekta i makim, 20 bai kam long NCD, foapela long Wes Nu Briten, tupela long Rabaul na tupela long Buka wantaim foapela opisel long go wantaim ol.

Levi fi bai stap long K1000 yet na ol pilaia i mas stretim paspot aplikasin fom na baim K1000 fi i go long ol tim menesmen long Fraide

25 Julai, 2003.

Long 2004 PNG Binatangs seleksen bai kamap insait long Andra 14 na Andra 16 tim long pilai long rijinol sempionsip.

AFL PNG Ailan rijon, AFL PNG Noten na AFL PNG Sauten Rijonal sempionsip bai holim Andra 14 na Andra 16 level insait long mun Febuari na Mas 2004. Long dispela sempionsip bai ol i makim 20 pilaia wantaim fainel 30 man tim long pinis bilong mun Mas long i go long Kwinnslen, Australia long pilai insait long Kwinnslen Kantri Andra 14 na Andra 16 Sempionsip. Dispela sempionsip bai kamap long mun Jun, 2004.

Long arapela nius AFL PNG bai ranim spesol kosing klinik bilong ol papa, mama,

tisa na sapatim husat i gat interes long gem. Dispela kosing klinik bai kamap long Amini Park long ol dei na taim aninit:

- | | |
|------------------|----|
| (1) Mande | 28 |
| Julai, 2003 | - |
| 4.00pm - 6.00pm | |
| (2) Trinde | 30 |
| Julai, 2003 | - |
| 4.00pm - 6.00pm | |
| (3) Fraide | 01 |
| Agus, 2003 | - |
| 4.00pm - 6.00pm | |
| (4) Sarere | 02 |
| Agus, 2003 | - |
| 8.00am - 12.00pm | |

Registresin fi bilong kos o klinik em K10 tasol na husat lain i pinisim kos bai kisim setifiket i kam long AFL PNG.

Long kisim moa tok-save long dispela kos ya ken ringim Willie Yogomin long AFL PNG opis long telepon 325 4943 o Scott Reid long mobail namba: 686 7683.

LAE
BISCUIT




WANTOK *Spots*

LAE
BISCUIT



Maroons bagarapim Blues



• Ain man bilong Maroons Shannon Hegarty i brukim banis bilong Blues. Strongpela pilai bilong em i mekim Maroons i winim las gem 36-6.

Long namba tu hap bilong gem Blues i putim namba wan trai long 7 minit bilong namba tu hap. Longpela kik i go long Maroons trai lain na winga Timana Tahu i ronim bal na i go pundaun long trai lain. Johns i kik long kona na apim skoa i sanap Maroons 16 na Blues 6.

Maroons i strongim atek na Blues i mekim wanpela moa lain drop aut we i givim sans long Maroons long kam bek long hap bilong Blues. Dispela taim Blues i stat long kam bek long gem tasol ol mistek bilong drop bal i no pinis yet.

Maroons i kam bek strong na tromoi ol bal i go i kam taim Shannon Hegarty i mekim planti ol strongpela ron na brukim difens bilong Blues. Dispela taim Brent Tate i putim namba tu trai long kona na Josh Hannay i kik na surukim skoa i go antap long 22-6.

Matt Bowen i mekim wanpela longpela ron na pulim lain i go long 20 mita bilong Blues. Dispela taim Maroons i tromoi tromoi bal i go na Cameron Smith i kisim pas i kam long Darren Lockyer. Kik i abrus na skoa em 26-6.

Tony Carroll mekim namba wan penalti long takol nogut long fulbek bilong Blues Anthony Minichiello na referi putim em long ripot.

Planti lus bal long takol i lukim Gorden Tallis kisim ol gutpela sans long ron strong na brukim ol banis bilong Blues.

Long namba wan hap bal i go insait long trai na Maroon senta Brent Tate i kisim bal na pundaun long trai lain insait long 7 minit. Josh Hannay i kik na skoa em 6-0.

Maroons i holim bek Blues long sait bilong ol na i lukim Blues i kisim ol tripela lain drop aut olgeta.

Maroons i tromoi tromoi bal na kam bek taim Matt Sing i kisim bal na putim namba tu trai. Josh Hannay i kikim tupela gol wantaim. Skoa em 12-0.

Blues i kik na Matt Sing i go bek gen long namba tri trai. Kik i abrus na skoa em 16-0.

Andrew Johns i bin go insait long trai lain bilong Maroons tasol han bilong em i sot na Maroons i kisim bek bal. Difens bilong Maroons i bin strong tru na stapim ol sans bilong Blues long go insait long trai lain eria.

Long hap taim Maroons i go pas wantaim 16-0 skoa.

Tasol strong bilong Maroons i stap yet na ol i kam bek na winim dispela las gem wantaim 36-6 long fultaim.

Timana Tahu i skorim wan pis trai bilong Blues.

... Husat tok Maroons i aut?

MAROONS i no aut yet. Ol i winim las Stet ov Orijon gem egensim Blues wantaim 36-6 long fultaim.

Winga bilong Maroons Matt Sing i putim tripela trai olgeta long dispela nait taim nupela pes long Maroons em Josh Hannay i mekim nem long ol kik bilong em tu.


Matt Sing wantaim Michael Crocker i pinisim gem wantaim tupela las trai long putim skoa kamap 36-6 long fultaim.

Dispela i bin wanpela hatpela gem Maroons i kamapim long stopim olgeta sans na strong bilong Blues long winim gem.

Namba wan hap bilong gem em wansait gem bilong Maroons tasol. Ol i takol strong tru na daunim Blues strong tru.

Blues i bin mekim planti asua tru long lusim bal long pas na long tep we Blues i bin gat planti mistek tru long namba wan hap bilong gem.

Long hap taim em skoa i sanap Maroons 16 na Blues i 0. Wanpela kik i bin abrus.



• Timana Tahu i skorim wanpis trai bilong Blues.

• Moa SP Gems ripot

- Pes 30-31

• PNGFA Klap sempionsip taitel

- Pes 29

Arrow
Proudly made in PNG

Liklik prais-bisket oltaim! Always hits the spot!

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.